



WANTOK

Niuspepa bilong yumi ol PNG stret!

Wan Wik, Mei 26 - Jun 1, 2005 NAMBA 1610 K1.00 long Mosbi tasol - Ausait Mosbi K1.30



Bogenvil
Ileksen vot bai
pinis tumora -
PES 3

Liklik
pipel i
gat benk
- PES 25



OL KANAGE
STORI -
PES 23



OCEAN BLUE
Tuna in oil
Rait teist
yah!



PNG i no Irak

Neville Choi i raitim

PAPUA Niugini i no olsem Solomon Ailans o Irak na Australia gavman i no inap tok ol polis manmeri bilong ol i kam wok long PNG i mas i gat imyuniti o banis long mekimsave wankain olsem ol i kisim taim ol i go wok long dispela tupela kantri.

Dispela em toktok Minista bilong Foren Afeas na Imigresen Sir Rabbie Namaliu i mekim pastaim long em i lusim kantri aste long go paitim tok-tok wantaim wanwok bilong em long Australia, Alexander Downer long kisim Ikonmik Koporesen Progam (ECP) i kam bek.

Sir Rabbie i bin mekim dispela tok-tok long bekim tok we Hai Komisina bilong Australia long PNG, Michael Potts i mekim long Tunde long wampela bung long Yunivesiti bilong Papua Niugini.

Mista Potts i tok imyuniti Australia i laikim bilong ol wok manmeri bilong en i wankain olsem ol i kisim long Solomon Ailans na Irak.

Tasol Sir Rabbie i tok strong olsem

PNG i no olsem dispela tupela kantri we ol i gat bikpela pait na ol manmeri bilong ol i wok long traim kilim ol man Australia i wok long hap.

Em i singaut long Australia long traim daunim ol yet long singaut bilong imyuniti long wanem ol polis manmeri bilong ol i nogat bikpela pret taim ol i wok hia long kantri.


Sir Rabbie i go wantaim Minista bilong Polis Bire Kimisopa na Seketeri bilong Dipatmen bilong Foren Afeas Gabriel Pepson.

Ol bai toktok wantaim Mista Downer long painirf rot bilong kisim ECP i kam bek long kantri.

"Mipela bai kamapim wampela bikpela wok glasim long agrimen i kamapim ECP na lukluk long ol wan wan bikpela hap we Suprim Kot i tok i no bihainim Mama Lo," Sir Rabbie i tok.

Em i tok ol PNG opisel na minista i glasim pinis toktok bilong Kot na ol bai ol i skelim pinis ol polis sait bilong ECP na progam wantaim.

I go moa long pes 2



TUPELA GEM I STAP YET...

JEMIMA George i sapotim Maroons na Daniel Anthony Jr i sapotim Blues. Tupela wantaim i bin raun soim ol kala na stall bilong tupela tim bilong ol. Tasol tupela i tok ol i no wari husat i winim namba wan gem. Ol i lukluk tasol long namba tu na tri gem. Jemima i laikim tru Darren Lockyer na Anthony i save indai kirap long Trent Barrett.

Poto: ANDREW MOLEN

PowerMate 950L Generator

BAIM POWERMATE 950L GENERATOR NA KISIM TUPELA FLUORO LAMP WANTAIM CORDS NA POWERBOARD FREE!

SPECIFICATIONS:

- 650w Generator
- 2 Stroke Engine
- Runs on Zoom fuel
- 4 & 1/2 Hours on full load
- With Australian/PNG Standard Socket



Model: 950L



BACK BY POPULAR DEMAND!

FREE GIVEAWAY

2x Fluorescent 18W 600mm with plug-in cord and 2x 5m extension lead

1 x 4 Outlet Powerboard

K559

Price inclusive of GST

BACKED BY BRIAN BELL'S WARRANTY, SPARE PARTS & SERVICE

Brian Bell Shop with a friend



Port Moresby 325 5411

Powercentre 325 8066

Lae 472 3200 Tuptown 479 1918 Madang 852 1899 Goroka 732 1622 Mt Hagen 542 1999 Kokopo 982 9027

Kauona laik save watpo planti nem long komon rol

Aloysius Laukai i raitim

BIPO Komanda bilong Bogenvil Revoluseneri Ami Sam Kauona husat nau i kamap wanpela bisnis man i wari long planti manmeri ol i rausim ol long ples bilong vot bikos nem bilong ol i no stap long Komon Rol.

Mista Kauona i tok planti manmeri long Kokoda konstuuensi i no vot bikos nem bilong ol i no stap long komon rol. Kokoda i sanap long Koromira, Koianu na Dantanai long saut sentrel Bogenvil.

Mista Kauona i tok dispela em i namba wan ileksen bilong Bogenvil Otonomes Gavman na olgeta manmeri bilong Bogenvil husat inap long vot i mas vot. Na samting i wok long kamap long ples bilong vot i no gutpela.

Ol pipel bilong em i tingting planti nau olsem sampela kain paul pasin i kamap long daunim

mak bilong pipel i givim vot bloong ol.

Em i singaut nau long ileksen Menesa Mathias Pihei long tok klia olsem watpo tru dispela kain samting i kamap.

Long wankain taim, Mista Pihei i tok ol manmeri husat nem bilong ol i no stap long komon role m mol dispela i no bin sekim na putim nem bilong ol tai mol bin apdetim komon rol long dispela yia.

Mista Pihei i bin tokim ol ripota long Buka olsem planti pipel i no bin sekim o rijistaim nem bilong ol bikos dispela komon rol ol i yusim em ol i mekim gutpela long dispela bilong pastaim.

Em i tok em i no bilip olsem i gat mistek long sait bilong taipim ol nem tai mol i sekim na apdetim ol komon rol.

Em i tok bikos long dispela samting, ol ileksen opisa i wok long yusim tu komon rol bilong


2002 we ol bin yusim long Nesenel Ilekse long sekim nem bilong ol vota.

Mista Pihei i tok nau ol opisa bilong em i wok long sekim gen ol wokim pepa long lukim sapos i gat sampela kain asua ol bin mekim na sapos ol i no bin lusim sampela nem tai mol i wokim komon rol lista.

Tasol Mista Pihei i wokim strongpela toktok olsem dispela Otonomes Gavman ileksen i gat wanpela komon rol tasol we ol i tok orait long em na ol i no inap larim ol dispela

manmeri we nem bilong ol i no stap long mein komon rol na long saplimenteri wan i vot.

Mama Lo bilong Otonomes Bogenvil Gavman i no larim ol lain we nem bilong ol i no stap long komon rol long putumapim Steuteri Dekleresen Fom na vot.



Pisin o man

SIEF Sajen bilong Frens Ami, Pascual Christophe wantaim ol wanwok bilong em i bin kalap long balus na plai wantaim parasut i kam daun long Murray Bareks fil long Trinde.

Major Eric Aliawi husat i kodineta bilong dispela ekksesais ol i kolim "Brown Shark" i tok ol i soim tasol wanem samting ami i ken mekim long go insait long hap ol ples we i nogat ples bilong balus long pudaun.

"Planti taim mipela i save tromoi ol samting olsem kaikai na ol narapela kago i go daun long ol soldia long bus tasol ol man tu i ken kalap sapos i nogat gutpela ples bilong balus long pudaun," Meja Aliawi i tok.

Inap olsem 23 French soldia kru i kam long PNG long Mande we ol i mekim dispela ekksesais we em i namba foa taim bilong em long kamap namel long ol na PNGDF.

Meja Aliawi i tok em i amamams olsem ol samting i kamap orait tasol na ol i amamas long wok bung ken wantaim ol long bihain taim.

Ol dispela para-trupa bilong French ami wantaim ol pilot na sampela bikman bilong ol bai i lusim kantri tumoro.

PNG i no Irak

I kam long pes 1

Mista Kimisopa i tok wanpela samting ol bai tokim Australia gavman em long luksave long bikpela wok PNG gavman i mekim pinis long kamapim dispela ECP.

Sir Rabbie i tok PNG gavman i bin mekim bikpela wok long kamapim ol samting olsem Join Stiarng Komiti bilong skelim ol asua bilong ol Australia polis, maski ol loya bilong gavman i bin toksave olsem bai i bungim hevi wantaim kot.

"Mipela bai no inap tokaut long wanem ol samting mipela bai paitim toktok long en, tasol mipela bai givim sampela rot we i ken senisim dispela askim bilong imyuniti," Sir Rabbie i tok.

Mista Kimisopa i tok dispela ECP program i mas kam bek long PNG long wanem em i wanpela program we i mas i stap bai PNG i ken strongim bek wok na sindaun bilong em yet.

"Mipela bai painim rot we ECP i ken kamap long strongim sapot bilong komyuniti, sapot bilong politiks na sapot bilong ol polis na ol arapela disiplin foses na pablik sevis long en."

Tasol Sir Rabbie i tok tu olsem PNG gavman i pasim tingting pinis olsem ol i no inap long senisim Mama Lo bilong kantri long opim rot bilong imyuniti we Australia i askim long en.

Lukim Wantok Komentri long Pes 15 long kisim moa tingting long ECP.

Kabinet tok oraitim pablik holide long Bogenvil

TRINDE Jun 15 na Fonde 16 bai i pablik holide long ol pipel bilong Bogenvil.

Inta Gavman Rilesens na Bogenvil Afeas Minista Sir Peter Barter i tokaut long dispela aste.

Em i tok Nesenel Eksekutyutiv Kaunsel (NEC) i tok oraitim pinis Bogenvil lopng gat pablik holide long dsipela tupela de na ol bai toksave long Gavana Jenerel long dispela.

Sir Peter i tok ol i makim tupela de olsem pablik holide long Bogenvil bikos long dispela tupela de, tupela samting bai kamap. Pastaim, ol nupela lida bilong ranim gavman bai wokim tok promis bilong ol na namba tu, nupela Otonomes Bogenvil Gavman i holim namba wan bung bilong em.

NEC i tok orait pinis na bai askim Gavana Jenerel long givim tok orait bilong em long Sinia Provinsel Majistret David Maliku olsem man husat bai givim tok promis long ol lida bilong nupela Otonomes Gavman, bihainim Mama Lo bilong Bogenvil.

Minista Barter i tok em bai salim askim i go long ol ogenaisesen na kantri husat i bin helpim na sapotim Bogenvil i kamap orait i kamsinap em i kisim nupela Otonomes Gavman long stap long opening seremoni bilong "Haus ov representetiv" o nupela Palamen bilong Bogenvil.

Em i tok tu olsem Nesenel Gavman i wok wantaim Bogenvil Etministresen long ol wok redi bilong opisel opening bilong Otonomes Bogenviul Gavman long neks mun.

2RPIR kisim komanda's kap

Andrew Molen i raitim

COY kampani bilong 2RPIR divisen bilong PNGDF long Wewak em ol nupela sempion bilong komanda's kap salens bihain long ol i win las wik.

Ol soldia bilong Moem Bareks i pilai strong tru long faivpela de we dispela salens i bin ron we ol i wokim ol ekksesais we ol inap wokim insait long tru tru wo o pait.

1RPIR husat ol i bin winim dispela taitel long las yia i bin kam fes long ol poin ol i kisim tasol ol opisel i rausim win long ol bihain long ol i painim aut olsem ol i no bihainim sampela lo bilong dispela salens.

Lida bilong 1RPIR, Koprol Meta Eka i tok ol i kisim toksave bilong dispela lo long Trinde tasol taim ol i tren

i stap na ol i leit pinis long senisim tim bilong ol olsem lo i tok long ol soldia long tim i mas kam long wanpela yunit tasol na i no ol gutpela soldia bilong wanwan yunit i kam bung wantaim na kamapim tim ol i kolim "Super-Section."

"Dispela ol toksave i kamaut long taim na yupela i no harim na bihain tok olsem na win bilong yupela i go long tim i kam namba tu," Komanding opisa bilong Goldie River trening depo we salens i kamap, Col. Walter Enuma i tok.

Komanda bilong PNGDF, Komodo Peter Ilau i tok amamas long ol soldia long ol skil na save ol i soim long dispela faiv-pela de ol i wokim dispela trening ekksesais na em i tok husat ol i no mekim gut dispela yia i ken traim ken neks yia.



Bogenvil ileksen vot bai pinis tumora

...Ona i soim sapot

Veronica Hatutasi i raitim

TAIM bilong vot long long Bogenvil bai pinis tumora Fraide na bihain long kaunim long neks wik, ol pipel bai i save husat bai i stap insait long nupela Otonomes Gavman.

Rot we ol pipel bilong Bogenvil i bin wok-abaut long en long kisim nupela gavman i no isti.

Bihain long 10-pela yia long pait we ailan na pipel i bin kisim bikpela bagarap tru na moa long 15,000 pipel i dai, ol pipel yet i bin krai long gutpela sindaun.

Na wantaim helpim bilong Nesenel Gavman, ol gavman bilong Australia na Nu Silan, Fiji na Vanuatu, Yuraitet Nesen (UN) na ol arapela intenesenel helpim grup olsem Yuropien Yunien (EU), ol gavman bilong Japan, Saina, ol sios na Non Gavman Oge-naisesen grup, wok i bin stat long painim dispela gutpela sindaun we i wok long karim gutpela kaikai nau.

Na nambawan long ol dispela kaikai we ol pipel i amamas long sanapim em Otonomes gavman.

Dispela namba wan Jenerel Otonomes Gavman ileksen i wok long go gut na Me'ekamui lain bilong Farancis Ona i givim sapot bilong ol na planti i givim vot bilong ol.

Ileksen Menesa Mathias Pihei i tok em i amamas long ileksen i go gut wantaim nogat

lain i kamapim bikpela hevi long stopim vot i go het. Na em i tok amamas long sapot we ol Me'ekamui lain i givim na moa yet, planti bilong ol i givim vot bilong ol.

Em i tok ol dispela ples we i bin bungim sampela hevi olsem taim bilong ren na ol arapela liklik samting we i bin stopim vot, em ol ileksen opisa i go gen long ol na ol bai pinisim wok bipo taim bilong vot i pinis tumora.

Mista Pihei i tok opisa bilong em i redim ol wok nau long kaunim i mas stat hariap tasol bihain long taim bilong vot i pinis tumora.

Samting olsem 113,000 pipel bilong Bogenvil inap long vot long olgeta hap bilong kantri i gat sans long makim ol lida we ol i ting i gutpela long makim ol long nupela Otonomes Bogenvil gavman. Tru, sampela i no amamas long i no givim vot bilong ol bikos nem bilong ol i no bin stap long Komon RoI. Na em i gutpela long hariap ol ripot olsem Mista Ona i sapotim ileksen na em i tokim ol pipel long noken bagarapim dispela ileksen tassaol larim ol manmeri i givim vot bilong ol. Na em i tokim ol lain sapota bilong em long Me'ekamui long givim vot bilong presiden long Joseph Kabui.

True Mista Ona i no tok egesnim ileksen, long tupela mun nau, em i wok long raun long Arawa, Buka na Buin na tokim ol pipel olsem Bogenvil i kisim independens pinis na i nogat nit long kirapim narapela gavman.

Tasol planti lain Me'ekamui insait long No-Go Zone na ol arapela eria i givim vot long dispela ileksen na dispela i mekim em i senisim sanap bilong em long givim gutpela sapot.

Long wankain taim, Mista Pihei i tok lidasip bilong nupela Otonomes Gavman

bai i gat bikpela salens na wok long mekim bilong sanapim faundesen o as bilong nupela gavman.

"Dispela ileksen em i bikpela samting tru na ol lida we pipel i makim bai i gat bikpela wok long mekim wantaim ol saveman bilong Bogenvil yet long kamapim ol polisi long givim stia long nupela Bogenvil.

"Ol lida we yumi givim vot long ol bai wok wantaim ol saveman long maining, agrikalsa na ol arapela eria long sanapim stia long nupela Bogenvil. Dispela em i bikpela salens ol nupela lida i gat," Mista Pihei i tok.

Em i tok moa tu olsem nupela gavman bai i olsem gavman bilong wok na sanapim faundesen na i no givim bikpela tingting long politiks.

Taim bilong kaunim ol vot bai stat long neks wik na olgeta wok bai pinis long Fraide Jun 3 na bihain long dispela, ol bai tok save long ol wina.

Bogenvil i karimaut ol wok redi nau long wokim opisel seremoni long ol nupela lida i statim wok long nupela Otonomes gavman long Jun 15.

Noken kilim bebi long bel

BUNG bilong ol Katolik Bisop (CBC) i singaut i go long ol pipel insait long wanwan komuniti long kantri long skelim gut ol toktok we i wok long kamap long maus bilong ol lida na save man bilong kantri long lo bilong abosen o kilim pikinini long bel.

Ol bisop i mekim dispela toktok bihain long Gavana bilong Morobe provins Luther Wenge i askim gavman long tarim ol mama husat i gat sik HIV/AIDS long kilim pikinini bilong ol husat i stap yet long bel.

Presiden bilong CBC Bisop Francesco Sarego SVD long wanpela pas i makim maus bilong ol bisop i tok olsem planti ol arapela memba bilong palamen na ol dokta i wok long toktok strong long mekim abosen o kilim pikinini long bel i kamap olsem wanpela lo bilong kantri.

Ol i tok dispela em wanpela rot long daunim namba bilong manmeri insait long kantri.

Tasol Bisop Francesco i tok olsem dispela em i no gutpela long wanem Papua Niugini em i wanpela kristan kantri na yumi mas bihainim wok bilong Jisas na helpim ol trangu lain na wanpela em ol pikinini husat i stap yet long bel bilong ol mama.

Bisop Francesco i tok tu olsem ol dispela pikinini i gat wankain rait olsem yumi tu na yumi mas tingting gut pastaim long yumi mekim ol kain lo.



Stori long PNG...

LONG makim pinis bilong Wol Woa 2 insait long wol na Pasifik, ABC na BBC Redio i wok bung long mekim wanpela redio so long tingim namba 60 krismas bilong pinis bilong woa.

Brent Clough (Iephan) Redio Produsa bilong ABC Redio National long Sydney na Julian Siddle (raihan) wanpela brodkas jenelis bilong BBC Redio i bin stap wan wik long Pot Mosbi las wik long kisim tingting bilong ol bikman insait long kantri. Tupela i bin wokabaut bihainim Kokoda trek na toktok wantaim las PNG paitman long woa Ben Moide. Tupela i bin toktok wantaim Prais Ministra Sir Michael Somare, Dame Carol Kidu na ol lain manmeri long strit insait long Mosbi siti tu. Ol i bin raun insait long Pasifik na kisim tingting bilong ol manmeri we ol bai putim long wanpela bikpela redio program ol i kolim 'Pasifik Footsteps' we bai i kamap long ABC na BBC Wol Sevis long mun Julai na Ogas.

K12,000 helpim bilong kensa yunit

ANGAU Memoriel Haus sik long Trinde i kisim K12,000 helpim long Highlands Kainantu Limited (HKL) long baim nupela kensa yunit bilong haus sik.

Kensa yunit nau i stap long Angau Haus sik i bin bagarap long 1994 yet na inap nau, haus sik i nogat inap mani long baim wanpela nupela.

I no long taim i go pinis, taim bikpela toktok i kamap long hevi bilong sik kensa insait long kantri, planti bikmanmeri i bin kirap nogat olsem dispela wanpela masin bilong painim sik kensa insait long bodi bilong ol manmeri i no wok.

Tasol bihain long en wan wan bikman i wok long givim mani long helpim Angau

haus sik long baim wanpela nupela masin long kantri Keneda.

HKL em i wanpela liklik han bisnis aninit long Highlands Pacific. Menesa bilong ekstanel na sastenabel developmen wantaim HKL David Wissink i tok dispela mani ol i givim em ol i bin bungim long 'The World's Greatest Shave' resis we ol wok manmeri bilong kampani yet i bin karimaut.

Mista Wissink i tok 100 wokmanmeri i bin stap insait long dispela resis na bungim K8,000. Narapela hap mani em kampani yet i givim.

Em i tok dispela 'worlds greatest shave em i wanpela samting i save kamap long helpim long bungim mani bilong ol manmeri i gat sik Lukimia long Australia, olsem na kampani i

bin laik mekim wankain samting long hia.

"Nau kensa yunit i gat bikpela hevi long nogat mani, na maski kampani em i liklik tasol na i wok long stat long mekim wok bisnis bilong em, mipela i amamas long mekim dispela liklik kontribusen," Mista Wissink i tok.

Opisa i bosim kensa yunit long Angau, Becky Pais i makim maus bilong bodi na menesmen bilong haus sik na tok tenkyu long HKL long mani em i givim.

Mis Pais i tok dispela hap mani i winim mani mak bilong ol arapela helpim mani ol i kisim long bisnis.

Em i tok mani bai go insait long wanpela benk akaun bilong PNG Kensa Ritip Sosaiti na bai helpim ol long kirapim bek kensa yunit.



NAU mipela bai i mas sekim, i gat ol TV skrin i bruk? Ol marit i bruk? O het bilong ol manmeri bruk nating long dispela bikpela Stet Ov Orijin i kamap aste nait tu o nogat?

MASKI long hevi na planti toktok long ECP. Maski long toktok politiks. Sapos yu laik lukim bilip na laik bilong ol pipel bilong PNG, wetim tasol Stet Ov Orijin. Long ol lain husat i lus, noken bisi. Tupela gem i stap yet. Long ol lain husat yupela i win, strong bilong yupela i mas pinis long amamasim dispela win. Nogut wari i kilim yupela long namba tu gem.

TUPELA bikman bilong yumi i go daun long paitim toktok wantaim Australia long stretim bek ECP. Tru tumas, mipela i mas kisim bek dispela program. Nau ol wel pik bilong ol maket na bas stop insait long siti i wok long soim pes bilong ol gen. Tasol sampela manmeri i askim, ol polis manmeri bilong yumi inap long daunim hevi bilong ol dispela kain man nogut i save go pulim bilum bilong ol gutpela manmeri.

GAN komiti i wok long raun tokim ol manmeri long lusim ol gan, tasol ol man antap long Hailans i wok long karim na kisim piksa wantaim ol bikpela faktori na homed gan yet. Wanem taim bai pasin bilong wanbel na bel isi i painim ol lain bilong yumi?

Plantu hai houps long Blas i win.. Klostu ol i win tasol long ekstra faiv minits na Matty i mekim getaway try na mekim ol Blas i lonlon long kona bilong ol na em i go putim trai. Sori tumas ol Blas fan, nau em saut bilong ol losers, yu save...lukim yupela long wankain taim tripela wik bihain.
Marroooooons!!!

Ampo Luteran Sios wokim fan resing

WOK bilong stretim bek Ampo Luteran Sios long Lae nau i go het long traim bungim mak bilong K80,000 long pinisim dispela wok.

Ampo Luteran Sios long Lae em Luteran misin wantaim ol pipel bilong Ahi i bin sanapim long 1933.

Em i wanpela long ol haus i stap yet long woa i kam inap tude insait long Lae siti.

Long taim bilong woa, ol Siapan i bin yusim olsem wanpela ami haus sik na bihain ol ami bilong Amerika na Australia i bin yusim olsem wanpela efos bes. Tasol long 2002, ol i luksave olsem ol i mas stretim bek.

Ol i bin makim mani mak inap long K195,000 long mekim olgeta wok stretim.

Inap tude, ol i bungim tasol K150,000 tasol dispela hap mani i pinis nau. Olsem na nau 6-pela

kongrikesen bilong Luteran sios insait long Morobe provins, em Inglis, Sipaia, Kamkumung, Hengali, Butibam na Sipaia i mas bungim K80,000.

Inglis kongrikesen i go het pinis long stretim wanpela bikpela kaikai long helpim bungim mani. Dispela bikpela fan resing kaikai bai kamap long Lae Intanesenel Hotel tumora.

Insait long dispela bikpela bung kaikai bai ol i askim Het Bisop bilong Evenjeilkel Luteran Sios, Dokta Wesley Kigasung long kamap na bai ol i soim tu stori bilong dispela sios.

Prais bilong tiket bilong wan wan manmeri em K80 na sapos yu tingting long go na givim mani long dispela gutpela wok, yu ken ringim Mis Gari long 6874808 o Krista Titus long 4731637.

Ol Intenesenel Obseva i amamas long Otonomes ileksen

Veronica Hatutasi i raitim

OL Intenesenel obseva grup husat i was long Bogenvil Otonomes Ileksen i amamas long rot we ileksen i go long em. Samting olsem 15-pela lain i kam long Japan, Nu Silan, Australia, Komonwel

Seketeriet na Pasifik Forum grup we i salim ol lain bilong Fiji na Vanuatu i stap was long ileksen. Ol i wok long go lukluk long

ol ples we vot i kamap long en long helikopta na ka.

"Ol obseva i amamas long rot we ileksen long Bogenvil i go long em. Ol i go raun na lukluk long vot i kamap long Buin, Siwai, Arawa, Buka na ol narapela hap. Ol pipel i wok long lukautim gut ol.

"Mi amamas tu long wok ol obseva i mekim. Stap bilong ol long Bogenvil i gutpela bikos em i givim sans long ol ausait lain i lukluk, glasim na skelim dispela

namba wan otonomes ileksen na bihainim ripot bilong ol, em bai givim piksa bilong Bogenvil na kantri long ai bilong intenesenel komyuniti long em," Mista Pihei i tok.

Long wankain taim tu, Mista Pihei i tok tenkyu long helpim we ol polis manmeri bilong Australia i bin givim long helpim ileksen wok long Bogenvil. Ol lain i bin peim helikopta na lusim ka wantaim ol long helpim karimaut ol ileksen wok na long dispela mi

Halia pipel tok tenkyu long Momis, Kabui na Banam

Aloysius Laukai i raitim

OL pipel bilong Halia long Not Bogenvil i givim bikpela tok tenkyu bilong ol i go long gutpela lidasip bilong John Momis, Joseph Kabui na Joel Banam long ronim gut Bogenvil long stat long wok bilong painim gutpela sindaun i kam long taim bilong ileksen bilong Autonomes Bogenvil Gavman.

Eksekutiv memba na man i makim ol pipel bilong Halia insait long Bogenvil Pipel's Kongres John Sahoto i tok olsem Bogenvil i laki tru long stap aninit long lukaut na stia bilong dispela tripela man bihan tasol long hevi pinis na gutpela sindaun i kamap.

Mista Sahoto i tok olsem long makim maus bilong ol manmeri long Halia em i tok tenkyu long ol dispela man long givim gutpela lidasip we i bungim olgeta manmeri long ol liklik ailan long Buka na long bikples Bogenvil bihan long Bogenvil hevi i bin brukim ol man nabaut.

Em i tok moa olsem em i no isipela wok ol i mekim long bungim ol man-

meri taim ol yet i stap long tupela sait. Wampela em ol sapotim gavman o resisten grup na narapela i sapotim Bogenvil Interim Gavman o ol BRA.

Mista Sahoto i tok "ol pipel bilong Halia i laik tok tenkyu i go long foma Gavana, John Momis, long helpim em i givim i go long kantri insait long 33 yias em i stap olsem memba bilong palamen. Papua Niugini i gat bikpela dinau long em." Mista Sahoto i tok.

Em i tok em i no lus tingting long Fransic Ona long wok em i bin soim long mekim dispela wok bilong painim gutpela sindaun i kamap na i askim Mista Ona long givim sapot yet i go long dispela rot Bogenvil i wok long kisim long ileksen bilong atonomes gavaman bilong em.

Em i tok tenkyu tu i go long ol intenesenel komyuniti na ol gavman bilong Australia, Nu Silan, Fiji, Solomon Ailan na Vanuatu long wok ol i bin mekim long wok bilong painim gutpela sindaun.

Em itok tu olsem ol Yunaited Nesens Obseva Misin long Bogenvil i mekim bikpela wok tu long rausim na bagarapim ol gan long ailan.

Tsiamlili amamas long Me'ekamui sapotim ileksen

BOGENVIL Etmnistreta Peter Tsiamalili i amamas long ol Me'ekamui lain i soim sapot long Bogenvil otonomes ileksen long Siwai eria long saut Bogenvil.

Em i amamas long harim olsem ol Me'ekamui lain bilong Fransic Ona yet i

wok long helpim long larim ileksen irot gut long ol ples long Siwai.

Wampela komanda bilong Me'ekamui grup bai kamap olsem wasman o sekuriti

long lukautim ol bafot bokis na ol opisa i lukautim dispela wok taim ol i go insait long ol ples long Sininai insait long Siwai distrik wei i lukim taim bilong

givim vot i wok lon go het gut.

Etmnistreta Tsiamalili i tok olsem karimaut vot long Siwai distrik i bin stop liklik long Sarare bihain long bikpela ren i bin pondaun tasol em i bin i stat gen long Mande.

Em i tok olsem planti manmeri i tingting planti olsem nogut ol lain bilong Me'ekamui

bai bagarapim ileksen long Bogenvil tasol ol toktok ol i kisim long Siwai i tokim

narapela stori na i askim ol manmeri long ol narapela hap ples insait long long noken bagarapim ron bilong dispela ileksen.

Na long ol arapela wankain stori bilong ileksen insait long Bogenvil, sampela lain i bin

kisim wampela balot bokis wantaim mak bilong 0101 insait long Orami eria long boda bilong Nagovis na Kieta.

Ol ileksen opisel i bin putim narapela balot bokis namba 0313 long kisim ptes bilong dispela bokis tasol em tu, ol lain i stilim gen na sasim ol ileksen opisel long K5000, sapos ol il aik kisim dispela balot bokis.

Asisten Komisena bilong Polis Joe Bemu i tok olsem ron bilong vot bihan long ol i stilim ol dispela polling bokis long dispela hap em stap long han bilong ileksen opisa husat i go pas long vot long Orami eria. Sapos em i laik stopim polling, em laik bilong em tasol.

Ileksen ron gut - Tsiamalili

ETMINISTRETA bilong Bogenvil Peter Tsiamalili i tok amamas long ron bilong ileksen. Mista Tsiamalili i tok olsem nogat bikpela trabel i kamap long dispela namba wan ileksen bilong Bogenvil Autonomes Gavman.

Ripot i kam long 4-ela rijen i na i soim olsem ol manmeri i wok long go gut na vot long ol kendidet bilong ol. Em i tok olsem vot i bin stat long las wik Fraide long 8 kilok moning na long ol ripot em i kisim planti lain i vot pinis.

Mista Tsiamalili i tok olsem vot long ol liklik ailan long Not Solomons i stat long dispela wik Mande na ol i makim pinis tripela opisa wantaim tripela grup long karimaut long karim aut ileksen long Fid, Motlok, Katerets na Tasman ailan.

Wampela opisa i karimaut ileksen long ol ailan ya, Paul Tobasi i tok olsem taim bilong vot long ol dispela liklik ailan bai i pinis long tumora

Fraide na ol opisa bai kam bek long Buka long wiken.

Long taim vot i bin stat, olgeta 5-pela kendidet bilonglong sia bilong president bin go bek long ol wanwan distrik bilong ol na vot. Mista Kabui i vot las wik Fraidei long Arawa, John Momis long Sohano Ailan, Bath Kigina i vot long Buin, James Tanis long Bana na Joel Banam i vot long Buka maket long las wik Sarare.

Tasol long nau yet, Asisten Komisina Joe Bemu i tok olsem planti ol manmeri i no wok long vot long wanem nem bilong ol i no stap long Komon rol buk.

Em i tok olsem dispela i no gutpela. Ol ripot em i kisim i tok olsem long Sohano ailan 62 man i no vot long wanem nem bilong ol i no stap.

Konstitusen o Mama Lo bilong Bogenvil i no givim tok orait long ol vota long pulumapim wampela fom ol i kolim long Stetutori dikleresen sapos nem bilong ol i no stap long Komon rol.



(Antap) • Dispela bikman Bogenvil i wok wantaim PANGTEL i sanap wantaim Iektorel Menesa Kaut Kavop husat i putim vot bilong em i go insait long balot bokis long Mosbi

(Left) • Tupela yangpela i sekim nem bilong ol long rol bilong Saut Bogenvil.



PALAMEN SITING TUDE TASOL NOGAT WANPELA MEMBAI SOM PES LONG PALAMEN ...

MISTA SPIKA! OL MEMBA INO KAM BIKOS LONG REN...

SPIKA BILONG PALAMEN I KROS NOGUT TRU...

HAI BAI YUMI RANIM DISPELA KANTRI SAPOSOL MEMBA INO KAM!

MISTA SPIKA, INAP YUMI AJENIM...?

AJE-NIM?!

YES! BIKOS MI BIN PEIM OL MEKED PINKS LONG PASIM REN TUMORO.. PLES BAI KIA...

Nakmai na Vulupindi no soim pes

OL PIPEL bilong Hoskins na Bialla insait long Wes Nu Briten i no amamas long tupela Palamen memba bilong ol long wanem ol i no save go long ples long toktok wantaim ol o harim ol wari bilong ol.

Tupela memba em Gavana Clement Nakmai na Memba bilong Talasea John Vulupindi.

Ol pipel i bin autim dispela wari bilong ol taim Nesenel Gan Kontrol komiti i raun i go long provins.

Ol i tok rot we ol lida i wok long bihainim long lukautim provins em

long "rimot control" long Mosbi.

Ol lida i makim Hoskins na Bialla i autim wari bilong ol na tok Gavana Nakmai i no save go long ples long bung wantaim ol na kisim tingting na wari bilong ol.

Presiden bilong Asosiesen bilong ol meri long Hoskins Albina Golomu i tok ol meri long Hoskins Lokol Level Gavman i no kisim wanpela helpim long memba bilong ol Mista Vulupindu stat yet long yia 2000 taim em bin winim sia long Nesenel Palamen.

Em i tok ol meri i laik kirapim risos senta

bilong ol na maket we ol i ken salim ol henkraf na gaden kaikai tasol ol i taikim helpim mani long wokim ol dispela samting.

Painim tripela man Kiribati i lus long solwara long Tasman Ailan


Tripela man Kiribati husat i bin lus long solwara klostu long tripela mun em ol bin painim ol long Tasman Ailan long Me 13.

Tasman Ailan em wanpela liklik ailan bilong Bogenvil we i stap long bikpela solwara namel long Bogenvil na Solomon Ailan.

Kanu bilong tripela man i bin go sua long ailan long Me 13 na ol pipel i bin kisim ol i go long ples na givim helpim long ol na lukautim ol i stap.

Nem bilong tripela man em Area, Kabou na Korenetha. Tripela man i bin stap laip tai mol i kaikaim pis na kokonas na renwara ol bin kisim long bot taim em i ren.s

Bikos long hevi long tokples, em i hat long kisim moa stori na toktok long birua ol bin stap long em long 48 de long solwara.



• Tripela man Kiribati i bin kam sua long dispela nambis long Motlok Ailan. Ol kanu bilong ol Motlok pipel i stap long dispela nambis.

Givim bikpela mekimsave bilong gan na spakbrus

...tupela i gat rot i go long NGI

IS Nu Briten Gavana Leo Dion i singaut long nesenel gavman long lukluk long lo bilong drak long givim bikpela mekimsave long ol lain husat i save salim na baim ol drak na gan.

Em i wokim dispela toktok long bung bilong Nesenel Gan Komiti taim em i toktok long pablik long Is Nu Briten tai long raun bilong ol las wik.

Em i tok i moabeta long givim trening long ol pablik seven long sekim ol sip i save kam long provins na wanem samting ol i mas was long en long ol bikpela sip i save kam insait long kantri.

Gavana Dion i bin wokim strongpela singaut i go long gavman long mekim samting nau na putim tambu long pablik i yusim gan na larim tasol ol ami, polis na ol woda long gat pawa long holim na yusim gan.

Em bin sutim tok long komyuniti long ol i no save ripotim i go long ol atoriti taim ol i save olsem man i gat gan na em i yusim i stap.

"Planti long yumi i gat save long dispela samting tasol yumi save pasim maus na i no mekim samting long stopim ol hevi i sut long gan."

Long wankain taim tu, bung i bin harim olsem i gat rot we ol man i save bihainim long kisim na salim ol gan na spakbrus insait long ol Niugini Ailans rijen. Na dispela em ol gan i kam insait long Is Briten olsem long Kavieng i kam olgeta long Bogenvil. Na long Lassul Baining i go long Kimbe.

Bung i bin harim tu olsem ol i save baim na salim ol gan na ol spakbrus long ol sip i kisim timba long ol ples i stap longwe na i nogat atoriti long putim was o sekim ol dispela sip long en.

Long wankain taim tu, tripela skul pikinini we krismas bilong ol i stap daunbilo long 12 i bin mekim strongpela toktok long kilim dai ol man husat i save yusim gan long kilim dai ol narapela manmeri long em.

Tripela sumatin manki i bin autim tingting bilong ol long bung we Nesenel Gan Komiti i bin holim long Malabunga Sekonderi Skul long Rabaul.

Tripela i bin tok ol i no laik groap long komyuniti na kantri we gan i bosim ol bikos man bai i nogat fridom. Na ol bin tok polis i mas rausim ol gan long ol komyuniti long wanem gan i ken bagarapim ol.

EM TAIM BILONG ORISEN GEM COURTS!

Wantaim Treid-In, Fri Gift na moa!

STATE OF ORIGIN AT COURTS

TREID-IN SEIVIM K50

K32 LONG FOTNAIT
\$799 DINAU PRAIS / \$899 KES PRAIS

DIPOSIT K1.00 Tasol

PHILIPS EN21-3N #103794
21" KALA TV
• NTSC pilai bek • oto palinim, storim, pasmaut fansen • AV stereo and AV IN/AUT
• 255 chanol memori
Bipo Kes K799

COURTS
Edim valu **OLGETA dell**

Cadbury

SANDEI NAIT MOVI KOMPETISEN

HAO LONG PILAIM DISPELA KOMPETISEN!

Long kotifai long pilaim dispela kompetisen, yu mas lukim olgeta 4 pela movi long was wan men.

Yu mas #1. Lukim olgeta **Sandei Nait Movi** long EMTV long wan wan mun,
Yu mas #2. Raitim **Dell** yu bin lukim dispela Sandei Nait movi,
Yu mas #3. Raitim dispela **Movi Taital** yu bin lukim long dispela Sandei Nait,
Yu mas #4. Raitim **Asse** bilong kvesten ikamap long taim bilong lukim movi.

TINGIM GUT: Raitim gut olgeta dispela 4 pela entri bilong 4 pela movi yu bin lukim long dispela mun, na kisim ikam long Courts stoa klostu long yu.

LUKIM 4 SANDEI MOVI BILONG WAN WAN MUN. RAITIM 1 ENTRI LONG 1 MOVI. KISIM 4 PELA MOVI ENTRI OLGETA BIHAIN LONG MUN PINIS!

Kisim olgeta movi entri ikam long: Courts Gordons or Courts Lae, or postim **Olgeta Entri Fom** ikam long: **COURTS & CADBURY MOVIE COMPETITION** P.O. BOX 1233, BOROKO, N.C.D.

Conditions "TO REMEMBER":
• Movi bai NO nap kamap ken long EMTV • 1 Wina bai tripela drom long Haus & Home Show long mun bihain igat 8 pela Fridge long winim long namel bilong ol dispela mun (**1 April Igo long November, 2005**)
• Wokman bilong Courts wantaim Cadbury na EMTV bai ina inap long pilaim dispela Movi Kompetisen.

#WANPELA WINA TASOL LONG WAN WAN MUN!

TREID-IN SEIVIM K50

K48 LONG FOTNAIT
\$1,269 DINAU PRAIS / \$1,099 KES PRAIS

DIPOSIT K1.00 Tasol

PHILIPS 21PT2110/69R #103774
21" KALA TV
• NTSC pilai bek • oto palinim, storim, pasmaut fansen • AV stereo and AV IN/AUT
• 255 chanol memori

KAMAP NIUEPELA

K48 LONG FOTNAIT
\$1,269 DINAU PRAIS / \$1,099 KES PRAIS

DIPOSIT K1.00 Tasol

TOSHIBA 21J1M #103799
21" KALA TV
• dalnamik bomba saun sistem
• kem entateinmen
• 200 posisen sistem

SEIVIM K100

K18 LONG FOTNAIT
\$349 DINAU PRAIS / \$289 KES PRAIS

DIPOSIT K1.00 Tasol

ATA DVD5148 DVD PILAI #114851
• pilai DVD, DVD-R, DVD-RW, VCD, SVCD, CD, MP3-CD, CD-R, CD-RW, piksa-CD (jpeg) • composit vidio output, 5-vidio output
Bipo Kes K399

COURTS
Edim valu **OLGETA dell**

SWITCH ON TO POWERHOUSE
STIMULATE YOUR SENSES

COURTS - GORDONS
Spring Garden Road, Gordons, Port Moresby
Phone: 302 5867 • Fax: 325 4149 • E-mail: sales@courts.com.pg

COURTS - LAE
Milfordhaven Road, Lae, Morobe Province
Phone: 472 4800 • Fax: 472 4621 • E-mail: courts_lae@courts.com.pg

Olgeta Droa bai igat NIUEPELA PRAIS bilong...

BAIM NAU LONG SANIS BILONG LONG WIN MONI MAX LONG

K15,000.00

KES MONI TASOL
Long dispela Courts "Big Surprise"
Nambawan kwata Bre long June, 2005

Tripela man Israel dai long Watut

BIKPELA tok sori i go long famili na hauslain bilong tripela man Israel i bin dai long Morobe provins long las wik Trinde long wanpela birua long Wara Watut.

Minista bilong Kalsa na turusim David Basua taim i salim tok sori bilong em i go long famili bilong tripela man i tok Turisim Promosen Atoriti bai helpim long salim bodi bilong ol i go bek long Israel.

Nem bilong tupela man i dai em long Shlomo Haruvi husat i gat 62 krismas na i

bilong Haifa na Itamar Haikin i gat 50 krismas na i bilong Tel Aviv. Namba tri man i bilong Gereda siti, olgeta long Israel.

Twelve pela man Israel i momba bilong wanpela grup ol i kolim long Neharot Ekspedisien we i bin stretim rot bilong ol i bin kam long PNG long Me 13 long

wokim wait wata rafting o resis long bot bilong ol long wara.

Birua i bin kamap taim grup i ron long ol bot bilong ol long Wara Watut insait long bus eria bilong Morobe provins na bot i kapsait.

Dispela grup i save gut tru long dispela kain pilai na ol i raun pinis long ol kantri olsem Saina, Uganda, Ataska, Ethiopia na Turkey bipo ol i kam long PNG we ol i painim birua long em.

Taim tripela i dai, tupela i bin kisim bagarap na ol bin kisim ol i go long haus sik.

Dispela grup i bin kam long PNG long wokim wanpela doku-menteri long raun bilong ol long PNG, moa yet, long dispela kain pilai resis ol i kolim "White water rafting" o resis long ol wara i ron strong.

Dispela inap kamap im gutpela

promosen long PNG we ol turis i ken kam long wokim dispela kain resis long wara. Stap bilong grup long PNG i sapos long 20-pela de.

Neharot Expedition kampani long wanpela stetmen i tok ol bin lukim sampela hevi i ken kamap long dispela raun i go long Watut na dispela em i namba wan wok-about i go long hap bihain long 10-pela yia.

Lida bilong grup em Lahan Bloch i bin tok tenkyu long ol lain bilong Watut na Morobe longgut-pela lukaut bilong ol na em bin toke m bai amamams long kam bek long PNG long limlimbur tasol na i no long ron long bot long wara.

Ol i karim ol bodi bilong tripela daiman pinis i go na narapela 9-pela tu i go pinis long kantri bilong ol, Israel.



Komanda bilong USNS Mercy Task Fos Grup, Commodore Timothy McCully, wanpela wok man bilong Modilon Haus Sik na US Embeseda long PNG, Robert Fitts long welkam kaikai i kamap long Modilon Haus Sik.

Poto: US Embesi

Bikpela helpim i kam long ol speselis dokta

OL speselis dota bilong Amerika i bin kam long nevi sip USNS Mercy i bin givim gutpela trening i go long ol wok manmeri bilong Modilon Hau sik.

Dispela trening bai helpim ol long karimaut gut wok bilong ol.

Long wankain taim tu, bosman bilong dispela sip Kepten David Llewellyn i tokaut olsem as bilong raun bilong ol i kam long PN gem long kamapim gutpela poroman na wokbung wantaim ol Pasifik neiba husat i stap klostu long ol.

Em i tok dispela kain sevis we ol i givim long sejeri na medikol kea i no bilong nau tasol o sotpela taim, nogat. Em i bilong longpela taim we

ol i givim helt aweanes long ol kea senjta long wei bilong banisim ol yet long ol sik nogut i ken kisim ol.

Em bin tok ol pipel bilong Madang i gat gutpela lidasip skil na visen we ol i soim pinis long lukautim ol lain long kea senta.

Ol dispela dokta i givim helpim na wokbung wantaim ol wok manmeri bilong modilon Haus sik long wod bilong ol pikinini, operating tiata o ples bilong katim ol sik manmeri, patoloji o ples bilong sekim blut long painimaut wanem kain sik, sejikel wod na tu ol i givim trening i go long ol sumatin bilong Luteran Nesing skul.

Papalain na Presa Grup i pait long mani

PAPALAIN Asosiesen we bipo i bilong ol wok manmeri bilong PNG Fores Prodak long Bulolo i toke m i no mani skim.

Seketeri bilong Asosiesen Pius Numbuda i tok dispela asosiesen i rijista aninit long Invesmen Promosen Atoriti na ol i luksave long wanem kain wok ol i karimaut long em.

Dispela asosiesen i pait hat long i kisim ol entaitelmen o mani we ol wok manmeri long Fores i no kisim yet long en.

Mista Numbuda i tokaut olsem dispela asosiesen i no mani skim olsem UVistrak na Mani Ren we ol i nogat tok orait long operetim beng na mani bisnis.

Em i tok moa olsem yu husat manmeri i tok ol inopretim mani skim i bagarapim gutpela nem bilong asosiesen.

"Mipela i kolektim o bungim mani long ol memba long helpim mipela i karimait etministresen wok bilong mipela Dispela ol fi mani i helpim mipela long wanem mipelas i nogat mani. Mipela i kisim pinis wanpela pas i kam long atoriti bilong PNG Fores Prodak long Februeri 12, 2005 na olsem ol i peim pinis manimak olsem K3.5 milien. Tasol mipela i no save mani ya ol i peim i go long husat na long wanem hap. Mipela bai i painimaut moa," Mista Numbuda i tok.

Long wankain taim tu, wanpela grup ol i kolim ol yet bpresa Grup i pait hat tu long kisim dispela amni. Dispela grup i no rijista aninit long Invesmen Promosen Atoriti na tu, ol i nogat luksave long gavman we ol i wok long kolektim o kisim mani long pipel long karimaut wok bilong ol.

Michael Novingu i raitim

Hap Hap Nius

Silim rot

GAVANA bilong Morobe, Luther Wenge i laikim bai olgeta liklik rot insait long Lae siti i mas sil long dispela yia. Gavana Wenge i tok klia long ol rot we i stap aninit long lukaut bilong Morobe provinset gavman.

Em i tok ol rot name! long Taraka polis stesen na Seken Seven i save sevisim 17,000 manmeri i stap long hap. Em i tok planti long ol dispela manmeri i save stap na wok insait long Lae siti na ol raskol i save yusim rot i bagarap long bagarapim ol manmeri na ol haus na bisnis i stap klostu.

Mista Wenge i tok tu olsem em bai silim ol rot i go aut klostu long Bumayong na Tent Siti bilong ol pipel i stap long hap na ol bikpela opis olsem Telikom Trening Koles, Bumayong Sekenderi Skul na Lae Polis Mobail Skwat i stap long Tent Siti.

Sip bilong Amerika nevi helpim Manam pipel

Michael Novingu i raitim

LAS wik, sip bilong ami bilong Amerika em USNS Mercy i bin kamap long Madang.

Wokabaut bilong sip i bihainim wanpela singaut long helpim i kam long gavman bilong PNG long helpim ol pipel bilong Madang Ailan we i kisim bikpela ehvi long bagarap bilong maunten paia.

Nau ol i stap long tripela kea senta long Bogia insait long Madang provins yet.s

Moa long 3,000 manmeri na ol pikinini i bin kisim tritmen o marasin long ol speselis dokta long sait bilong lukautim ol yet long banisim ol yet long ol kain sik. Na tu, ol i givim ol banis sut long sik olsem malaria, polio, sekim tit na givim ol aiglas.

Long dispela program, ol bin soim ol pipel long tritim o wasim ol moskito net bilong ol we ol moskito ino inap go insait blut bilong ol.

Long sait bilong nutrisen o kisim gutpela kaikai, ol i sekim ol gaden kaikai na tok strong long ol pipel long kisim moa gaden kaikai na kaikai planti kumu we i ken helpim ol long banisim ol sik i laik kamap long ol.

Dokta Michael Bangs em i dokta bilong sip i bin tok PNG i kamap olseme namba wan ples long sik malaria na winim ol narapela kantri.

Planti manmeri i bin kam long sip i tok ol i sik tasol bai ol i save olsem wanem sapos ol i gat sik malaria.

Dokata bangs i toke m bin lukim 600 manmeri long wanpela de long Asunumba na Potzdam we ol i bin kisim blut bilong ol manmeri bipo ol i save olsem ol i gat sik malaria. "Mi tok strong long yusim moskito net na klinim gut ples bilong ol.

Dispela rot tasol i ken helpim ol long stopim pipel long noken kisim malaria," Dokta Bangs i bin tok.

Em bin tok ol liklik pikinini na ol mama i gat bel i isi long kisim malaria bikos PNG i wanpela hotpela ples na i gat ploanti taiswara, mangru, ol raunwara na ol wara we i kamapim planit moskito.

Ol dispela speselis dokta sekim ai bilong ol manmeri na givim ol aiglas. Ol bin sekim tu ol tit na givim tritmen na soim ol rot bilong lukautim tit bilong ol.s

Pastaim long ol dispela soldia na sokta i lusim ol kea senta, ol bin givim ol donesen i go long ol manmeri long kea senta.

Em long ol marasin, ol klos na ol narapela samting bilong lukautim ol yet wantaim.

Bikpela samting true m ol i givim trening i go long ol hjelt wok manmeri bilong ol kea senta long lukautim ol pipel bilong Manam Ailan.



NOKEN BAGARAPIM OL PIKININI!



Em i rait bilong ol pikinini long noken larim ol narapela i poretim ol long silip wantaim ol.



In November 1989 the United Nations accepted the Convention on the Rights of the Child. This Convention has been ratified by almost all the countries in the world, including PNG in 1993.



WANTOK

i go pas long dispela kempen!

AusAID agrikalsa tim glasim helpim bilong ol long PNG

James Kila i raitim

WANPELA agrikalsa risets na ekstensen developmen tim bilong AusAID i bin mekim wanpela bikpela lukluk raun long Hailans na Momase rijen i no long taim i go pinis long skelim bihain taim AusAID bai givim helpim gen long agrikalsa sekta long PNG.

Ol i bin bung wantaim ol lain gavman lain ejensi na ol fama na toktok wnataim ol na kisim tingting bilong ol long sait bilong wok bilong agrikalsa sapot insait long kantri. Dispela raun i givim gutpela sans tu long ol smolholda fama long askim kain kain kwesten long wanem kain ol rot ol i ken kisim helpim long sapotim ol liklik projek bilong ol na wanem kain ol stia tok ol i mas i gat.

AusAID em wanpela ejensi bilong Australia gavman we i save givim mani long sapotim ol projek long PNG. Dispela ol mani em AusAID i putim i kam long ol wok long PNG em ol lain manmeri long Australia i save givim olsem takis.

Bikpela tingting bilong dispela wokabaut bilong ol lain agrikalsa saveman bilong AusAID em long lukluk gut tru long wanem ol kain kain agrikalsa wok bisnis insait long kantri na wanem kain ol rot AusAID i ken skelim long bihain taim long givim helpim long sait bilong mani.

Dsipela AusAID agrikalsa tim i bin bung na toktok wantaim ol lain em i save givim sapot long sait bilong mani na ol projek insait long Isten Hailans na Westen Hailans.

Long lukluk raun bilong ol long Goroka ol i bin bung wantaim ol teknikel menesmen lain bilong Kopi Industri Koporesen (CIC), Fres Produs Divelomen Kampani (FPDC), Isten Hailans provinsle agrikalsa edvaisari.

Wanpela mauseri bilong dispela AusAID tim, Hannah Birdsay i tokaut olsem dispela wokabaut bilong ol em i lukluk moa long sait bilong risets na ekstensen projek wok. Dispela em bikos AusAID i gat histori long sit bilong agrikals sapot i go long ol lain olsem Nesenel Agrikalsa Risets Institut na ACIAR.

"Mipela i wok aninit long liklik ol risoses olsem mani long sait bilong agrikalsa. Tasol bikpela samting em olsem ol progem bilong mipela bai kam long pinis long mak bilong en klostu taim nau.

Olsem na mipela i wokabaut long lukluk gut long wanem ol eria mipela i ken helpim long bihain na tu kisim tingting bilong ol lain long agrikalsa sekta na save gut long wanem ol rot AusAID i ken givim sapot long bihain," Mis Birdsay i tok.

"Mipela i save long wanem kain ol hevi na wanem ol bikpela samting

we i save karamapim wok agrikalsa. Olsem na mipela i pilim olsem taim mipela i lukluk bek i go insait long ol dispela hevi, mipela i ken painim sampela kain rot long givim moa gutpela helpim i go long ol smolholda fama insait long PNG," Mis Birdsay i tok.

Em i tokaut klia tu olsem insait long ol mun i go pinis ol AusAID tim i bin wok klostu wantaim Nesenel Dipatmen ov Agrikalsa na Laipstok long bringim kamap pasin bilong wok bung wantaim.

AusAID i glasim tu ol nupela senis o rifom em NDAL i wok long go het long kamapim.

"Wanem samting AusAID i mekim long sapotim agrikalsa wok long PNG bai go stret wantaim wok make m NDAL na tu Dipatmen bilong Nesenel Plening na dispela bai go stret wantaim Nesenel gavman polisi," em i tok.

Mis Birdsay i tok klia olsem bikpela samting ol i laik harim long ol lain insait long agrikalsa sekta em ol gutpela wok kamap na tu sampela salens o hevi ol i bungim long sait bilong givim ol ekstensen sevis i go long ol fama.

Ol i lukluk tu long sampela bikpela wok kamap em ol lain long agrikalsa i kamapim we i gutpela na i karim kaikai.

"Antap long risets na ekstensen, mipela i lukim tu long narapela ol hevi em o Ifama i sve bungim na tu wanem kain tingting of wan wan provinsel gamvan i gat long sait bilong polisi bilong risets na ekstensen.

Mipela i lukluk tu long wanem ol rot ol provinsel gavman i putim ol mani na risoses long en long karimaut wok long sait bilong sevim ol pipel," Narapela memba bilong dispela AusAID misin, Davie Swete i tok.

Em i tok tu olsem AusAID i gat tingting long karimaut wok helpim bilong en long bihain insait long PNG tsaol bikpela samting em ol i ms kisim gut tingting long ol liklik manmeri long ples na hauslain pas-taim bipo long ol i mekim sampela kain komitmen.

Dispela wokabaut bilong AusAID i kirapim tru tingting bilong planti ol lain fama insait long ol hauslain long Isten Hailans na plant i askim planti kain kain kwesten stret.

Plant i tokaut olsem ol i bin putim ol aplikesen long sait bilong kisim helpim long AusAID tasol dispela i kisim longpela taim tru. Tasol ol lain long AusAID i tok ol i gat komiti we i stap long bik siti Kenbera we i save glasim ol wok pastaim long ol i givim tok orait.

Hap hap nius

Wok painimaut

WANPELA komiti bai karimaut wanpela wok painimaut long 29 manmeri i bin dai long Pogera Gol Main long Enga provins.

Nesenel Sekyuriti Edvaisiri Kaunsol (NSAC) i tokaut long dispela long Mande.

Dispela komiti bai i gat ol mausman bilong nesenel, provinsel na lokol level gavman na mausman bilong Pogera Join Vensa.

Komiti bai wokim wok painimaut na givim wanpela ripot long Nesenel Eksekutyutiv Kaunsel.

Sekim wok

MINISTA bilong Nesenel Plening, Arthur Somare i laik sekim apgreding na siling bilong

Wapenamanda seksen bilong Hailans Haiwe bihain long em i lukim sampela hap i wok long bagarap i stap.

Dispela ol bagarap i kamap bihain long tupela wik tasol we ol i bin mekim wok stretim.



• OL BIKMAN bilong Sentrel Ejensis Kodineting Komiti (CACC) Commodore Peter Ilau, Gei Ilagi na Richard Sikani i sindaun soim stail bilong Hailans tru.

Katolik Bisop singaut long rausim gan long Sauten Hailans

OLGETA Katolik insait long Sauten Hailans provins i bin tok strong tru long bringim olgeta liklik gan husat i wok long yusim i stap long dispela provins.

Dispela em i wanpela strongpela tingting we Bisop Stephen Reichart we em i salim olgeta toktok na secular i go pinis long Epril 13 bai ol bruder, pater na sister wantaim daiosis seketeri na olgeta lida bilong wan wan sios grup i ken karimaut aweanes i go long ol manmeri bai ol i ken kisim ol gan i kam bek bipo long Katolik Sios i pasim 50 yia Jubili long namba 11 de bilong mun Septemba long dispela yia. Bisop Stephen em i man husat i go pas wantaim ol lokol pipel na stap wantaim Nesenel Gan Kontrol Komisin

wantaim man husat i bin risain lusim PNGDF Meja Jenerel Jery Singirok, we gavman i bin makim em long raun long provins long wok i go pinis i bin i go raun na mungim olgeta kain kain manmeri long wanem hap ol i stap long em na kisim gut tingting wantaim wari bilong ol.

Long mun Jun ol bai bng long Goroka bilong givim ol rekomendesen i go long nesenel gavman long lukluk long wanem ol i ken mekim long stretim dispela hevi. Em i tok, "Bai mi amamas moa sapos olgeta sios lida insait long Sauten Hailans provins i wok bung wantaim long bringim dispela ol gan i kam bek, bipo long yumi selebretim na psaim

50 yia Jubili long Septemba 11 long dispela yia".

Olsem na em i laik strongim dispela tingting long olgeta Sande taim ol pater o sios lida i mekim lotu o bing i mas skruim dispela kain tok moa, Bisop Stephen i tok.

Em i laikim ol sios lida long kamapim wanpela grup bilong ol yet wantaim ol liklik autsetesen bai ol i ken bung na paitim toktok long wanem rot ol i ken tokim ol lain i holim ol gan bai ol i kisim i go insait long lo o long polis.

Dispela singaut tu i go long ol sios lida, yut lida, sios komiti, na katekis wantaim ol meri lida long karimaut dispela kain lidasip long kempen strong.

Introducing the all-New Toyota

HILUX

From only those who truly know the roads and the people of Papua New Guinea, we now deliver our promise with more POWER, STYLE, SPACE & SAFETY.

Ela Motors



TOYOTA TSUSHO (PNG) LTD
www.elamotors.com.pg

Delivered as Promised



Toyota Hilux now offers you a new generation of driving. Call in and Check out the new range at Ela Motors Toyota today.

Hap Hap Nius

Galp:

WANPELA meri bilong Galp provins husat i bin toke m i rong long sas bilong kilim dai narapela meri em i askim Nesenel Kot long noken givim bikpela mekim save long en. Madline Wareke em wanpela nes i bin tok em i asua long kilim dai meri ya em tasol em i tok em no bingat tingting long kilim dai em. Dispela birua i bin kamap long las yia taim meri ya i painimaut olsem man bilong em i wok long paul wantaim narapela meri.

Wareka i bin tokim kot olsem em i no laik kilim dai meri husat i paul wantaim man bilong em tasol em i bin laik kamapim bagarap long bodi bilong em. Na dispela em i namba wan taim bilong em long wokim asua olsem.

Olsem na em bin askim kot long i no givim bikpela mekim save long en. Ol ripot i tok kot bai wokim disisen bilong em long dispela tumora. Kot i bin harim tu olsem Wareka na haus lain bilong em i bin peim K2,000 kompensensi mani long lain bilong dai meri.

Klinim Mosbi

WOK bilong klinim Mosbi siti bai stat tumora na singaut i go aut long pablik long helpim wantaim dispela wok.

Ekting Siti Menesa Iva Kola i tok dispela wok long klinim siti bai kamap wanpela taim long olgeta mun na as a em long mekim ol manmeri i salim ol samting long strit olsem ol i mas gat gupela klinpela ples long kari-maut maket bilong ol.

Na long wankain taim tu, ples insait long siti i mas stap klin olgeta taim.

Nesenel Kapitel Distrik Komisn nau i askim pablik long siti, ol gavman, bisnis haus, ol Non Gavman Ogenaisesen na ol wanwan manmeri long go insait long dispela wok na helpim long mekim siti i gupela na klinpela ples long stap long en.

NCDC i bin lonsim dispela program las mun na dispela em i namba tu taim wok bilong klinim siti i kamap.

Ms Kola i tok NCDC i laikim bai pablik aweanes i mas go het na ol lain long Infomol Sekta o ol maket lain na ol dispela i salim ol samting long strit i mas bihainim gut lo na ol

ples we ol i maket long em i mas tap klin olgeta taim.

Em i tok ol lain long Komisn bai go pas long dispela klinim Mosbi na em bai karamapim ol soping senta, ol maket eria na bas stop long olgeta hap bilong siti.

Wok bilong klinap bai stat long 9 kilok moning. Ol ples we dispela namba tu taim bilong klinap bai kamap long en em na ol lain bilong Komisn we bai wokim klinap em Ol paks na Gadens lain long Gerehu, ol Wes menesmen lain long Waigani, Ol lain bilong Trensport long Hohola, Len na Fisikel Plening long Erima, Enjiniaring long Gordons, Sosel Sevisis long 5,6 na 7 Mail eria, Helt lain long 4 Mail na Boroko, Pablik Rilesensn na Ligel lain long Pot Mosbi Jenerel Haus sik na Taurama eria, Bilding projek na Humen Risos lain lojg Manu Otopot, Odit, Revenyu na Akauns long Koki na Badili, Edministresen na Propetis long Ela Bis na Sipak, Lokol Level Gavman na Edukesen long Taun na Infomesen Teknologi long Konedobu.

Tapini Hai skul opim nupela haus kai

....Japan gavman givim K280,000

GAVMAN bilong Japan i sapotim strong edukesen long PNG bikos em i bilip edukesen i kamapim gut laip na sindaun bilong pipel. Tu, Japan i bilip olsem i moabeta long gat gupela humen risos ol man long mekim wok na helpim kantri i go het gut.

Ambaseda bilong Japan long PNG Katsuo Yamashita i tok olsem long opening bilong mes o ples bilong kaikai long Tapini Hai skul long Gailala

Distrik bilong Sentrel provins.

A m b a s e d a Yamashita i tok wantaim dispela tingting Japan i putim edukesen olsem wanpela strong-pela eria em i sapotim long PNG.

Long las yia Oktoba, Gavman bilong Japan i bin givim helpim mani inap long K280, 000 long Tapini Hai skul bilong wokim projek bilong sanapim nupela mes bilong skul.

Em bin givim dispela helpim mani aninit long

Grasruts Asistens bilong ol Grasruts Projek program.

A m b a s e d a Yamashita i bilip sapot we Japan i givim long dispela projek bai strongim gupela wok pren namel long kantri bilong em na PNG.

Ol bikman bilong Embasi bilong Japan, Sentrel provinsel gavman, Tapini Distrik, skul, ol sumatin, ol papamama na komyuniti klostu i bin stap long lukim dispela bikpela wok kamap.



L-R: Ol Fan resing komiti memba- Elizabeth Tau, Pole Kassman, Lydia Mulina na Erani Pokanau wantaim ol arapela fan resing komiti memba ausait long haus bilong Pasto long Kalo.

Kalo pipel amamas long givim helpim

...Meri grup go pas long fan resing wok

Veronica Hatutasi i raitim

TAIM ol bikpela samting i kamap long asples, ol manmeri bilong dispela ples na i wok long taun i save givim helpim bilong ol bikos ol i hap bilong komyuniti tu.

Wankain i bin kamap long taim bilong lonsim nupela Testamen Baibel buk long Tokples Kalo long Hula/Rigo eria bilong Sentrel provins.

Long redim ol wok long selebretim Kalo Nu Testamen Baibel lons i bin kamap long Sande Me 15, 4-pela meri i bin go pas long fan resing long Kalo komyuniti long Mosbi na ol arapela provins.

Elizabeth Tau i bin go pas long dispela wok i bin tokim Wantok Nius olsem em i amamas long mani na ol arapela kontribusen we Kalo komyuniti long siti na ausait i bin givim bikos dispela i bin helpim long baim ol kaikai na ol arapela samting moa long dispela seremoni.

Ol meri komiti memba bilong Kalo komyuniti long Mosbi i bin baim na redim kaikai long moning na lans

long Sande bilong ol ges husat i bin stap long dispela lonsing seremoni.

"Mipela i hap bilong komyuniti long ples na mipela i amamas long givim helpim na sapot.

Manimak mipela i bin laik kamapim em K1, 000 tasol mipela i bin kamapim K2, 500. Mi amamas olsem ol lain mipela i askim long helpim i bin givim helpim kwiktaim tru.

Mipela i lukim olsem tanim Nu Testamen i go long tokples em i bikpela samting long mipela na pipel bai save gut long tok bilong Bikpela bikos em i stap long tokples stret bilong mipela.

Wanpela samting tu em paul tingting i bin kamap long taim ol namba wan misinari i kam moa long 100 yia i go pinis wantaim Tok bilong Bikpela na ol pleslain i bin kilim dai 9-pela misinari.

Bihainim dispela, ol misinari i no bin kam long Kalo tasol wantaim grasia bilong Bikpela, ol i bin kam bek na strongim lotu long hia," Misis Tau i tok.



OPIS BILONG KOMISINA BILONG POLIS ROYEL PAPUA NIUGINI KONSTABULARI

Long makim famili bilong mi, ol memba bilong Royel PNG Konstabulari, mi salim bikpela tok sori tru i go long ol famili na wanlain bilong

Leit Konstabol 13141 JERRY DARIUS

husat i bin dai long taim bilong wok long Tunde namba 17 de bilong mun Mei, 2005.

Mipela tu i stap sori wantaim yupela long dispela taim bilong dai bilong brata, pren na wanwok bilong mipela.

Leit Konstabol 13141 JERRY DARIUS i wanpela gupela wokman tru long taim bilong em wantaim Papua Niugini Konstabulari long 4-pela yia olgeta (2001-2005).

Mipela bai i tingim em long ol gupela wok em i bin mekim taim em i sevim Polis Fos na kantri wantaim.

Bai God i ken givim em malolo oltaim.

T. KULUNGA, QPM

EKTING KOMISI-

T. Kulunga
T. KULUNGA, QPM
ACTING COMMISSIONER OF POLICE

Raun lukim ol meri na pikinini long PNG



• Ol skul tu i save strongim kalsa, olsem ol dispela sumatin i soim.

Foto: VERONICA HATUTASI



• Ol mama tu bin gat hap bilong ol long pilai drama long bleseim Nupela Testamen Baibel bilong Kalo viles. Ol meri i redim ol samting bilong kuk.

Foto: AIVA TAMATE- PNG BAIBEL SOSAITI



• Ol liklik pikinini bilong Kalo viles long Sentrel provins wantaim gutpela bilas i stap insait long drama pilai bilong ol nambawa misinari long ples bilong ol.

Foto: AIVA TAMATE- PNG BAIBEL SOSAITI



• Kensa bilong susu na bilum bilong bebi i wok long kamap bikpela long PNG. Ol dispela meri i laik kisim moa save long ol sik olsem na ol i wet long dokta i sekim ol.

POTO: VERONICA HATUTASI

Ol meri i salim ol yet long mani na kaikai: Ripot

RIPOT i kamap olsem sampela yangpela meri na ol mama long Wewak insait long Is Sepik provins i wok long salim ol yet na wokim pasin pamuk long kisim mani na ol narapela samting long lukautim ol yet na famili bilong ol.

Long wankain taim tu, komyuniti long Wewak i singaut long ol atoriti long wokim samting long banisim ol pikinini long ol dispela kain samting.

Ol i painimaut tu olsem vanilla bisnis i wok long helpim long kamapim ol dispela hevi.

Dispela pasin nau i putim moa hevi long sik AIDS na ol arapela moa olsem planti yangpela meri i karim pikinini, ol sik STI o ol sik i kamap taim ol man na meri i save wokim bikhet na pamuk pasin namel long ol yangpela i go bikpela, Siaman bilong Provinse AIDS komiti Clement Paime i tok.

Mista Paime i bin wokim dispela toktok insait long bung bilong ol Young Womens Christian Association (YWCA) redio Tokstret program i bin kamap long Wewak na ol lain bikman na meri i bin stap long em long toktok long yusim ol pikinini

bilong wokim pasin nogut long kisim mani o long tok Inglis ol i kolim Komese! Seksuel Eksploitesen bilong ol Pikinini. Ol lain bikman na meri husat i stap long dispela program em dairekta bilong Help Resources Elizabeth Cox, Kodineta bilong Sentrel Sepik Kraisis kaunseling Senta Lucy Goro na Seksuel Helt Trena Paula Paime.

Mista Paime i bin autim wari long ol meri sumatin i kam insait long taun na tu, ol meri i salim vanilla na tu, ol meri i go long ol sip na wokim pasin pamuk wantaim ol lain long sip long kisim pis.

"Mipela i gat ol skul pikinini i kam long ol bus ples long painim skul na helt sevis bikos ol i no kisim gut sevis long ol ples.

Taim ol i kam long taun, ol i go stap long ol setelmen na ol i save raun raun painim mani long peim skul fi. Long wankain taim long sait bilong mekim vanilla bisnis; i gat keis we ol yangpela meri i go aut long ol sip bilong painim pis na wokim pasin pamuk long kisim pis bikos ol i no inap long go ol yet na kisim pis na ol i les long go bek long haus han nating long wanem dispela em mak bilong hangere." Mista Paime i tok.

Em i tok planti skul pikinini long ol bus ples i wok long kam insait long taun long painim skul bikos ol i no kisim gut edukesen an helt sevis na ol i save stap long ol setelmen. Na bikos ol i mas i gat mani long peim skul fi na ol arapela samting, ol yangpela meri i wokim pasin pamuk.

Mis Cox i tok planti yangpela meri long ol bus ples long provins na ol arapela hap bilong kantri i nogat inap save long riprodaktiv helt o stretpela rot bilong kamapim famili na lukautim bodi bilong ol olsem na ol man i save yusim ol long slip wantaim tasol na bihain ol i save salim ol.

Lucy Goro i tok sampela papa i wok long bagarapim ol pikinini meri bilong ol na bihain, salim ol long kisim mani.

Narapela bikpela as long ol dispela hevi i kamap em ol famili i wok long bungim planti kain hevi olsem papamama i wokim paul pasin wantaim ol arapela manmeri na ol famili i wok long bungim planti hevi olsem ol papamama i wokim paul pasin wantaim ol narapela, man i paitim na wokim nogut long ol meri na pikinini, baim na salim ol pikinini, marit i bruk na papa i lusim mama na ol pikinini na kibek long dispela em ol pikinini i kisim hevi.

OL EBC Meri sindaun kisim skul long lidasip

John Kumpul -DWU sumatin - i raitim

OL meri husat i mamba bilong Evanjelikel Bratahud Sios (EBC) long Madang i bin sindaun long wanpela lidasip kos bilong ol.

Kodinesen bilong wok bilong ol meri long sios em het tok long woksop we 24 meri i bin sindaun long em insait long

wanpela wik.

Het tok i bin kam long Baibel tok bilong Nehemiaiah sapta 8:10 we i tokaut long wok bilong Profet Nehemiaiah olsem wanpela bikpela lida bilong ol Hibu pipel.

Tupela meri i bin go pas long givim dispela trening woksop. Dispela tupela em Suster Elizabeth Gyger na Sister Sandra Watape. Tupela i tok

trenim ol meri long lidasip wok insait long sios i bikpela samting.

"Ol meri inap long mekim ol wok long kamapim bikpela developmen tasol ol i no kusim luksave." Sister Gyger, wanpela Misinari bilong kantri Swiselan i tok.

Woksop i bin trenim ol meri long i kamap ol strongpela sios lida na long ol meri i

mekim moa wok long ol wok kamap bilong sios.

Ol kodineta i bin pilim olsem sapos gavman na ol arapela Non Gavman grup inap long givim helpim mani long holim ol kain woksop olsem, ol gutpela senis inap long kamap bikos ol i lukim ol meri olsem taim ol meri i i go insait long wok, kontribusen bilong ol i save helpim sios ns kantri.

Lo bilong lukautim ol pikinini

Hap 6- Atikel 6



OL Stet patna i mas senisim o rausim ol pasin kalsa na ol arapela sosel samting we i rabisim ol meri, olsem ol meri i mas bihainim wanpela lo na narapela bilong ol man.

Long lukim olsem famili i mas kisim gutpela skul na wanpela long ol samting we ol i mas klia long en em long mateniti o wok bilong ol mama olsem wanpela sosel fansen na em i wok bilong man na meri wantaim long lukautim ol pikinini bilong ol wantaim luksave olsem tupela i mas putim intres bilong pikinini antap long ol arapela samting.

Ol toktok i kam long liklik buk ol i kolim CEDAW we Pasifik Rijonel Human Raits Edukesen risos Tim i redim.

Moa long neks wik.

Sotpela Tok Lukaut Serim piling o toktok

OL pipel i gat HIV o AIDS i mas gat sampela lain husat i ken toktok wantaim ol na autim tingting bilong ol wantaim. Ol i laikim infomesen long save long wanem samting bai i kamap long ol na wanem samting ol i ken wokim long helpim ol yet. I gat planti lain we ol i ken toktok long ol olsem kaunselo o tisa bilong lotu we i ken givim ol gutpela toktok na strongim tingting bilong ol. Long ol provins, i gat ol kaunselo bilong gavman, sios na ol NGO i stap husat i ken helpim yu. Yu ken go long provinse AIDS komiti na painim ol. Ol dispela lain i gat trening long mekim dispela kain wok na ol bai sindaun na harim wari bilong yu long HIV na AIDS. Ol i ken helpim yu long luksave long wanem yu pilim na stretim ol hevi yu gat long en. Yu ken toktok wantaim ol yu yet o wantaim famili. Na wanpela o tupela grup i ken toktok wantaim yu.

Bai i gat moa long neks wik.

Ol toktok i kam long liklik buk ol i kolim "Living with HIV/AIDS, A Guide for self care and positive Living" National AIDS Council i redim.



Gris Pitpit

- Yu mas i gat;**
 Namel long 10-12 pitpit
- 1-pela tomato
 - 1-pela anien
 - 2-pela kokonas long wokim kokonas milk
 - 1 na haf kap wara long kapsaitim long kokonas na wokim kokonas milk long em
- We long kukim:**
 1-Redim pitpit. Pastaim, autim pitpit long skin na katim ol long sais
- we yu laik kukim ol long en.**
- 2- Katim anien na tomato.
 - 3-Putim pitpit na anien insait long wanpela sospen na kapsaitim kokonas milk i go insait long en.
 - 4- Boilim inap pitpit i go sof.
 - 5-Putim tomato i go insait na larim i boil long mak bilong 2-5 minit.
 - 6-Sevim wantaim ol arapela kaikai olsem hap long famili dina.

TOKTOK NATING
Wantaim
Fr. Paul Liwun SVD



LONG wanpela supa maket, i gat wanpela meri kuskus i bisi stret long sevim ol manmeri i go kam na baim ol samting long stua bilong ol. Planti i bin kam na go stat long moning tru i go inap long belo nau.

Long belo taim, i luk olsem ples i klia liklik bikos i no planti manmeri i kam wokim soping bilong ol. Olsem na dispela meri kuskus i laik kisim malolo liklik.

Tasol i no long taim, wanpela man i kam gen insait long stua, olsem na dispela meri i kirap na sevim dispela man.

Dispela man i longpela bun na em i bun nating tru olsem wanpela pensil. Gras bilong em i stat long wait liklik.

Em i kam insait na lukluk nabaut liklik, na meri i kam na askim em: "Brata, yu laik baim wanem?"

Tasol dispela bun nating man i no mekim wanpela tok long askim bilong meri. Em i lukluk strong long pes bilong meri na givim bikpela smail long meri.

"Yu laik baim wanem, brata?" meri i askim em gen.

Dispela bun nating man i putim han bilong em i go insait long bilum bilong em na pulim aut wanpela not buk bilong em. Bihain em i raitim askim bilong em long dispela not buk na givim long meri ya.

Em i bin raitim olsem: "MI YAU PAS MAN". Em tu i bin raitim wanpela askim bilong painim wanpela rot. Seils meri i raitim bekim bilong em long dispela pepa.

Taim dispela bun nating yaupas man i ritim bekim bilong em, em i raitim narapela askim i go long dispela meri gen. Tupela i askim na bekim long raitim tasol antap long dispela pepa.

Seils meri i amamas tru na wantaim switpela smail bilong em, em i bin introdusim dispela yaupas man i go long narapela kastama i kam long dispela stua.

Tupela i wokim toktok long dispela not buk... na long las pes bilong dispela not buk, yau pas man i bin drowim wanpela smailing pes piksa na i raitim aninit long dispela piksa olsem: "GUTPELA SMAIL BILONG YU I HATIM SKIN BILONG MI OLSEM SAN LONG MONING TRU".

Yaupas man i sekanim meri ya na kisim not buk bilong em na i go painim ples em i laik go long en, bihainim toktok we seils meri i bin raitim insait long not buk bilong em.

Bel bilong seils meri i pulap long amamas tru na pulap wantaim rupela strong na amamas, em i go bek na mekim wok bilong sevim ol narapela kastoma i kam na pulapim gen supa maket bilong ol.

Smail bikos God i laikm yu.



GOD I STAP WANTAIM YUMI

God em i ples hait bilong yumi, na em i save strongim yumi oltaim. Em i stap klostu na i redi long helpim yumi long taim bilong bikpela hevi.

Olsem na yumi no ken pret long ol samting i kamap. Graun i ken bruk nabaut long guria, na ol maunten i ken pundaun namei long solwara.

Na si ken pairap strong moa na bruk nabaut na spet i ken kamap, na biksi i ken kalap nabaut na sakim ol maunten. Tasol maski, yumi no ken pret.

BUK SONG 46: 1-3

Goilala Distrik bai selebretim 100 yia lotu i kam long eria

Veronica Hatutasi i raitim

OL yut long Evanjelikal Luteran Sios bilong Papua Niugini (ELC-PNG) bilong Papua, distrik bai selebretim yut Sande long dispela wik.

Olgeta ELC-PNG yut bilong 5-pela kongriksen long siti olsem Gut Sefed, Marimari, Towamo, Kirap Bek na Emmanuel bai bung insait long wanpela misa lotu na ol selebresi long Marimari haus lotu long Godens long dispela Sande.

Kodienta bilong Papua Distrik yut em Pwen Makandi i tok bai ol i gat tok tenkyu ofa we ol bai givim long dispela taim tu.

Las wik tasol ol eksekutiv bilong wan wan kongriksen bilong Papua distrik i bin kamap na tok tok na olgeta i wanbel long yut Sande i mas kamap long dispela Sande.

Long displa taim tu, Kodineta Makandi i tok ol bai askim ol kongriksen long givim taim bilong ol na i kam na sapotim program bilong ol yut.

Mista Makandi i tok dispela bai helpim wok bilong distrik i ken kamap strong moa long wok bilong ol.

Em tok ol arapela long Papua distrik olsem Maun Zion, Erima, Kalvari Luteran

8-Mail i ken kamap dispela taim long mekim de bilong yut i kamap gutpela moa.

"Husat yu memba bilong yut na yu no save kam long ol yut bung, mipela i

amamas long yu ken kam na putim kamap ol samting long dispela taim," Mista Makandi i tok.

Olpela bisop bilong distrik Reveren Anonga Pininga bai ges spika na tu, go pas long program bilong ol yangpela.

Long wankain taim tu, Papua distrik yut bai holim konfrens bilong em long Towama, Luteran kongriksen long mun Julai.

CMC glasim wok bilong em

... laikim gavman long glasim na stretim hevi long marasin i sot

Veronica Hatutasi i raitim

HELPIM gavman long sevim ol pipel bilong God na skulim ol long abrusim ol sik na kamapim gut laip bilong ol em wanpela samting we Sios Medikel Kaunsel (CMC) i sanap long en, Siaman bilong Don Kudan i tok.

Samting olsem 102 helt woklain i makim 27 sios long kantri husat i memba bilong CMC long givim ol helt sevis long olgeta hap bilong kantri i bin sindaun long wanpela wik Anuel Jenerel Kibung bilong ol long Hideaway Hotel long Pot Mosbi las wik.

Long dispela bung tu, ol bin makim ol nupela eksekutiv. Don Kuda i bin kisim bek posisen bilong em olsem Siaman. Na dispela i namba 15 yia bilong em long holim dispela wok bihain long em i bin kisim dispela wok long namba wan taim long yia 1990.

Het tok bilong konferens em "Bihain taim bilong Sios helt sevis abrusim 2005 na Antap."

Mista Kudan i tok wei ol sios i bung na wok wantaim bai stiaim rot we dispela het tok i go long en.

Em i tok bihainim het tok, bung i bin lukluk long rot ol bin kamap long en na ol samting we i bin strongim ol long bung wantaim na fomim CMC we i kamap olsem ambrela bodi i stiaim wok bilong olgeta sios i memba long em.

Mista Kudan i tok aninit long CMC, ol sios i kam wantaim na

tru tumas, ol i bungim hevi long mani na wokman i sot, marasin i sot, hevi long lo na oda, ol (sios) i serim ol wankain intres long kisim ol sevis olsem helt na edukesen i go long ol pipel na tu, wok wantaim long helpim gavman i kisim sevis i go long ol pipel.

Em bin tok hevi long marasin i sot em i hevi we ol haus sik, helt senta na etpos long kantri i akam aninit long gavman na sios i bungim long dispela taim tasol em i samting bilong gavman long stretim.

"Gavman i mas lukluk gut long hevi bilong marasin i sot

na bai mol rait marasin we ol haus sik i laikim. Dispela bung i bin lukluk tu long hevi ya na mipela olsem ol lain bilong kisim sevis i go long ol pipel i lusim dispela long han bilong gavman tasol em i mas mekim samting kwik long etresim dispela hevi," Mista Kudan i tok.

Em bin tok tu olsem kibung i sanap strong long egensim abosen o kilim bebi insait long bel.

Mista Kudan i tok mao tu olsem CMC i wok gut wantaim Nesenel Helt Dipatmen stat yet long yia 1998 taim gavman i bin kisim CMC long Bot

olsem patna long kisim ol helt sevis i go long ol pipel bilong PNG.

Em i amamas long gutpela wok bung gut wantaim helt Dipatmen na Gavman na em bin tok tenkyu long foma Helt Seketeri na nau Palamen memba Dokta Puka Temu long strongim luksave long wok na kontribusen bilong ol sios na nau, CMC i save stap insait long ol bikpela bung wantaim ol Helt Dipatmen lain na gavman long wokim ol bikpela helt plen na disisen olsem dispela 10 Yia Nesenel Helt Plen.



• Taim bilong givim ofa. Sief Ombutsmen Komisina Ila Geno i givim ofa long taim bilong lonsim Nupela Testamen buk long tok ples Kato insait long Sentrel provins.

ELC/PNG Papua distrik bai selebretim yut Sande

Paulus Tai i raitim

OL yut long Evanjelikal Luteran Sios bilong Papua Niugini (ELC-PNG) bilong Papua, distrik bai selebretim yut Sande long dispela wik.

Olgeta ELC-PNG yut bilong 5-pela kongriksen long siti olsem Gut Sefed, Marimari, Towamo, Kirap Bek na Emmanuel bai bung insait long wanpela misa lotu na ol selebresi long Marimari haus lotu long Godens long dispela Sande.

Kodienta bilong Papua Distrik yut em Pwen Makandi i tok bai ol i gat tok tenkyu

ofa we ol bai givim long dispela taim tu.

Las wik tasol ol eksekutiv bilong wan wan kongriksen bilong Papua distrik i bin kamap na tok tok na olgeta i wanbel long yut Sande i mas kamap long dispela Sande..

Long displa taim tu, Kodineta Makandi i tok ol bai askim ol kongriksen long givim taim bilong ol na i kam na sapotim program bilong ol yut.

Mista Makandi i tok dispela bai helpim wok bilong distrik i ken kamap strong moa long wok bilong ol.

Em tok ol arapela long Papua distrik olsem Maun Zion, Erima, Kalvari Luteran

8-Mail i ken kamap dispela taim long mekim de bilong yut i kamap gutpela moa.

"Husat yu memba bilong yut na yu no save kam long ol yut bung, mipela i

amamas long yu ken kam na putim kamap ol samting long dispela taim," Mista Makandi i tok.

Olpela bisop bilong distrik Reveren Anonga Pininga bai ges spika na tu, go pas long program bilong ol yangpela.

Long wankain taim tu, Papua distrik yut bai holim konfrens bilong em long Towama, Luteran kongriksen long mun Julai.

Glasm Tok wantaim Bisop Peter Fox



SALENS long Angliken Daiosis bilong Pot Mosbi Bisop i givim long pestode bilong Pentekos. Long dispela taim, Gavana Jenerel Sir Paulias Matane i bin lotu wantaim Angliken kongriksen.

Bisop Peter Fox i bin singaut long olgeta Angliken Sios memba long Pot Mosbi Daiosis i karamapim Sentrel, Westen, Galp na Nesenel Kapitel Distrik long kamap Red Riben Sios.

Na rot long kamap olsem, ol i mas soim long ples klia Retpela Riben i mak bilong HIV na AIDS Aweanes long ol notis bot o

ples bilong putim ol Toksave insait na ausait long ol sios bilong ol. Bisop Fox i bin tok wan wan Retpela Riben Sios i mas kamap olsem hap we i gat infomesen bilong HIV/AIDS, skul bilong HIV/AIDS i stap, senta i gat sapot long ol manmeri i stap wantaim HIV/AIDS na senta we ol lain i gat HIV/AIDS i ken kisim hiling o helpim.

Dispela em long kisim ol sakramen olsem beten, kisim wel bilong blesing long givim ol strong na ol i ken stap laip.

Ritim tok bilong Bisop daunbilo.

Dia ol Brata Susa,

HIV/AIDS i wok long go bikpela stret na i wok long bagarapim komyuniti bilong yumi.

Em i kilim pinis planti milien pipel long wol. Sapos yumi no wokim samting nau.

Laip bilong yumi na ol pikinini bai bagarap tru. Tasol yumi gat sans yet long pait egensim dispela nogut birua tru.

Yumi gat tripela samting long pait egensim dispela birua wantaim na dispela em long SAVE, PASIN BILONG SORI NA LUKAUTIM NA KOMITMEN O LUKSAVE.

Sapos yumi save long rot we yumi kisim binatang bilong AIDS, yumi ken abrusim. Sapos yumi kisim binatang, em bai kilim dai yumi.

Yumi mas klia long dispela. Yumi ken kisim moa infomesen long Anglika StopAIDS na long Nesenel AIDS Kaunsel. Askim na save. Helpim, luksave na lukautim ol lain i gat binatang bilong AIDS em wok bilong yumi ol Kristen manmeri.

Planti pikinini i nogat papamama i stap nabaut long strit bikos ol lain bilong ol i dai long AIDS. Rausim na sasim ol em i no rot bilong ol Kristen. Komitmen o luksave olsem marit em i samting bilong laip na man na meri i mas pas wantaim long wanpela narapela. Dispela em i bikpela samting long pait egensim HIV/AIDS.

Long ol yangpela na singel pipel, bihainim gutpela pasin na i no pilai nabaut long pasin bilong manmeri i slip wantaim em bikpela samting.

Yumi mas soim gutpela piksa olsem Kristen manmeri. Yumi ken helpin daunim pasin bilong rabisim ol lain i gat HIV/AIDS.

Yumi mas lukautim ol lain i gat hevi na sapos yumi soim olsem yumi no bisu, bai yumi sanap long ai bilong Jisas olsem wanem long de bilong Kot?

Em i taim nau long go strong insait long ol wok bilong pait egensim binatang bilong AIDS.

Mi singaut long olgeta Angliken Sios long kamap Retpela Riben sios.

Ret Riben Sios em wanem samting? Retpela Riben em i kamap olsem intenesenel mak bilong soim lukaut na wari long ol lain i kisim hevi long HIV/AIDS.

Em i no makim skin kala, wanem lotu em i kam long en na yumi olgeta i ken amamas long werim Retpela Riben.

Bai yu mekim wanem sapos yu kamap memba bilong Ret Riben Sios?

Kamap senta bilong givim sapot na givim infomesen na trening long daunim sik AIDS long en i mas gat wanpela o moa pipel insait long kongriksen husat i kisim trening long kamap olsem ol HIV/AIDS Kaunsela.

Na putim toksave long notis bot long ol lain i gat trening long kamap olsem ol kaunsela. Ating kirapim wanpela senta we ol lain i gat binatang bilong AIDS i ken kam na stap isi, lusim tingting liklik long wari bilong ol.

Bikos i nogat marasin bilong pinisim sik AIDS, Hiling Ministri bilong sios em i bikpela samting na em i wok long sait bilogn luksave long ol lain i gat dispela sik, harim ol wari bilong ol na strongim ol long kisim ol sakramen.

Planti lain i gat AIDS i kisim strong long Sakramen bilong Yukaris na kisim Blesing i kam wantaim. i gat ol samting we yumi ken mekim na wan wan sios i ken tingim ol samting we ol memba bilong em i ken mekim long helpim ol lain i bungim hevi long sik AIDS.

Sapos yu raun i go lukim ol lain i stap long haus sik, bai ol i amamas tru.

Yumi gat ol dokta na nes long kongriksen bilong yumi i ken helpim yumi.

Dispela em salens mi tromoim long yupela olgeta. Jisas i bin kirap long dai na i stap wantaim yumi Ina yumi soim dispela long wol taim yumi helpim ol lain i bungim hevi long sik AIDS.

Katolik na Angliken Sios wanbel long Santu Mama

OL lidaman bilong Katolik na Angliken sios husat i bin lukluk moa long ol wok bilong Maria, Mama bilong Jisas, i tokaut olsem ol i wanbel olsem em i no bin slip wantaim man na i karim Jisas tasol ol i gat narakain ripot long ol narapela wok bilong em.

Ol i mekim dispela toktok bihain long wanpela kibung ol bin sindaun long em long Seattle, wanpela siti long Amerika.

Bihanim planti yia bilong toktok, wanpela bung komiti bilong tupela sios i wanbel olsem tupela sios wantaim i bilip long kamap bilong Jisas na tu bilip olsem Maria i stap long Heven.

Ol lida man bilong Angliken na Katolik sios i bin ritim wanpela bung pas o join dokumen, nem bilong pas em "Maria: Bel Isi na Hop o bilip long Jisas na i tokaut long dispela ol samting.

Insait long dispela pas, ol i tok tu olsem bai ol i mekim sampela wok panim aut tu i go insait long pasin bilong kisim komyunion insait long tupela sios.

I gat bikpela bilip olsem sapos ol bikman bilong tupela sios i redim na wanbel long ol dispela stadi, em bai stetim stret wanpela bikpela kros we i stap namel 77 milien Angliken Sios memba na 1.2 bilien Katolik Sios memba.



• Ol lain bilong Mendi Katolik Daiosis i pinisim wanpela woksop bilong ol.
Foto: Bisop Stephen Reichert



Public Notice

**TOKSAVE I GO LONG OL LAIN I SAVE USIM
PAWA LONG IS NIU BRITAIN**

ROT BILONG USIM EASIPAY MITA EM I ISI

- * Raitim daun ol namba I stap long rait han kona bilong mita
- * Kisim dispela namba na go long ofis oa stoa I save salim Easipay na givim namba na baim Easipay
- * Ol wok lain bai printim aut wanpela risit wantaim ol namba I stap long en na givim yu. Yu mas sekim nem bilong yu I stap long dispela risit pastaim long yu lusim dispela Ofis oa stoa na I go
- * Taim yu kamap long haus, yu paitim ol dispela namba I go insait long ol namba I I stap long mita box.
- * Grinpela lait oa orenspela inap long hamas pawa yu baim, bai kamap antap long mita na tu ol namba bai I kamap long soim hamas unit bilong pawa yu gat I stap long usim.
- * Taim redpela lait I kam on, em I min olsem ol unit bilong yu bai pinis klostu na yu mas go baim nupela unit gen.

Toksave I kam lon

Issued by
PNG Power Public Relations

Moa trening long daunim na was gut long ol marasin saplai

Veronica Hatutasi i raitim

...Planti haus sik long kantri i sot long marasin

PLANTI haus sik na ol helt senta insait long kantri i bungim hevi long marasin i sot na sampela i baim marasin long ol haus marasin long helpim ol sik manmeri. Dispela hevi tu i mekim na sampela helt senta na etpos long kantri i pas pinis.

Long wankain taim tu, i gat singaut long givim trening i go long ol helt opisa long glasim na tilim gut saplai bilong ol marasin i go long ol haus sik na helt senta long kantri.

Elwyn Tsikoa em Helt Ekstensen Opisa wantaim Katolik Helt Sevis long Bogenvil i bin tokim Wantok Niuspepa olsem.

Em i bin kam long Mosbi long sindaun insait long wampela wik konferens bilong Sios Medikal Kaunsel (CMC) i bin kamap long Hideaway Hotel we i bin stat long Mandem Me 23 na pinis long de namba 20.

Samting olsem 130 woklain bilong ol helt opis na ol haus sik we ol sios i papa long em long kantri i bin bung long toktok long bihain taim bilong sios helt sevis abrusim yia 2005 na i go. Na ol arapela samting i karamapim sios helt sevis nau yet.

"Ol helt senta, etpos na haus sik long Bogenvil i sot long ol marasin. Na wankain tu i kamap long olgeta hap bilong kantri. Ol marasin we mipela i sot long ol em ol malaria marasin, ol antibiotik long olsem septrin, amoksilin na ol arapela moa olsem bilong ol sik we pipel i save

kisim olgeta taim. Em ol sik olsem strong-pela kus, pekpek wara, het pen, skin i tuhat na ol kain sik olsem.

Eria medikel stoa bilong mipela i stap long rijinel stoa long Rabaul na mipela i sapos long kisim nupela saplai bihain long olgeta tupela mun. Mipela i save kisim long wampela o tupela taim insait long wampela yia tasol.

Na taim mipela i kisim ol saplai, planti i no dispela we i stap long lis mipela i putim oda long ol. Tu, taim ol saplai i kam, ol i save kam leit long tupela mun samting. Mipela i laik save wanem samting tru i kamapim hevi na mipela i no kisim gut ol marasin saplai", Mista Tsikoa i tok.

Em i tok taim ol helt senta na etpos i sot long ol marasin, ol i save bai mol marasin long mani bilong ol yet na sevim ol sik manmeri. Na ol i no askim long bekim bek dispela mani.

Em i tok tu olsem sampela ol marasin saplai ol i save kisim em ol i nogut pinis bikos ol i ekspaisa pinis.

Em i tok ol dispela hevi i kamap bikos i nogut gupela kontrol na monita sistem na olsem em i singaut sapos ol helt opisa i ken gat moa trening long wei bilong monita ol helt saplai.

"I mas gat kontrol sistem long ol medikal saplai," Mista Tsikoa i tok.

Em i tok dispela hevi i karamapim olgeta haus sik we gavman na ol sios i papa

long en. Katolik Helt sevis i save givim 90 pesen praimer helt kea sevis long Bogenvil. Em i gat 14-pela helt senta na i wok long helpim lukautim 10 helt senta long allan we gavman i papa long en.

Em i tok ol helt senta i laikim oa woklain tasol nau yet, tambu long kisim moa woklain i stap yet.

Em i tok taim sindaun long Bogenvil i wok long kamap orait, planti ol helt senta na etpos i op tasol ol i sot long ol woklain na marasin.

Long wankain taim, konferens i bin lukluk long rot we ol sios long kantri i ken strongim wok bung wantaim aninit long CMC na givim gupela sevis i go long ol pipel.

Siaman bilong CMC Don Kudan husat ol bin makim em gen long dispela posisen na i mekim dispela em namba 15 yia long em i holim siaman posisen i bin tok gavman i mas etresim hevi long marasin saplai i sot long kantri.

Em bin tok konferens i bin lukluk tu long dispela hevi na gavman i mas glasim na skelim gut situesen long marasin na baim ol dispela we ol haus sik i laikim long ol sik we i save kamap planti taim long en.

Em i tok bung i bin toktok tu long abosen o pasin bilong kilim dai bebi long bel. Em bin tok posisen bilong ol sios em ol i no sapotim abosen bikos dispela pasin i rausim laip bilong man.

Nius Bilong HIV AIDS

Tok Lukaut

wantaim David Ephraim



YU gat save o nogat, HIV i no save kandim yu husat. Wampela wok painim aut i tok olsem planti lain i save long rot HIV i save kamap tasol ol i no ting bai Binatang HIV bai kisim ol.

Nau yet mi ken tok olsem planti pipel i wok long ting olsem ol bai i no inap kisim tasol taim ol i kisim ol i save kirap nogut na wari tumas na long dispela rot ol i save dai hariap.

Long wok awenes, bikpela samting em yu mas traim long strongim tingting bilong yu na long dispela rot yu ken traim abrusim ol kainkain tingting nogut we i wok long bagarapim laip bilong yu.

Traim ritim ol buk we i save givim gupela stia tok. Plis ritim kain Buk olsem Buk Santu o Holii Baibel em tok bilong GOD we yumi Kristen i save bilip long em. I gat ol gupela stia tok long helpim yu long longpela wokabaut bilong yu.

Mi laik kisim dispela taim long singaut long yu rida long traim rait i kam na painimaut moa long dispela binatang HIV.

Taim manmeri i no save askim o wok panimaut long ol kain hevi we ol i go tru long en, em nau long dispela rot ol i save kisim baragarap.

Sapos yu stap Mosbi na laikim HIV-AIDS Kaunseling, plis ring i go long Provinsel AIDS Kaunsel bilong NCD na toktok wantaim Racheal Pokesy em wampela Kaunsel na Wok olsem Kaunsel bilong NCDPAC.

Mi no save gut long ol narapela provins tasol yu ken go lukim ol lain long haus sik na askim ol long helpim.

HIV-AIDS stap pinis. Lainim, helpim na abrusim.

Tok Lukaut

Wampela samting we i wok long go bikpela long Mosbi em ol danis ples. Planti ol lain man i wok long kamap olsem ol meri. Na planti i wok long slip wantaim ol man yet. Dispela em i wok long kamap bikpela hia long Mosbi.

Long kastom bilong yumi, dispela kain pasin em i nogut tru, tasol nau aninit long ol humen rait lo, planti i wok long yusim dispela olsem strong bilong ol long wokim wanem samting ol i laik long en.

Long kirap bilong HIV-AIDS long kantri na long Mosbi we i gat bikpela namba bilong ol lain husat i gat binatang bilong AIDS, dispela kain samting em i wampela rot nogut we taim man i slip wantaim narapela i ken givim HIV long narapela sapos em i gat HIV.

Singaut i go long yu man o meri husat i save wokim ol kain pasin olsem long slip wantaim ol kain lain olsem, plis, traim tingim laip bilong yu na traim bihainim mama lo we God i givim yu long en.

Mi wokim sampela wok panimaut na mi lukim olsem pasin bilong man i slip wantaim man i wok long go bikpela tumas long kantri.

Planti i save traim long haitim tasol i no long taim bai yumi kirap nogut long dispela samting na taim yumi laik traim stopim em bai hat moa.

Olsem na nau em taim bilong luksave na traim helpim ol kain lain olsem long senisim pasin bilong ol. Planti taim ol man i save paitim ol kain lain olsem na em i no rot bilong helpim ol, nogat tru.

Sapos yu laik traim long pasim ai bilong yu long helpim ol, em nau bai kain kain hevi i kamap bikos yu i no luksave na helpim.

Tingim HIV-AIDS em i hangamap raun i stap. Lus patikol em nem bilong en stret. Nogut yu tu lus patikol raun i stap na yu tupela i bung.

Ol skul prinsipel i wari long NCDC i no peim skul subsidi

Veronica Hatutasi i raitim

Hetmasta bilong Wardstrip Demonstresen Praimeri skul Fred Eovo i tok ol het tisa i no amamas long Komisn i no givim helpim bikos em (Komisin) i save givim sosel sevis na aninit long dispela, em i mas givim fainensel helpim i go long ol skul long givim sevis olsem tasol em i mekim long sait bilong helt, trenspot na ol rot insait long siti.

Em i tok NCDC i noken pilai politik long abrusim sevis em i mas givim long ol pipel insait long siti, na moa yet, ol skul, bikos ol papamama, ol bisnis haus na

OL SKUL insait long Mosbi siti i laikim Nesenel Kapitel Distrik Komisn (NCDC) long peim hap skul fi subsidi mani i go long ol we bai helpim ol long ranim ol skul.

I gat wari i stap nau long ol hetmasta na ol prinsipel long ol NCD skul bikos Komisn i no peim skul subsidi mani i go long ol long tupela yia nau. Long ol yia bipo, Komisn i save peim hap subsidi mani i go long ol NCD skul.

Siaman bilong ol NCD skul insait na



Sampela skul sumatin insait long NCD i stap insait long sampela kain selebresen. FAIL PIKSA

pablik we i gat ol pikinini insait long ol skul i peim takis i go long NCDC.

"As we NCDC i yusim long no peim subsidi mani i go long ol skul em, NCD i no wampela seperet provins na em i no kam aninit long Ogenik Lo i karamapim Provinsel na Loko Level Gavman (LLG). Dispela em lo we ol Provinsel Gavman na LLG i bihainim long peim hap skul fi subsidi mani i go long ol skul we i kam aninit long ol. NCD i tok em i nogat luksave yet olsem em i wampela provins na em i yusim dispela long i no peim hap skul fi subsidi mani. Na em i no inap long peim sapos em i no kamap o kisim luksave olsem wampela provins em yet," Mista Eovo i tok.

Mista Eovo i tok long dispela wik Fraide Me 27, ol skul prinsipel bai holim wampela kibung

bilong ol long Gordons Sekonderi skul na toktok long dispela. Wampela bikman bilong NCD Edukesen bai stap insait long dispela kibung long harim wari bilong ol tisa na givim ripot bilong NCDC long ol.

Tasol Mista Eovo i tok NCDC i gat duti o wok long givim sevis long ol manbmeri i stap long siti bikos ol papamama i baim takis i go long em.

"NCDC i save givim sosel sevis na em i mas helpim long givim sevis i go long ol skul olsem tasol em i wokim long helt sevis, ol rot na trenspot eria. Ol skul i givim sevis na ol papamama bilong ol skul pikinini i save peim takis i go long Komisn. Pablik na ol bisnis haus i baim takis long ol stoa na hap mani i go long NCDC. Olsem na i nogat kwesten long NCDC long peim skul fi subsidi mani i go long ol

skul. I moabeta long Komisn i no pilai politik. Pablik bai amamas taim em i sevim ol bikos Komisn i gat duti

o wok long sevim ol manmeri na pikinini insait long siti," Mista Eovo i tok.

Em i tok ol skul insait long siti i save kisim taim bikos ol i mas peim bikpela wara na lait bil, ol potokopi pepa, ol telipon bil na tu, ol arapela samting long mekim gut ol wok bilong helpim ol tisa na sumatin insait long kain sindaun bilong siti. Na helpim na wok bung wantaim bilong NCDC, ol papamama na gavman long sait bilong peim ol skul fi na skul subsidi mani bai kamapim gut ol wok long ranim ol skul.

Wantok i bin ring long opis bilong NCDC long kisim sampela toktok tasol bikman i gat tok long dispela i no bin stap.

THE BIBLE SOCIETY
PAPUA NEW GUINEA

I NO GAT WANPELA SAMTING INAP PASIM LAIK BILONG GOD

Olsem na bai yumi tok wanem long dispela ol samting God i mekim? Sapos God i helpim yumi, orait husat bai i birua long yumi? God i no bin pasim Pikinini bilong em yet. Nogat, Em i bin salim em i kam bilong helpim yumi olgeta. Na sapos em i givim yumi Pikinini bilong em yet, orait ating em bai i givim yumi olgeta arapela samting tu. God i bin makim yumi bilong em yet, olsem na husat bai i kotim yumi? Nogat. God yet i save kolim yumi stretpela man. Husat bai i tok long yumi mas kisim pe nogut bilong sin? Nogat. Krai Jisas i bin i dai, na em i kirap bek tu. Na nau em i stap long han sut bilong God, na em i save askim God long helpim yumi. Krai i save laikim yumi moa yet, na i no gat wampela samting inap pasim dispela laik bilong en i kamap long yumi wan wan. Sapos hevi i kamap long yumi, o sapos yumi karim pen, o sapos ol man i mekim nogut long yumi, o sapos yumi hangre, o sot long klos, o sapos samting nogut i laik bagarapim yumi, o sapos pait i kamap long yumi, ating dispela ol kain samting bai inap pasim laik bilong Krai? Nogat tru.

ROM 8: 31-35

Lusika amamasim Okiufa taim em i greduet long UOG

Sape Meta i raitim

LONG kamap gupela tisa long skulim, trenim na lainim ol arapela sumatin, ol tisa i save mekim planti hat wok tru we ol i save stadi long de na nait long kisim gutpela save na ol i ken karimaut gut wok bilong skulim na trenim ol narapela taim ol i pinisim stadi bilong ol.

Na ples bilong stadi em long koles, yunivesiti na ol arapela bikpela edukesen skul.

Na Yunivesiti ov Goroka o UOG em i wanpela long dispela bikpela skul we i save kisim, skulim na trenim gut ol tisa we ol i save greduet na go aut wantaim ol diploma, digri na Mastas long Edukesen.

UOG em i wanpela yunivesiti we i save kamapim planti gutpela tisa.

Long ol yia i go pinis dispela yunivesiti em i wanpela bikpela koles bilong ol tisa em ol i bin kolim Goroka Tisas Koles.

Na dispela koles i bin wok inap planti yia long 1970's na i kam antap.

Long 1997, Goroka Tisas Koles i senis na kamap Yunivesiti ov Goroka.

Nau yet 8-pela krismas i kam na i go na planti ol tisa i bin kamap na kisim trenim long UOG na ol i greduet na go aut pinis. Planti long ol i

wok olsem ol tisa long planti ol hai skul, sekenderi na nesanel haikul na ol i kamap yunivesiti long las 8-pela krismas, em i lukim moa long 2,000 ol tisa i greduet na go aut.

Na long wik i go pinis, UOG i lukim namba 8 greduesen seremoni we moa long 600 ol tisa i greduet wantaim ol masta digri ov edukesen, diploma long edukesen, Basela ov Edukesen wantaim ona, Post greduet - edukesen, basela ov edukesen, diploma long agrikalsa edukesen, diploma long bisnis stadis edukesen, diploma long komes edukesen, diploma long helt edukesen, diploma long ekspresiv ats edukesen, diploma long helt edukesen, diploma long helt tising, diploma long hom ikonoms edukesen, diploma long metamatiks edukesen, diploma long saiens edukesen, diploma long sosel saiens edukesen na diploma long tising teknikel na vokesenel edukesen.

Namba bilong ol lain manmeri husat i greduet long dispela yia i winim namba bilong ol lain husat i bin greduet long 7-pela yia i go pinis.

Namel long dispela 600 tisa husat i greduet long wik i go pinis, em Lusika Aho husat em wanpela asples meri long Okiufa ples we i stap klostu long UOG long lsten Hailans.

Maski em i gat hevi olsem singel mama bilong 5-pela pikinini we papa i bin lusim ol sampela yia i go pinis, dispela i no bin daunim na stopim em long stadi bilong em long UOG.

Stat yet long yia 2003, em bin taitim bun long stadi inap long em i pinisim skul bilong em na kisim basela ov Edukesen digri bilong em.

"I tru olsem mi stap long hevi, tasol dispela i no stopim mi long stadi long wanem mi gat bikpela tingting na driman long win. Na dispela em long greduet wantaim gutpela kala," Mis Aho i tok.

Em i tok long greduet wantaim BED i bikpela samting tru long wanem kain awot ol man tasol i save kisim, tasol nogat, em meri tu i kisim dispela awot nau.

Wanpela samting tu we Mis Aho i laik lukim em planti yangpela manmeri bilong lsten Hailans yet i mas go insait long UOG na stadi na greduet long hap. Em i wokim dispela toktok bikos UOG i stap long provins bilong ol na i moabeta long planti bilong ol i kisim sans na skul long em.

Opisel ges em Gavana Jenerel Sis Paulias Matane i bin opim nupela laibreri bilong Yunivesiti bihain long greduesen.



• Strong na bilip i win tru! Lusika Aho i kisim pepa bilong em.



• Litaresi na Lenguis awod winas long 8th greduesen de. Ol foto: SAPE METTA

Haus i Paia

Andrew Molen i raitim

WANPELA man Simbu i lusim wanpela samting bilong em long paia we i save helpim sindaun bilong em - dispela em stua bilong em.

Mista Paul Ninkama husat i save stap long 14 mail ausait tasol long Pot Mosbi siti i lusim liklik stua bilong em long paia tupela wik i go pinis long nait taim em i silip i stap.

Mista Ninkama i bilip olsem paia i kirap long

wanpela kendol em i lusim i lait i stap taim em i silip bilong wanem PNG Pawa i katim pawa bilong em.

"Mi putim antap long tin tasol em i go daun na kukim timba daunblo em mi no save," em i tok.

"Wanpela samting tasol mi sevim long paia em TV bilong mi, olgeta narapela samting i lus," Mr Ninkama i tok wantaim wari i stap long nek na pes bilong em taim em i kam long Wantok opis.



• Mista Ninkama wantaim famili bilong em. Ol foto: ANDREW MOLEN



• Mista Ninkama i sanap namel long ol pipia bilong bipo stua bilong em.

"Klos bilong mi na olgeta samting insait long stua na liklik haus mi silip long en i paia olgeta.

"Wanpela trasis tasol mi werim na silip em tasol i stap na mi werim nau," em i tok.

Mista Ninkama husait tu i mausman bilong komyuniti long 14 mail i lusim ol samting i nap olsem K5 000 olgeta we K3 868 em kes moni.

Nogat man i kisim bagarap long dispela paia bilong wanem famili bilong em i silip long narapela haus longwe long stua na liklik haus

bilong em we i join o pas wantaim na em i tok klostu tru paia i kukim em tu bilong wanem em i silip i dai.

"Mi harim ol manki i singaut long ausait na mi kirap nogut long lukim paia i lait klostu tru long mi, klostu mi dai tu tasol mi amamas na tok tenkyu long God long sevim laip bilong mi," Mista Ninkama i tok.

Mista Ninkama i gat siksipela pikinini we foapela bilong ol i skul na dispela stua we em i opim long mun Novemba las yia i save helpim em long baim

skul fi na yunifom bilong ol na tu long sidaun bilong ol long haus tasol nau bai em i painim hat liklik.

"Mi laik tok tenkyu long komyuniti bilong mi na ol narapela i stap klostu long ol i helpim mi wantaim klos na ol narapela samting long dispela taim na mi singaut long ol narapela brata na famili bilong mi insait long siti long sapos ol i nap long kam bung na helpim mi long kirapim bek stua o givim sampela samting long mi na famili bilong mi," Mista Ninkama i tok.

Planti pipel baim bus marasin bilong Pasto

...Tupela haus sik tok ol i no yusim marasin bilong em

John Kupul -DWU sumatin -i raitim

TUPELA bikpela haus sik insait long kantri i tokaut olsem ol i no save yusim ol marasin bilong wanpela pasta husat i tok ol marasin bilong em i save oraitim ol sik nau tasol.

Angau haus sik long Lae na Nonga Base haus sik long ls Niu Britan provins i tokaut olsem ol i no save yusim "Dr Mac Wing" bus marasin bilong Pasto Anton Kawi.

Pasto Kawi bilong "Assembly of God" o AOG sios insait long Lae i bin go long Madang long salim ol dispela bus marasin bilong em long taun maket taim dispela niusman i bin toktok long em.

Planti ol manmeri long Madang i bin baim ol bus marasin

bilong em taim ol harim olsem em i save kisim helpim long God.

Pasto Kawi i bin tok olsem ol dispela bus marasin ol i mekim i gat strong long oraitim ol kainkain sik olsem strongpela kus, TB, kensa, sik sotwin, malaria na ol narapela sik tu.

Em i tok tu olsem ol haus sik olsem Angau, Nonga, Kudjip Nazarene haus sik, Goroka haus sik, Popondetta haus sik na Kimbe i save yusim ol bus marasin bilong em.

Tasol dispela niusman i toktok long dispela tupela haus sik na ol i tok olsem ol i no save yusim ol dispela bus marasin bilong em.

Dispela ol bus marasin bilong Pasto Kawi i kam aninit long bikpela nem "Mac Wing Herbal Juice".



Salim ol pas i kam long WANTOK NUSPEPA: P.O. Box 1982, Boroko N.C.D 111 Fax: 325 2579 Email: word@global.net.pg

Sios sanap antap long 10-pela lo em trupela sios

Dia Edita
NEM bilong mi Ronnie Kengi na mi bilong ples Wakwak klostu long taun bilong Mendi.

Mi wanpela man we mi save laik tru long ridim ol pas i stap long Wantok Niuspepa.

Na wanpela samting mi save lukim ol man toktok long trupela sios. Brata Mark Dua i tok Church of Christ em trupela sios. Fr. George na Alois Maxie i tok nogat, Katolik Sios em trupela sios.

Dispela ol kain tok kirapim tingting bilong mi long raitim dispela pas long Wantok.

Yes, ol brata, long dispela graun yumi ken kolim kainkain sios na tok dispela em i trupela sios. Tasol long ai bilong Papa God i gat tupela sios tasol i stap long dispela graun.

Sios we em i bihainim Tenpela Lo bilong God na sios we em i no bihainim Tenpela Lo bilong God. Rev 12:1-6 em i tok; "Wanpela klinpela meri sindaun antap long san na Rev 17:1-6 em i tok, "wanpela pamukmeri sindaun antap long solwara.

Taim Baibel propesi i tok meri, em i tok long sios. Em i makim sios. 2 Cor 11:1 yu ken ridim.

Tude long dispela graun, yumi lukim kainkain sios i stap. Tasol ai bilong Papa God, i gat tupela sios tasol.

Sios sanap antap long Tenpela Lo bilong God na sios em i sanap antap long laik bilong man.

Jisas Kraus em i tok long Jon 14:15 olsem, "If you love me, keep my commandments". (Sapos yupela laikim, bihainim lo bilong mi). Wanem lo? Ex 20:3-17.

Orait askim bilong mi i go long brata Mark Dua, Fr. George na Alois Maxie olsem, long dispela graun yumi i gat kainkain sios i stap.

Tasol wanem sios nau em i bihainim Tenpela Lo bilong God? Inap wanpela bekim askim bilong mi? Mi bai amamas tasol long lukim husat brata bekim askim bilong mi. Rait i go long Wantok na bai mi lukim.

RONNIE KENGI MENDI SAUTEN HAILENS PROVINS

Nogat senis long Mendi taun

Dia Edita

Mi WANPELA grasrut manki bilong Nipa distrik insait long Sauten Hailens provins.

Mi laik autim wari bilong mi i go long Wantok Niuspepa olsem, taim mi lukim long EMTV na ol niuspepa nambaut nau mi lukim olsem yumi Sauten Hailens i stap yet olsem ol tumbuna bilong yumi yet.

Long yia 1970, nogat wanpela senis i kamap long provins bilong yumi. Bilong wanem na mi tok olsem?

Bikos insait long Mendi taun ol man bilong pikpoket i stap yet, ol man bilong holdap i stap yet, ol man bilong kilim man i stap yet, skul i no senis yet, haus sik i no senis yet, rot i no senis yet.

Olgeta samting i bagarap bikos rong i stap long husat? Askim yumi yet ol manmeri bilong Sauten Hailens provins.

Bikpela samting olgeta man i save raitim kain kain kleim bilong kaikai bilong nau tasol, olgeta yia baset bilong stretim ol rot, skul, haus sik, taun.

Yupela i save wokim kain kain kleim na daunim daunim tasol, so long dispela yia Nipa Hami Yawari i laik mekim wanem, plis larim em i wokim na noken wokim kleim moa.

Plis sem na yupela noken wokim. Yupela i save raun long narapela provins tu o nogat. So plis larim Hami Yawari mekim wok na yupela lukluk tasol na stap.

So husat laik sapatim o agensim tingting bilong mi, yu rait i kam long Wantok Niuspepa tasol.

JEFFREY KEIO KIMBE WES NU BRITEN PROVINS

Rasta resis

Dia Edita

Mi wanpela rasta man bilong Makam.

Mi laik autim bel kros bilong mi bai pablik i ken skellim. Bel kros bilong mi i olsem, long wol o olgeta

hap i gat kainkain pilai resis olsem soka, volibol, basketbol, ragbi, kriket, softbol, sotput na planti planti moa liklik pilai.

Olsem na mi askim pablik olsem bai i gat rasta resis long wol o nogat.

Em tasol na mi bai amamas tasol long sapat bilong sampela rasta man.

EFANG JONAH MARE PLES MOROBE PROVINS



Toksave: Sampela ol pas mipela i kisim i longpela tumas na i no givim spes long ol arapela pas, plis raitim pas liklik . Na tu putim nem na adres bilong yu long olgeta pas yu salim i kam, tenkyu . - Edita

Morobe i bagarap long HIV/AIDS

Dia Edita

DISPELA belkros bilong mi i go long olgeta dokta na olgeta nes meri long Morobe provins na tu kam long pablik. Dispela bel kros bilong mi olsem, nau long Morobe provins i gat planti manmeri i pulap tru long siti.

Na pasin pamuk i pulap tru long olgeta kona bilong siti na provins bilong yumi Morobe. Dispela pasin pamuk i mekim na yumi bagarapim nem Wopa kantri long kamap bikpela bilong sik HIV/AIDS. Dispela sik i nogat marasin long kilim.

Olsem na mi laik tokim o askim dokta na nes meri olsem, plis wokim blut tes long yumi olgeta Morobe na sekim yumi.

Sapos man o meri i gat sik HIV/AIDS orait yumi ken kilim em i dai.

Dispela tok kilim i dai em i strongpela tablet marasin bilong hilim o daunim sik HIV/AIDS bilong yumi ol Morobe.

EFANG JONAH LAE MOROBE PROVINS

BSP long Wewak i no helpim Sepik pipel

Dia Edita

Mi LAIK raitim dispela pas i go long Wantok Niuspepa na tok kros long ol pasin Benk Saut Pasifik long Wewak taun i save wokim long ol kastoma bilong Is Sepik provins we em i no gutpela tumas.

Bilong wanem na long ol potnait i save i gat longpela lain long benk i go long Tengmau Supamak

na san i save kukim ol inap long 4pela aua. Nogat wei long wokim nupela ol tela masin o otometik tela masin. Na bihain ol i go insait planti ol tela i save bikmaus na singaut olsem pik na dok. Em dispela i no gutpela pasin tumas na mi laikim benk menesa nau long rausim dispela kain meri o man long Benk bilong Saut

Pasifik long Wewak taun hariap tasol. Mi yet mi bai kisim ol i go long bikpela kot na ol bai baim mi bikpela mani. Em nau mi wok long kot pepa. Plis senisim ol pasin bilong yupela.

JOHN KRISOAKI WEWAK IS SEPIK PROVINS

Tingim nogut na gutpela pastaim

Dia Edita

Mi laik soim belhat bilong mi long husat em i papagraun bilong Wafi Maining long 1950s i kam long nau. Mi lapun pinis na kus na ai pekpek i pulap tru long pes bilong mi na mi no lukluk gut, tasol mi tingim raits bilong pikinini bilong mi ol Saab. Mi Saab mi strongpela papagraun. Yu husat laik kamap papagraun baibai mi

bungim yu. Kot stret long ai bilong Bikman, noken giaman nogut pala i lait long maus bilong yu. Tingim nogut na gutpela na wokim stret long namel.

LAPUN SAAB MARE PLES MOROBE PROVINS

God i les pinis long sabat

Dia Edita

Mi LAIK bekim pas bilong C. Oroho long toktok long sabat (Disemba 23, 2004). Eksodas 20:8 - dispela tok em i tok bilong ol Juda o Baibel bilong ol Juda i bihainim dispela tok na ol i lotu long God long sabat.

I nogat wanpela hap bilong Baibel we i tok olgeta manmeri i mas lotu long sabat. Nogat tru.God i wokim kontrak wantaim ol Juda tasol long Maunten Sinai.

Ol Juda i mas bihainim sabat olsem mak bilong kontrak God i wokim wantaim ol. (Eksoda 31:12-17) Tasol bihain God i les long dispela kontrak (Ais 7:13) God i laik wokim nupela kontrak (Jer 31:31) dispela nupela kontrak em Jisas i wokim long blut bilong em (Mt 26:28).

Dispela nupela kontrak Jisas i wokim taim em i dai long diwai kros. Na olgeta manmeri i mas go insait long dispela kontrak (Jon 12:32; Mt 28:19).

God i wokim nupela kontrak. Orait olpela kontrak bilong bipo i lusim strong pinis. Bikpela laplap i hangamap long haus lotu bilong ol Juda em yet i bruk antap inap long daunbilu (Mak 15:38).

Olsem na sabat mak bilong olpela kontrak i kamap mak nating.

Santu Pol i tok: "Olsem na wanpela man i no ken sutim tok long yupela long lo bilong kaikai na dring na long bikpela de na long nupela mun na long sabat.

Dispela samting em i olsem mak nating bilong samting i laik kamap bihain. Tasol Kraus Jisas em i samting tru (Kol 2:76-77).

Dispela kontrak Jisas i bin wokim em i moa gutpela na em i winim kontrak bilong bipo (Hi 7:22; 8:7-13, 10:8-9). Ol aposel i stap wok man bilong nupela kontrak (2 Kor 3:6).

Ol manmeri bilong nupela kontrak i save lotu long God long de bilong bikpela long de Jisas i kirap long matmat. Long namba wan de bilong wik - long Sande Santu Pol i tok olsem long namba wan de bilong wik mipela i bung wantaim ol kristen bilong kaikai na kisim komunio (Ap 20:7).

Planti taim Jisas i no bihainim lo bilong sabat (Jo 5:8-16; Mk 3:1-6; Lk 6:1-5) Jisas yet i bosim sabat (Mk 2:28) Jisas i laik pinisim sabat orait em i ken mekim olsem.


Na i tru long pasin bilong brukim lo bilong sabat planti taim, Jisas i laik skulim ol manmeri olsem, long nupela kontrak bai sabat i nogat moa mining bilong em.

Lo bilong laikim ol manmeri bai i kamap namba wan lo bilong ol manmeri (Jon 13:14) No ken paolim tingting bilong ol kristen man na meri long de sabat. De sabat em i mak nating (Kol 2:16-17).

Kraus em i samting tru. Yu no ken paol na paolim Gutnius bilong Kraus. Sapos yu paolim Gutnius bilong Kraus harim bai yu lus long hel (Gal 1:6-10).

Dia brata C. Oroho yu laik bihainim olpela kontrak bilong Maunten Sinai o yu bihainim nupela kontrak bilong Jisas long blut bilong em long Maunten Kalvari. Sios i stap long yu.

DAVID GORUA UPPA ASARO ISTEN HAILENS PROVINS



OLGETA MONI I KAMI PASTAIM OL AUSTRALIA POLIS ISTAP NA YUPELA I BIKHETI..NAU TRAIM, OL I GO WE?

EM NAUI NAU EM PEI DE BILONG MIPELA..RAUSIM WALLET, PAUS...

OL ECP BAI KAMBEK GEN, SO YUPELA OL RASKOL, WASAUTI!

WANTOK KOMENTRI

Australia i mas daunim ol yet tu

LONG Trinde moning Minista bilong Foren Afeas na Imigresen bilong yumi Sir Rabbie Namaliu i lusim kantri wantaim Polis Minista Bire Kimisopa long go long Australia. Tupela i go long paitim toktok wantaim Foren Afeas Minista bilong Australia Alexander Downer na gavman bilong em. Bikpela as tingting long dispela paitim tok namel long tupela gavman em long kisim Ikonmik Koporesen Progrem (ECP) i kam bek long PNG. Bihain long Suprim Kot i tok wan wan hap bilong dispela ECP we i sut long imyuniti o banis long mekimsave bilong ol Australia polisman i no bihainim Mama Lo bilong yumi, Australia gavman i singautim ol Australia polis i go bek.

Gutpela spirit i stap yet wantaim Bogenvil

BOGENVIL nau i go yet long ileksen long votim ol memba long kamapim Bogenvil Otonomes Gavman. Maski i bin gat sampela ol liklik hevi i kamap, gutpela spirit bilong ileksen i stap wantaim ol pipel bilong Bogenvil. I bin gat ripot olsem wanpela o tupela balot bokis wantaim ol vot i lus long han bilong sampela ol man, tu sampela balot pepa i lus long strongpela win na solwara, na ol hevi olsem kompensesen bilong pundaun bilong ileksen helikopta long wanpela ples, na sampela vota i nogat nem long Komon Rol Buk, tasol ileksen i go het yet. Nius tu mipela i kisim, man husat i tok olsem Bogenvil i kisim independens pinis na i no wari tumas long dispela ileksen, Francis Ona, i tok orait long ol pipel bilong em long stap long ileksen na vot. Wanpela gutpela samting mipela i lukim tu long dispela ileksen, em ol kendidet husat i resis long ileksen i wanbel na kem-



TOK PISIN
wantaim
PETER MAIME

pen long gutpela pasin. I nogat wanpela kros i bin kirap namel long ol. Tu ol lida bilong bipo olsem Leo Hannett na Dokta Alexis Sarei i go bek long sapatim ol pipel long go long ileksen long kamapim nupela Otonomes Gavman bilong ol. Dokta Sarei i bin kam olgeta long Amerika. Ol pipel long Bogenvil tu i no lus tingting long ol wantok bilong ol i stap long ol arapela senta long kantri. Bogenvil Iktorel Opis i putim ol voting senta long Lae long ol Bogenvil pipel i stap long Momase na Hailans rijen long vot, Pot Mosbi long ol


lain husat i stap long Sauten rijen long vot na long Rabaul long ol lain long Ailans rijen long vot. Bogenvil i bin stap wantaim bikpela hevi tasol we ol lida na pipel i pasim tok long kirapim Mama Lo bilong Bogenvil na i go long ileksen long kampim Otonomes Gavman em i brukim tru rekot bilong PNG politiks. Planti pipel long Esia-Pasifik Rijen i putim ai long dispela politikel senis i kamap long Bogenvil. Ol pipel bilong Bogenvil i tok ol inap long pait. Ol i laikim bel isi na gutpela sindaun i kam bek long ailan. Nau ol i soim long dispela ileksen. Ol pawa bilong Bogenvil i stap wantaim ol sief bilong ples. Taim ol i toktok, ol pipel i harim tok. Taim yu sindaun na skelim gut, ol sief i mekim bikpela wok long lukim dispela ileksen i kamap gutpela long Bogenvil.

Las wik, gavman i bin sindaun na paitim toktok long tingting bilong Kot, na bikpela wanbel i kamap olsem dispela ECP progrem em i wanpela progrem we i mas i kam bek long yumi. Sir Rabbie na Mista Kimisopa i no ol man nating. Tupela wantaim i klia long tingting bilong Australia na tingting bilong ol manmeri bilong yumi yet tu. Mista Kimisopa i tok ol bai tok klia long Australia olsem ol yet i mas luksave long bikpela wok PNG gavman i mekim long kamapim dispela ECP. Sir Rabbie yet i tok Australia i mas luksave long hatwok PNG i mekim na daunim ol yet long noken askim tumas long imyuniti o banis long mekimsave bilong ol wok manmeri bilong ol. Sapos ol i laik save moa, ol i mas askim ol polis manmeri bilong ol husat i bin kam stap wok antap hia long PNG inap long 6-pela mun. Ol dispela polis manmeri bilong ol bai tokaut olsem nogat wanpela taim ol i bin kam na kisim bagarap nating long hia. Sapos ol i kam long mekim stretpela wok, orait, ol bai no inap long tingting tumas long asua. Dispela toktok long imyuniti o banis long mekimsave em i singaut we i nogat as long en. Australia i tok olsem ol wok manmeri bilong ol i mas i gat banis long mekimsave taim ol i kam wok long PNG. As bilong dispela singaut bilong ol em ol i tok dispela em i wankain wok tasol we ol arapela polis manmeri na soldia bilong ol i bihainim taim ol i go long ol ples olsem Solomon Ailans na Irak. Tasol Sir Rabbie yet i tok klia long dispela sait. PNG i no wankain olsem Solomon Ailans long wanem mipela i nogat bikpela pait i stap hia tude. Na PNG i no olsem Irak we i gat ol pait man i stap hait na kilim nating ol soldia na polis manmeri bilong Australia. Sapos Alexander Downer i save long tok pisin, mipela bai tokim em: Harim ol stori bilong ol polis manmeri bilong yu yet husat i bin kam stap na wok long hia. Kandim gut namba bilong ol na sekim. I gat wanpela long ol i lusim laip bilong ol taim ol i kam long Papua Niugini? Nogat tru.

Stap isi na glasim wok na toktok pastaim

Planti Lida long ol pasin bilong "stap isi na ples level, provins na glasim o skelim gut nesene level i nogat samting o tok o wok

orait bihain mekim tok o wok. Long Inglis ol i kolim "patience and evaluating cons and pros".



Ol prinsipol bilong gutpela lida
wantaim
Evangelist
OHARE JABERE

Ol i save hariap tumas long mekim tok, ating insait long kibung long ol pipel we i save kamapim belhevi na brukim haus lain. Bung wantaim pasin i save bruk. Sapos bung wantaim pasin i bruk, olsem wanem long ol wok bung wantaim bilong ol pipel long kirapim ples o provis o kantri? Pasin bilong gutpela lida em i mas stap isi na glasim/skelim wanem tok o wok narapela man/lida o ol pipel i bringim i kam long em long mekim o toktok long en. Maski dispela wok/tok em ol pipel i bringim long em long mekim wok long en o soim tingting bilong em, em i hariap tok o het pen wok.

Lida mas save olsem long pasin bilong stap isi na glasim/skelim wok/toktok gut, lida bai luksave olsem wanem wok em i mekim o lo em i putim bai nogat asua o dispela wok em i mekim bai no nap kirapim kros o bruk namel long ol lida yet o long pipel bilong ol. Suprim Kot bilong PNG long wik i go pinis i rausim ECP Act (Lo) long wanem dispela lo i abrusim sampela lo stia tok insait long Mama Lo bilong Kantri. Suprim Kot i rausim dispela ECP Act (Lo) i soim olsem, Gavman bilong Somare i no bin soim pasin bilong "stap isi na skelim gut toktok" na mekim Lo. Ating Australia Gavman i hariapim ol long dispela wok bung wantaim progrem we bai Australia Gavman inap tromoi K8 milien insait long faipela yia. Yumi lukim olsem long pasin bilong hariap, Gavman i abrusim o brukim stia tok insait long Mama Lo. Olsem na dispela Lo bilong ECP, em Bikpela Kot bilong Kantri i tok em i no stret na i gat planti asua. Olsem na dispela Lo bilong ECP, em Bikpela Kot bilong Kantri i tok em i no stret na i gat planti asua. Gutpela tingting em i olsem: Lida mas i gat pasin bilong stap isi maski tok o wok i hariap long mekim, em mas skelim gut (gutpela na nogat bilong em) orait mekim tok o wok.

WANTOK
Published Weekly, Wednesday, for Word Publishing Company, Ltd.
P.O. Box 1982, Boroko, NCD
Papua New Guinea
Telephone: 325 2500
Fax: 325 2579
Email: word@global.net.pg
Pe bilong wanpela yia
52 niuspepa

Ples:	Air:
PNG	K140.00
AUSTRALIA	US\$100.00
ASIA PACIFIC na JAPAN	US\$80.00
AMERICA na EUROPE	US\$150.00

General Manager
Justin Hansu Kili

Editor
Neville Choi

Published by Justin Hansu Kili, MBE of Section 58, Allotment 3, Office 2, Waigani Drive.

Word Publishing Company Limited is owned by the four major churches of Papua New Guinea: Catholics 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.



PASIFIK NUIS

Fiji:

Lo sosaiti laikim Qarase long rausim rekonsiliesen Bil

REKONSILIESEN, Tolerens na Yuniti Bil bai bagarapim lo, Fiji Lo Sosaiti i tok.

Presiden bilong Sosaiti, Graham Leung, insait long wanpela pas i go long Praisim Minista Laisenia Qarase, i tok gavman i mas rausim dispela Bil.

Em i tok rot we dispela Bil i kamap bai no inap long karim kaikai long bungim ol komyuniti insait long Fiji.

"Bil em i no bekim bilong ol hevi bilong Fiji," Mista Leung i tok.

"Rekonsiliesen na fogivim arapela em i samting i save kam long lewa. Yu no inap long tokim ol pipel long mekim," em i tok long dispela pas.

Mista Leung i tok wei ol i raitim dispela Bil bai i luksave na lukautim tasol ol pipel long Fiji i gat planti mani na i no ol lain turangu husat bai no inap kisim luksave sapos ol i brukim lo.

"Sapos dispela lo bai wok, yu mas givim wankain luksave long olgeta manmeri. Yu no inap i gat wanpela lo bilong ol lain i gat mani na wanpela arapela lo bilong ol lain i nogat gutpela sindaun," Mista Leung i tok.

Em i askim Praisim Minista long harim kraik bilong pablik husat i wok long autim tingting bilong ol long midia.

Mista Leung i tok maski i gat planti manmeri i nogat maus long toktok, gavman i noken kisim dispela olsem ol i laikim dispela Bil.

"Em pasin bilong mipela long hia - ol pipel i save onaim ol lida bilong ol na pasim maus tasol. Sapos ol i opim maus, em i no stretpela pasin," em i tok.

Mista Qarase i tok i nogat wanpela lo i tok long kisim tingting bilong pipel insait long kantri o referendum long ol bikpela nesenel wok.

Em i askim sapos gavman i gat plen long kamapim wanpela nesenel referendum long ol nesenel isiu long wanem i gat planti toktok egensim dispela Yuniti bil long tupela wik i go pinis.

Solomon Ailans:

Sasako i lukluk long namba tri taim long palamen

IS KWAIO memba bilong palamen, Alfred Sasako i tok nau em i lukluk long winim bek sit bilong em insait long ileksen bilong neks yia.

Mista Sasako i kam bek long Yurop las wik Fraide bihain long em i lusim wok bilong em olsem Afrikaen Karibien na Pasifik Sekretariat long Brussels.

Em i bin holim dispela wok inap long wanpela mun tasol.

"Nau mi wok long traim klinim nem bilong mi, mi lukluk nau long winim bek Is Kwaio Konstituensi long jenerel ileksen long neks yia long namba tri taim," Mista Sasako i tok.

"Mi amamas long tok olsem mi kam bek long Solomon Ailans, pipel bilong Is Kwaio bai i ken i gat wanpela mausman insait long dispela palamen na narapela palamen antap."

Mista Sasako i sutim tok long tupela Oposisen memba Jose Sanga na Nolen Leni long em i lusim wok bilong em.

Fiji:

Fiji polis tingting planti long Esia ogenais kraitim

OL BIKPELA stil pasin we ol man bilong Esia i wok long kamap long Fiji i wok i givim bikpela het pen long polis bilong ol.

Polis Komisina Andrew Hughes i tok i nogat wanpela han mak bilong Saina Traiets tasol em i tok i gat planti stil pasin i wok long kamap long han bilong 'ol stilman i kam long Saina' i stap insait long Pasifik rijen.

"Hevi bilong ogenais kraitim bilong Esia insait long rijen em i wanpela bikpela hevi bilong mipela hia long Fiji, na moa long sait bilong ol Saina Traiets," Hughes i tok.

"Mipela i gat evidens i soim olsem ol i wok bung long olgeta hap long wol na i save pulim ait bilong Pasifik Trensnesenel Kraim Kodinesen Senta."


PTCCC we i bin kamap las yia long mun Jun, i gat ol wokman bilong poli, kastoms na imigresen opisa insait long rijen i kam long Fiji, Tonga, Samoa, Papua Niugini na Vanuatu.

Hughes i tok dispela projek em i wanpela tasol long wol long wanem em i save kodinetim wok bilong polis insait long rijen.


Wok bilong PTCCC i bin karim kaikai taim ol i painim wanpela haus marasin bilong mekim ol strongpela drak long Laucaia Nambis long Suva long mun Jun las yia.

Trensnesenel kraim yunit i bin holim pasim 7-pela man Esia na ol as ples man bihain long ol i was long ol inap 14 mun. Dispela haus marasin em ol i save mekim 500 kilogram kristel metemetemin long wanpela wik.

WOLNIUS WOLNIUS WOLNIUS




WOLNIUS WOLNIUS WOLNIUS



Swit nating...

Wanpela yangpela manki i sretim ol 'badami' mango antap long baksait long trak bilong Naroda prut maket long Ahmedabad long Westen India. (AFP/Stringer)



Animal o man

Em ol man ya. Ol i putim klos i luk olsem skin bilong Panda be na ol i holim ol hap pepa long autim belhat bilong ol long biknem musik sta bilong Amerika Michael Jackson husat nau i sindaun long ai bilong kot long ol sas olsem em i bin bagarapim wanpela liklik manki taim em i bin stap wantaim em.



Belhat


Steven Bonkamp bilong bikpela siti Seattle long Amerika i karim wanpela giaman man i putim klos bilong ami bilong Amerika na soim olsem blut i kapsait long en. Em i putim em antap long wanpela dram bilong wel taim em i autim bel kros bilong em ausait long rikruting opis o ples we Ami i save kisim ol yangpela man. Steven wantaim ol arapela manmeri i bin protes egensim woa long Irak na ami i painim pait man long ol skul. (AP Poto/Ted S. Warren)




5-pela lek

Dispela piksa i kam long Shane Jennings, na i soim wanpela liklik kau i gat 5-pela lek we wanpela mama kau bilong em i bin karim long fam bilong em. Mama i bin karim dispela bebi kau na olgeta samting long bodi bilong em i orait tasol. (AP Poto/Shane Jennings)

WOL NIUS WOL NIUS WOL NIUS



WOL NIUS WOL NIUS WOL NIUS



Pairap

Oi bikpela haus na opis long Yunong ples long Shenzhen long Saut Saina i pundaun long Sande bihain long oi i pairapim bom long brukim ol dispela opis na haus. Dispela em i namba wan bikpela wok bilong rausim ol haus we inapim stret 51,000 skwe mita. (AP Poto/Xinhua, Zhang Shubin)



Krai long brata

Dispela man i krai long brata blong em i dai. Brata bilong en em i draiva bilong Meja Jenerel Wael al-rubaei, dairekta bilong Nesenel Sekyuriti Ministri operesens rum. Tupela wantaim i bin indai taim ol man nogut i sutim ol wantaim gan long moning taim ol i redi long go long wok insait long Baghdad siti long Irak long Mande. (AP Poto/Mohammed Uraibi)



Straik

Oi wok manmeri bilong tupela bikpela fektori bilong Coca-Cola long siti Los Anjeles i straik na singaut long gutpela pei na lukaut bilong helt bilong oi tu. Planti i tok kampani Coca-Cola i save baim bikpela mani long oi bikpela menesmen wok manmeri na i no save tingim ol liklik manmeri i save wok hat tru. (AP Poto/Ric Francis)



Wesan man

Tupela manmeri i sanap holim pas long sait bilong Dnipro wara klostu long wanpela stetyu ol i mekim long wesana tasol. Dispela stetyu em ol i mekim bihainim Katigoroshka, wanpela man i stap insait long planti ol stori tumbuna bilong kantri Ukraine. (AP Poto/Sergei Chuzavkov)



Susu i gat strong

Oi meri i givim susu long ol bebi bilong oi. Oi pikinini husat i save kisim susu long susu bilong ol mama bilong ol stret i save gat moa strong na lewa bilong ol i save strong moa long ol bebi i save dring susu long botol. Dispela em i kamaut long wanpela wok painimaut.

Pulim wara long helpim pipel

Long wiken i go pinis, wanpela bikpela opening i kamap long Waim ples insait long Jimi Veli long Westen Hailans Provins. Insait long dispela bikpela bus ples Anglican Helt Sevis (AHS) aninit long Komyuniti Helt Skim (CDS) i helpim ol pipel bilong Waim long pasim wara na pulim i go long helpim long kamapim gutpela sindaun bilong ol.

Brecht Mommen i raitim namel long Tsendiap (WHP) na Simbai (Madang provins). Jimi em i wanpela ples we i stap insait long bus ples tru.

Em i sindaun samting olsem 1900 mita antap long mak bilong solwara. Waim i no save kisim wanpela gavman sevis.

Ol i save wokabaut i go long Tsendiap o Simbai long kisim helt sevis, praimeru edukesen o ol arapela gavman sevis.

Dispela wokabaut bilong ol i save inapim 5-pela aua. I gat wanpela et pos i sanap

tasol em pas inap long planti ya i go pinis.

I gat planti graun i stap, tasol sait bilong ol i antap tumas na em i hat long mekim gaden long en.

Kaikai bilong ol pipel em kaukau, taro, pamkin na ol kain kain kumu. Abus em ol i save lukim wan wan taim tasol. Sik malnutrisen em i bikpela hevi bilong ol pipel na planti long ol i no klia long

lukautim gut bodi bilong ol.

Waim i nogat wanpela wara saplai na ol manmeri i save wokabaut moa long 30 minit samting long kisim wara bilong dring, was was na kuk.

Wara saplai projek

AHS i bin kamapim wanpela projek we ol komyuniti lida bilong Waim yet na AHS i mekim long strongim

helt bilong ol pipel long givim ol wanpela wara saplai.

Dispela projek em i wanpela komyuniti projek na ol pipel yet i go pas long en. Ol i givim liklik mani na ol i hat wok long kamapim dispela projek. Ol i wokabaut karim wesana olgeta arapela samting long Simbai i go olgeta long Waim. Ol pipel yet i dikim ol hul bilong paip bilong pulim wara na mani i kam long Komyuniti Dvelopmen Skim.

kisim rening taim ol i helpim long sanapim dispela wara saplai. Ol i kisim save na dispela i ken helpim ol long sanapim wankain ol projek long ol ples bilong ol.

Ol komyuniti lida biong Waim tu i kisim skul long stretim bek ol paip sapos ol i bruk, stretim bek tang na stretim ol wara tep. Komyuniti bai kamapim wanpela wara takis i we ol lain i yusim bai i mas baim. Ol i no kamapim mani mak yet tasol em bai stat long mak bilong K1 samting.

Dispela projek em i namba wan projek olsem insait long kantri. Mi yet mi no harim long dispela kain projek i kamap long ol arapela bik bus ples we i nogat rot o ples balus. Dispela projek i sut long kirapim ol komyuniti long helpim long kamapim ol yet.

Mi bilip dispela skim i ken soim ol arapela liklik ples olsem ol i ken mekim wankain samting long kamapim gutpela sindaun insait long ples bilong ol.

Pulim Wara

Ol i pulim wara long ol maunten i kam daun bihainim anpela paip, longpela bilong em i 2500 mita. Antap long ples ol i sanapim wanpela simen tang wara long bungim wara long taim bilong drai. Wan wan wara tap i stap long skelim wara saplai i go long wan wan hauslain.

Kisim Trening

Sampela sumatin bilong Simbai Vokesenel Skul i bin



DIPATMEN BILONG EDUKESEN STAF DVELOPMEN YUNIT

Date: Mei 23, 2005
File: SD-5-1

TOKAUT LONG LAIK BILONG OL TISA KWALIFIKESAN APGREDDING PROGRAM (PGDE NA DIPLOMA LONG WOK TISA) LONG 2005

Tokaut long Laik i mas i kam long ol Provisinall Rejistet Tisa i wok olsem tisa insait long Nesenel Edukesen Sistem (NES) long kisim luksave bilong Posgreduet Diploma long Edukesen (PGDE) na Diploma long Wok Tisa aninit long Tisa Kwalfikesen Apgrading program long 2005.

Ol dispela toksave i mas i gat bekim bilong wan wan apliken husat i gat laik long dispela program:

1. Olgeta nem bilong yu (olsem i stap long ol setifiket):
2. Man o Meri: M/F.....
3. De Mama Karim yu:
4. Fail Namba:
5. Skul:
6. Distrik (we skul i stap):
7. Provins:
8. Pos Opis Bokis Namba bilong Skul:
9. Skul Telepon Namba: Feks Namba:
10. Ples Balus i stap klostu long skul:
11. Nem bilong Balus:
12. Rot bilong ron long en (i go long ples balus) na pe bilong wan wei.....
13. Mak bilong skul yu kisim:
14. Hamas Krismas yu wok olsem tisa:
15. Tisa Posisen Namba bilong yu nau:
16. Ol Gred Yu Tisa long en nau:
17. Ol Skul Sabjek yu Tisa long en nau:
18. Tok Orait na Siknesa bilong:
 - a) Institusen/Hetman bilong Skul: Nem: Siknesa: Det:
 - b) Rispektiv Inspekta: Nem: Siknesa: Det:
 - c) AS/PEA (PEB): Nem: Siknesa: Det:

TINGIM:

1. NOGAT APLIKESAN BAI KISIM LUKSAVE SAPOS I NOGAT TOK ORAIT LONG OL LAIN ANTAP.
2. SAPOS YU WANPELA TISA I KISIM TRENING, NOKEN APLAI LONG DISPELA PROGRAM
3. SAPOS YU WANPELA KESUEL O ENSILARI WOKMANMERI, NOKEN APLAI LONG DISPELA PROGRAM

Pasim wantaim ol pepa i soim mak bilong skul, ol skul trenskrip, Provisinel Rejistresen Setifiket wantaim ol inspeksen ripot na ol arapela sapoting pepa wantaim laik bilong yu long dispela program.

Olgeta Aplikesen i mas go long Superintendent Staff Development Unit, Department of Education, P. O. Box 446, Waigani, NCD. Olgeta aplikesen i mas kamap long Staf Dvelopmen Yunit bipo long 5 kilok Fraide namba 15, de bilong mun Julai, 2005.

BIKPELA TOKSAVE: OLGETA APLIKESAN I MAS KAM LONG POSTEL MEIL TASOL. NOKEN SALIM OL APLIKESAN I KAM LONG FEKS LONG WANEM PLANTI TAIM OL FEKS KOPI I NO SAVE KLIA TUMAS.

Long kisim moa toksave ringim Superintendent SDU o Misis Shirley Maniot long telepon 301 3383

DOKTA JOSEPH PAGELIO
Ekting Seketeri bilong Edukesen



• Dem wara i wok long wok i stap.



• Tang i sindaun antap long maunten bilong sevim ol pipel bilong Waim.



• Tupela man i wok long banisim wara antap long maunten.

VERONICA HATUTASI i stori long wok bilong PNG Spot Komisen long helpim ol disebel lain long Cheshire Home long Pot Mosbi long kamapim ol kain pilai we i ken helpim bodi bilong ol.

Nupela spot progrem helpim disebel pikinini

OL pikinini long Cheshire Homes long Pot Mosbi husat i gat bagarap long bodi bilong ol i gat sans nau long lainim sampela pilai na amamas wantaim.

Em ol lain pikinini i gat bikpela bagarap tru long bodi bilong ol (severely disabled).

Dispela i kamap wantaim helpim bilong Nesanel Spots Komisen na aninit long wanpela progrem long helpim ol disebel pikinini ol i kolim long "Inclusive Sports".

Dispela spesel progrem i bin stat long las mun na bai i ron insait long 6-pela mun. Progrem i save kamap long olgeta Fraide morning na i stat long 9.30 na pinis long 11 kilok morning.

Tupela opisa bilong Nesanel Spots Komisen i save go skulim ol disebel pikinini, moa yet ol dispela i gat bikpela bagarap long bodi bilong ol, long ol spesel spot o pilai we i ken helpim ol i strongim ol long yusim rop long han na lek bilong ol na tu, givim ol sans long pilai na amamas. Na dispela i hap long Fisiskel Edukesen skul bilong ol.

Sophie Tuna husat i go pas long disebel spots wantaim Nesanel Spot Komisen i tok Cheshire Hom i bin askim Komisen sapos em i ken givim sampela kain helpim long ol pikinini wantaim bikpela hevi long ol bodi bilong ol long sait bilong spots na bikos ol (Komisin) i bin traim wankain program long ol provins we i gat ol disebel pikinini tu na i wok gut, ol bai traim long Cheshire Hom long 6-pela mun i kam.

"Cheshire Homes Spesel Skul i kam aninit long Edukesen Dipatmen na mipela i redi long helpim ol dispela disebel pikinini, moa yet, ol dispela i gat bikpela bagarap long kisim strong na amamas tu," Tuna i tok.

Em i tok ol i skulim ol pikinini ol spesel spot na i no ol pilai we ol nomol pikinini i save pilaim.

"Mipela i skulim ol "Boccia" na dispela em kain volibal ol i pilaim taim ol i sindaun. Na em i gutpela long ol disebel pikinini we i no inap long sanap tasol ol i sindaun long ol wilsia na pilai. Pilai ya i gat ol liklik rul bilong em yet we ol i mekim o senisim long inapim kain situesen bilong ol disebel pikinini," Tuna i tok.

Taim *Wantok niuspepa* i go long Cheshire Homes las Fraide, ol pikinini i wok long amamams tru long



• Paul Rakop, 9, bilong Mt Hagen, Westen Hailans provins i gat bagarap long planti hap bodi bilong em.



• Lukim ol pes i amamas long pilai. Maski ol disebel pikinini long Cheshire Home i gat ol bikpela bagarap long bodi ol i amamas long kain ol pilai we i helpim na strongim bodi bilong ol. Tasol ol i nidim sampela samting moa long helpim ol long kamapim ol pilai na strongim bodi bilong ol.



• Sophie Tuna na Julian Tuscano bilong Disebel seksen long PNG Spot Komisen i lainim ol disebel pikinini husat i gat bagarap long bodi bilong ol long pilai volibol. Hia ol manki i sindaun na pilai.

pilaim dispela gem i stap. Tuna na narapela wan wok bilong em long Disebel Spot seksen em Julian Tuscano husat i wanpela voluntia bilong Australia Yut Ambaseda Program wantaim helpim bilong ol tisa bilong Hom i wok long skulim ol pikinini long kainkain pilai na pilaim.

Narapela pilai we ol i skulim ol long dispela progrem em "Ten pin Bowling".

Tuna i tok pilai progrem long Hom i wok long go gut na em i amamas long lukim olsem ol pikinini i laikim tru dispela pilai.

"Dispela progrem i wok g go gut. Em i helpim ol pikinini wantaim bikpela hevi long han, ai na ol narapela hap bilong bodi long muvim ol masel na lainim long pilai na tu, muvim ai bilong ol. Sampela we i

save stap isi tasol na i no mekim nois i wok long amamas nau long stap insait long dispela pilai progrem. Dispela em ol pikinini i gat bikpela hevi tru na ol i no inap long kisim skul pilai olsem ol narapela pikinini," Tuna husat i go pas long disebel spot i tok.

Narapela ol pilai em ol i save pilai long ol em bin beg taget, balun aps na siting volibol.

30-pela pikinini long Cheshire Hom wantaim ol bikpela bagarap long bodi bilong ol i stap aninit long dispela spesel spot progrem.

Tuna i tok ol bin holim wanpela woksop long dispela progrem na nau, ol i karimaut long ol Spesel Skul bilong ol disebel pikinini insait long kantri olsem Sen John Ambulens bilong ol Aipas, Maun Zion na ol arapela hap. Tasol long painim na gat

samting long helpim dispela ol lain em i no isi olsem Tuna i lukim.

Sampela samting ol i mas i gat long ronim dispela progrem i no stap. Ol i nogat mani long baim inap samting long helpim dispela ol lain. Mani ol i laikim long em em K2500 we dispela i ken helpim long baim olgeta samting ol i laikim long en.

Ol i askim ol bisnis haus na ol arapela lain husat inap helpim ol wantaim dispela mani long baim ol samting ol i laikim long helpim ol manki long Cheshire Hom.

Planti taim ol bisnis haus i save laik long sponsorim ol pilai we ol bai kisim bek helpim ol i givim tasol nau em i sans we ol i ken givim helpim we ol turangau lain i nogat wei long givim bek helpim ol i givim.

Em i taim bilong sori wok na olsem husat bisnis haus i laik helpim i ken helpim nau.

Long toksave ol i ken ringim Tuna long PNG Spot Komisen long telepon namba 325 1991 o long faks 325 9226 o long email pngsc@online.net.pg.



• Em nau! Em i taim bilong pilai na amamas. Ol foto: ANDREW MOLEN

Kopirait na Nebaring Raits i no lukautim Pasin Kastom na Propeti

LAS WIK mipela i glasim liklik wok i kamap stat long indipendens long banisim ol petens o rait bilong kamapim nupela samting, ol disain na ol arapela wok we i kamap hia yet long han bilong ol PNG atis na musik manmeri, na mipela i bin lukluk long ol samting i kamap insait long 5-pela yia i go pinis long strongim ol dispela samting taim em i kamapim lo long Kopirait na Inteleksuel Propeti Raits na sanapim ol sistem we i ken was na lukautim ol dispela lo.

Mipela i paitim toktok tu long i nogat gutpela musik sosaiti long makim ol atis na papa bilong kopirait, na mipela i bin toktok tu long wok i kamap nau we wanpela PNG musik komposa o man i save raitim ol singsing i laik kamap wanpela grup ol i kolim Pot Mosbi Kopirait Onas Lobi (POMCOL).

Dispela man i save raitim singsing em Oala Moi bilong Sentrel Provins. Em i tok ol Kopirait Lo i no mekim wok bilong ol bihain long ol i kamap long mun Julai 2000 i kam inap nau na ol rekoding atis na song raita i wok long lusim bikpela mani we ol i mas kisim. Olsem na em i tok ol musik atis i mas sanapim wanpela grup aninit long APRA (Australia Pefoming Raits Asosiesen) we wok bilong ol em long makim ol rekoding atis na musik manmeri.

Bihain long wanpela bikpela kibung long Kopirait na Nebaring Raits lo las wik, em i kamap klia olsem PNG i no bin tingting gut taim em i kamap dispela Ekt long wanem em i laik stretim sindaun bilong em wantaim Wol Tred Ogenaisesen (WTO) na long kamap memba bilong dispela ogenaisesen.

Eksekutiv Dairekta bilong Nesenek Kalsarel Komisn (NCC) Dokta Jacob Simet i sutim bel bilong ol lain manmeri long dispela kibung taim em i tok olsem dispela lo bilong Inteleksuel Propetis Ekt na Kopirait na Nebaring Raits Ekt i bagarap na i gat strong long banisim ol samting bilong tete olsem ol buk, musik, filim na ol pefoming ats, tasol em i no karamapim na givim banis long ol samting bilong pasin tumbuna na kalsa.

"Dispela Kopirait na Nebaring Raits Ekt 2000 we i stap nau i no inap long lukautim kalsa na ol risos bilong ol as ples manmeri we nau mipela i kolim Tredisinel Nolis na Ekpresen ov Kalsa," Dokta Simet i tok. "Long stat bilong kamapim dispela Kopirait na Nebaring Raits Lo olsem wanpela lo bilong banisim tumbuna save, tasol nau i klia olsem i nogat strong long mekim dispela."

Dokta Simet i tok sampela long bikpela as tingting bilong kopirait na nearing raits bai i no inap long karamapim olgeta samting aninit long tumbuna save na pasin.

"Dispela em bikos tumbuna save na pasin i gat ol samting we i hat long kam aninit long Kopirait na Nebaring Raits lo," Dokta Simet i tokim kibung long Institut bilong Pablik Etnimistresen long Waigani hia long Mosbi.

"Antap long dispela hat wok long putim i go aninit long kopirait, i gat moa bikpela hevi long bagarapim



ol tumbuna pasin, kalsa na save aninit long dispela lo."

Rejistra bilong Opis bilong Inteleksuel Propetis, Gai Araga, i wanbel wantaim dispela toktok olsem TRIPS agrimen (we mipela i glasim las wik) bilong Wol Tred Ogenaisesen i tokim PNG long kamapim bihainim aninit long lo, tasol wantaim banis aninit long TRIPS (Tred Riletet Aspek ov Inteleksuel Propeti Rait) Agrimen.

Bikos PNG i stap aninit long WTO na WIPO (Wol Inteleksuel Propeti Ogenaisesen) kantri i mas sanapim ol isi na strongpela hap wok long Kopirait.

"Strongim bilong IPR (Inteleksuel Propeti Raits) em i wanpela bikpela wok tru wok i go hat nau long luksave long ol bikpela ejensi na opis bilong gavman wantaim IPOPNG, Intenel Revenu Komisn, Atoni Jenerel, Polis na Jastis dipatmen wantaim ol kain kain wok bilong IPR," Mista Araga i tok.

IRC i glasim na rivium pinis ol senis long Kastoms Ekt we nau i ken karamapim ol provisen bilong Boda Kontrol Mesa bihainim WTO na TRIPS Agrimen na dispela i go long NEC long kisim tok orait pastaim long Palamen i kamapim olsem lo. Bihain long em i kamap em bai kamapim ol strongpela banis egensim ol giman samting olsem musik, filim na ol arapela samting.

Dokta Simet i tok long sait bilong ol westen kantri, onasip o papa bilong wanpela samting i makim kopirait we wanpela man o meri i gat rait long wanem samting maski em i ken muvim, em i no inap long muvim, maski i gat laip o i nogat laip.

"Dispela em i as tingting we propeti em i samting we i stap long han bilong man o meri i papa long en na em i ken tok long wanem kain rot em bai yusim dispela samting," Dokta Simet i tok. "Tasol long sait bilong ol samting bilong ol as ples manmeri, maski em samting yu ken lukim, dispela nem propeti i no wankain."

Em i tok long planti hap insait long PNG ol samting olsem kanu, graun, ol haus tumbuna o ol arapela kain samting i gat ol tewel na tumbuna bilip bilong ol pipel i stap insait long ol.

"Wankain olsem ol samting yu ken holim olsem ol danis, musik na ol atis disain we i gat ol samting olsem pasin kalsa i stap long as bilong en na sapos ol man i no yusim gut ol dispela samting, ol bai painim bagarap," Dokta Simet i tok.

Ol eria bilong onasip long propeti, raitim samting, de bilong kamap bilong ol tumbuna samting i mekim hat tru long putim kopirait long en na nogat wanpela man i papa long ol dispela tumbuna samting. Planti taim ol lain i kamapim ol dispela tumbuna samting em mipel i no save long ol.

"Long mipela hia long PNG, husat i kamapim o mekim i no bikpela samting. Bikpela samting em dispela save we i kamapim ol dispela tumbuna samting we mipela i holim, na mipela i mas lukautim na karim i go long bihain taim," em i tok. "Aninit long Kopirait lo bilong nau, planti long ol tumbuna kalsarel samting bai i no inap kisim kopirait banis."

Maski Kopirait na Nebaring Raits lo i luksave long onasip bilong ol wok na propeti samting tude, bikpela lukluk bilong em i sut long wan wan manmeri olsem papa bilong samting.

"Mipela i save olsem ol pasin tumbuna bilong papa long samting i no save sut long wan wan manmeri, tasol em i save sut long bikpela grup manmeri olsem pisin o ol arapela grup i lukautim."

Long taim bipo i kam inap nau, mipela i kamap ol was papa tasol bilong ol dispela samting. Na olsem ol was papa, mipela mas kisim, lukautim na yusim na mipela i mas givim i go aut long ol memba bilong ol grup na pisin bilong

mipela long bihain taim.

Long sait bilong Gai Araga, i luk olsem Dokta Simet i kirapim wanpela bikpela asua long lo na mi blip em i no leit tumas long lukluk gen long lo na traim long senisim bihainim toktok bilong Rejistra bilong Opis bilong Inteleksuel Propetis aninit long Kopirait na Nebaring Raits Ekt 2000, we wanpela hap wok, taim em i kamap i mas kisim banis aninit long long lo.

"Mipela i statim wok long sanapim wanpela sistem bilong ol kopirait wok aninit long 2005 wok program we bai i lukim sanap bilong ol institusenel infrastraksa na samting bilong IPR etministresen na strongim ol presidia long helpim ol kopirait onas na ol lain i save yusim bai ol i klia long ol dispela rait."

Opis i makim pinis wanpela Kopirait Opisa husat i wok long kamapim ol dispela senis na sistem long wok wantaim ol onas raits na atoriti long sanapim wanpela sosaiti long strongim ol rait bilong ol. Em bai ol i was long dispela wok i kamap, paitim toktok wan-

taim ol lain husat bai yusim, givim ol laisens long mak bilong ol fi na aninit long opis bilong ol yet, kisim ol fi na tilim long ol papa bilong ol kopirait.

"Pablik i mas putim ol kopirait notis antap long ol wok ol i kamapim ol yet long givim tok lukaut long husat manmeri i laik yusim. Ol dispela toksave em dispela mak bilong kopirait 'a', o dispela toktok 'Copyright' o sotim bilong dispela toktok 'Copr', namba wan yia dispela wok i kamap na nem bilong papa bilong kopirait.

Kopi bilong dispela ekt i op long pablik na husat manmeri i laikim i ken peim K60 tasol na kisim long Invesmen Promosen Atoriti bilong PNG.

Yu ken ritim ol stori bilong PNG musikman/meri long What's On with Raitman insait long Post Courier tasol, Trinde, olgeta wik.



Em i bik sot nau...DadiiGii i kirapim skin bilong ol manmeri wantaim singsing 'Mi no bik sot yet'. Foto: NICKY BERNARD

DadiiGii lonsim 'Days Of Ma Life'

NUPELA yangpela musik man bilong PNG, Armstrong Gomara o DadiiGii i bin lonsim namba wan albam bilong em 'Days of Ma Life' las wiken long Pot Mosbi.

Planti manmeri husat i save indai kirap long musik bilong em i bin brum i go long Sports Inn long Mosbi siti long lukim em i pilai laip.

Yumi FM i bin go pas long dispela lonsing so bilong DadiiGii na tupela bikpela nek bilong Yumi FM yet, Kasti na Kandaman i bin stap long tromoi liklik pani bilong ol.

Ol Kanakas bilong Erima i bin stap long opim rot bilong lonsing nait na ol manmeri i bin amamas tru.



Tok pilai wantaim Kanage olgeta wik!!

Ol tru tru poro o wantok bilong gutpela raitman Kanage i laikim tru sapos yupela i ken salim sampela tokpilai bilong yupela i kam na mipela putim long tok pilai kona bilong Kanage. Salim i kam long TOK PILAI KANAGE P.O. Box 1982, Boroko, NCD o kam long opis klostu long BSP Waigani klostu long Mondo Sekanhan klos stua. Mipela stap long las opis. Sopotim raitman bilong yumi, Kanage!!

Kanage em bilong Siassi Ailan na em stap long Gems viles.

Em go long Waigani maket na ol manki Morata lukim em na tok Sia, yu laik tromoi murmur go het.

Tasol em tok "nogat ol Mobs stap orait Sia/Heritage bai bagarapim Mosbi na solwara tu bai buruk narapela kain, nogut bai ol Mosbi pangar karai na het long go Sia stap longwe.

**P.T. ALU
POT MOSBI
NCD**

Kanage em wanpela lapun man long liklik ples KP long Gabadi. Wanpela taim em laik go waswas long bikpela wara.

Baga man kamap long arere long wara na wok long rausim trausis i stap bikos em i nogat trausis so em laik waswas as nating.

Hap wea baga i sanap em wanpela kona stret.

Na em i no save olsem sampela meri wok long trip i kam daun long wara.

Taim trausis i kam daun hapwei na em i sanap as nating, em i lukim ol meri tanim kona stret.

Kanage hariap stret pulim trausis nau tasol trausis i pas long lek bilong em.

Wokim i go nogat na Kanage daiv go insait long wara tasol em singaut olsem, "Houuu, naispela kol wara".

Em ting olsem ol meri i no lukim em tasol

tu leit ol lukim pinis na giaman luktur i go long narapela sait.

**TESCO BOY
KP, GABADI
SENTREL PROVINS**

Kanage em bilong Hagen na em wanpela fit man bilong pilai soka. Long Sande em i kisim tim bilong wantaim i go pilai long Baisu. Kanage i givim toksave long tim bilong em olsem,

"Nau em Sarere orait tumoro bai yumi fera firai soka. Orosem na yumi mas fraktisim hariap nogut yumi fera ret. Koan yumi go het yet." Sande nau Kanage i tok "bai yumi ko firai nau."

Ol i stretim tim pinis na baga nogut Kanage ya em golkipa. Taim Kanage kikim bal, bai i save flai antap tru.

Ol sapota bilong Kanage i no isi long lap. Taim bai i kam klostu long Kanage, em i save mekim stail wantaim pilai olsem na tupela meri i wok long singautim em.

"Hei Kanage san i hot. Yu lusim pilai, na yumi go." Kanage i harim dispela em kisim narapela kain filings stret.

Pilai i no pinis yet, Kanage i lus long gotmak na go pinis bihainim lekma bilong tupela meri i go long bus painim paiawut.

**KORAPE WIYOSEN
KAINANTU
ISTEN HAILENS PROVINS**

Kanage em wanpela stail boiros bilong not kos long Manus.

Long Krismas nait ol lain bilong ailan bilong em long Sapoi i go pas long lotu.

Kanage em i spak pinis long wanpela hap na bihainim biklain i go long lotu na sanap ausait long haus lotu.

Em nau taim bilong bringim ofa na ol mangi na meri i danis wantaim ofa i go long alta.

Kanage i sanap ausait na em lukim kasen sista i danis long franlain stret na Kanage i kirap tasol ron i go na sanap long baksait bilong lain.

Taim Kanage i laik kamautim olgeta stail bilong em, olgeta manmeri long haus lotu i no wanbel liklik long wanem trausis tu i pun-daun. Tasol husat bai i tok nogat, Kanage i win pinis.

**JEU HEIYO
SAPOI JAPAI
MANUS PROVINS**

Kanage i bilong UK, ples bilong Helgas ben long Gabadi na em wanpela spak man stret. Wanpela taim em i bin go spak long klab 15 arere long bik rot.

Em i dring i go apinun na em wokabaut go bek long ples. Em kaikai pinis na go slip.

Long biknait liklik bebi bilong em i kraik long susu na meri bilong em kirap na givim susu long bebi.

Meri wok long givim susu long bebi i stap, man nogut wok long wok long pilai pilai long

meri bilong em. Nau meri kros na singaut na tokim Kanage "yu wet mi givim susu long bebi."

Nau Kanage tokim meri olsem, em inap, tingim bebi tasol na lus ting long mi."

Trangu meri kirap na ronim Kanage wantaim naip go outsait na pasim dua. Kanage kisim taim outsait i go inap tulait.

**GEVE BAIT
KANAGE FAN
NCD**

KANAGE em mangi Pomio na em i save stap long Kimbe.

Em wanpela musik pes olsem na wanpela taim em singautim ol bois bilong em na ol i wokim demo aninit long haus bilong em. Taim ol pairapim musik, planti ol man i kam sanap na lukluk i stap.

Kanage na ol mangi bilong em i kisim bikpela filings na mekim save i stap. I no long taim tupela mangi kawas i kam klostu long Kanage na tokim Kanage olsem "mipera ol ro puka mipela i no save raikim demo drams, mipela i save raikim raip drams. Dispera demo drams em birong ol ro kerikeri ya." Man, Kanage em smail tasol long tupela na tokim ol stret olsem tupela i jeles na inap ol i go pinis, nogut tupela i kisim bikpela pen long hia.

**MELLIE PETER
KIMBE
WES NU BRITEN PROVINS**



**Raun wantaim
KANAGE**

Kam na tok pilai wantaim mi, rait man!



KANAGE EM MAN BILONG PRET LONG NAIT... KENDOL MAS LAIT NA STAP KLOSTU LONG EM TAIM EM SILIP...



OL I KIRAP NOGUT LONG WANPELA LIKLIK RAT I BIHAINIM KANAGE NA KAMKIT...



KANAGE EM LUKIM SEDO BILONG WANPELA SAMTING I MIUV NA TRAIPELA TRU LONG KIOL... LEWA BILONG KANAGE I KALAP NA PRET NOGUT TRU...

AIYOOMAMA! EM WANEM SAMTING YAH!



WANTU KANAGE EM RANIKAM AUSAIT LONG RUM...

AAAH!! MI LUKIM SEDO BILONG TRAIPELA MASALAI!!



OL I KIRAP NOGUT LONG WANPELA LIKLIK RAT I BIHAINIM KANAGE NA KAMKIT...

YU ORAIT, OZ! YU LUKIM SEDO BILONG RAT, YA!

TASOL EM TRAIPELA TURU YAH!!



Laikim Penpren


- List of names and addresses for 'Laikim Penpren' including Gabriel Yameko, Wanpis Sondowe, Christa Kaus, Christianus Venus Epmou, Imelda Kambara, Ruth, John Fikas, Billy K Timbon, and Giff Ivan.



STORI TUMBUNA

BIPO tru, i gat wanpela meri wantaim tupela pikinini bilong em na ol i stap long wanpela ples. Dispela ples i no longwe long Goroka. Wanpela em pikinini meri na wanpela i man. Tupela liklik tru. Ol birua i bin kilim papa bilong ol na ol tasol i stap. I nogat papa long lukautim ol. I nogat man tu long wokim gaden na tu helpim ol. Nogat tru. Ol i gat liklik kaikai na tu nogat samting long karamapim skin bilong ol, samting olsem laplap na snot. Em na ol i kamap rabis olgeta. Wanpela taim ol trangu i nogat samting long kaikai long dispela de. Na mama i wari nogut tru. Wanem samting tru, ol liklik bilong em bai kaikai? Em i tingting i go nau na i tokim ol pikinini long i stap na em wanpela bai i go painim kaikai. Tupela i stap nau na em i go long bikbus. Tasol long dispela hap i gat ol traipela man bilong bikbus ol i save kaikaim ol pipel. Planti taim long bipo ol i bin kilim na kaikai sampela pipel. Em nau olgeta man-meri bilong dispela hap i pret olgeta na i no save raun wan wan long dispela hap. Mama ya i soim wanpela diwai banana i sanap klostu long haus bilong ol. Em i tok: "ples ya, tru i gat birua, tasol i nogat kaikai tru na mi laik i go ya nau". Em i tok olsem pinis nau i kirap na sori wantaim i go long ples bilong painim kaikai. Dispela ples i longwe moa moa yet tasol em i no pret, em i go tasol. Em i tingting long painim pis pastaim long painim kumu wantaim sampela kaikai. Em i bihainim wanpela wara i go antap long het. I no long taim em i bungim wanpela lapun man. Dispela man i wok long sindaun long as diwai na wok long sapim tamiok ston bilong em i stap. Meri i tingting planti na em i wari. Nogut man ya i kilim em. Lapun em i hangre nogut tru na sindaun i stap. Olsem taim meri i kamap em i askim meri yah, "Eh

Pei bek i kamap olsem wanem



meri, yu i gat sampela kaikai? Mi hangre nogut tru." Lapun meri i givim sampela pis nau long en. Hangre man ya kwiktaim tasol daunim olgeta na askim long sampela moa. I no longtaim, olgeta pis bilong meri i pinis. Man ya i kaikaim olgeta. "Yu laik i go olsem wanem nau?", em i askim meri. "Yu laik bihainim mi o yu laik mi bihainim yu?" Lapun meri i pret na i tingting planti. Bihain liklik em i tok em bai bihainim dispela man. I no longtaim, tupela i painim narakain yam long gaden. Em i tokim meri: "Dispela em narapela kain yam, tasol yu nogat kaikai olsem na yu mas digim." Tasol em i tokim, "Yu mas lukaut gut long i no ken tru brukim yam long namel. Sapos olsem i nogut long yu nau." Meri i stat long digim i go daun. Man i holim tamiok bilong em na em i was gut tru i stap. Trangu meri i traim hat tru na digim gut i go daun. Tasol yam i gro i go insait tru na i hat moa yet long em i digim. Daunbilo tru ya, yam i luk olsem pinis. Em nau meri i mekim nais nau asua bilong em, ya i bruk. Man, lapun man i belhat nogut tru na tok: "kamon digim aut olgeta hap bilong yam". Kwiktaim taim tasol man i kirap katim lek bilong meri ya na trangu i dai. Na em tu i pret na hariap tasol planim em nau lusim gaden na ranawe i go pinis olgeta. Em i no moa stap hia. Nau ol pikinini bilong dispela tapun meri i kam painim em. Ol i panim bodi bilong mama bilong ol na karim i go bek long ples. Long dispela de pikinini man i bikpela na laik pei bek long dai bilong mama bilong em. Em i save wanem ol ples lain i kilim mama bilong em. Em i kisim bunara na supsupbilong em na go long dispela ples na kilim olgeta long hap taim ol i silip yet na kukim ples. Long tude birua bilong man na pei bek i stap yet.

Ol pren bilong tok pilai long mi

Laiplain
Mi no save stap amamas bikos ol wanwok na ol hostel pren i save tok pilai long mi long pasin na bilip bilong mi. Ol i save mekim nabaut long mi taim mi les long dringim bia na ol narapela strongpela dring wantaim ol long apinun. Bikos mi save stap long mi yet, mi save wari na mi no save pilim gutpela. Mi gat gutpela wok na mi kisim gutpela pei. Tasol dispela hevi i mekim na mi laik risain. Bai mi mekim wanem?

wantaim ol. Mi no klia gut long wane mol narapela Kristen pasin e mol i save mekim fani na tok pilai long en. Pasin bilong wanpela Kristen bai i mas stap olsem wanem? Long Matyu 25:31-46, Jisas i autim wanpela stori long sasi9m natign narapela. Long dispela hap, Jisas i tok-tok long pasin e mol disaipel bilong em i mas bihainim. Ol i

mas givim kaikai long ol hang-er pipel, tok welkam long wanpela nupela pes i kam insait long haus, givim laplap long ol lain i as nating, lukautim ol lain i sik na go lukim ol lain i stap long haus kalabus. Long narapela taim, Jisas i tok, "Sapos yu laikim wanpela na narapela, bai olgeta inap save olsem yupela e mol disaipel bilong mi." Pasin bilong ol Kristen man-meri i mas tokaut stret long ol gutpela samting mipela mipela i save mekim na ol samting nogut em mipela i no save mekim. Ol wanwok na hostel pren bilong yu i painimaut olsem yu save laikim na i no save bisi long ol tu o nogat? Yu save tiangim na traim long helpim ol o nogat? O ating yu save tokim ol na

soim long pasin bilong yu olsem wanem samting ol i mekim i no stret. Yesu em i tru. Long sampela taim, wanpela Kristen bai tok nogat long bihainim na mekim wanem samting e mol narapela i mekim. Efesien 5: 18 i tok olsem, "No ken dring spak wantaim wain bikos em bai bagarapim yu tasol." Planti Kristen i save bilip olsem pasin bilong sindaun long gutpela bel isi na bung long dring i no rong. Tasol long kantri we planti pipel i save tingtign long dringim strongpela dring na bia long spak, i moa gutpela long yu i mast ok nogat long dring wantaim ol. Em nau, yu gat strong! Planti yangpela i save stap strong.

DISCOURAGR
Dia Pren,
Iluk olsem ol pren i tok pilai long yu bikos yu les long dring bia na ol strongpela dring



**DIWAI
BISNIS**

**Bisnis bilong Groim Diwai
insait long PNG
- Planim diwai long
ol renfores eria**

**Rot bilong groim sampela bikpela diwai
insait long PNG**

*Artocarpus heterophyllus
(Jakprut)*



Nem bilong em: Jackprut
Ples em i kam long en: Saut
Esia

Em wanem kain diwai:
Longpela bilong em i go inap
long 10 na 12 mita
Raunim namel bilong em inap
long 30 na 60 sentimita
Em i gat longpela strepela bun
bilong em na i save karim ol lik-
lik han diwai hariap. Prut i save
kamap long ol han diwai bilong
em.
Insait long 5-pela yia em i ken
groa i go inap 5 mita.

Ples we em i save groa: Em i
save groa long ples i save kisim
namel long 1100 na 2400 mm
ren. Em i save groa long ol ples
i sindaun long 1000 mita. Em i
ken strong long taim bilong drai.
Na em i save laikim graun i gat
planti wesana long en. Em i
nogat strong long stap long taim
bilong taitwara.

Strong bilong en: Em i save
groa hariap long kain kain ples.
Taim em i groa longpela em i
save mekim gutpela timba na i
no save haitim ol arapela diwai
groa kloslu. Na em i no save
karim hevi bilong sik o ol
binatang nogut.

Ol hevi bilong en: Bihain long 35
o 40 yia namba bilong prut em i
karim i save go daun. Bihain
long en ol hul i save kamap long
dawai.

Yu ken yusim long mekim dis-

pela wok: Prut i save kamap
bihain long tripela o 4-pela yia.
Ol prut i mas i stap sampela
mun long kamap gut. Na i save
karim namel long 8 na 12 prut
bihain long 5-pela yia. Ol yang-
pela prut yu ken kaikai olsem
kumu.
Yu ken yusim diwai bilong em
long mekim timba.

Rot bilong groim: Yu ken groim
long pikinini diwai. I mas i gat
spes inap long 8 mita namel
long ol diwai yu planim.

Rot bilong stretim ol sid: Yu no
inap holim ol sid long taim. Yu
mas planim taim em i pres yet.
Yu ken holim i stap insait long ol
plastik bek o insait long wesana
i nogat wara long en. Bihain long
1 mun em i save bagarap.

Menesmen: Yu mas katim ol.
Na yu mas senisim ples bilong
groim bihain long 20 na 30 yia
taim yu lukim namba bilong prut
i go daun olgeta.

Ol i save yusim dispela diwai
insait long planti banis gaden
sistem.

MCCARTHY & ASSOCIATES (FORESTRY) PTY. LTD.
National & International Forest Consultants
mccat@datoc.net.pg

"Long kisim tok stia long olgeta wok diwai"

Liklik pipel i gat benk

Andrew Molen i raitim

OL liklik manmeri husat i no
wok o i save kisim liklik moni
long salim maket kaikai o ol
narapela samting nau i gat ples
long putim moni bilong ol o kisim
helpim long statim liklik bisnis.

Bekim bilong ol i kamap las
wik Fraide taim PNG Maikro
Fainens i lonsim nupela benk
bilong ol long Koki long Pot
Mosbi.

Gavana bilong Benk ov PNG
Wilson Kamit husat i makim
Minista bilong Fainens na
Tresari Bart Philemon i lonsim
benk aninit long het tok "Helpim
yu long helpim yu yet". Benk i
pulim planti kastoma pinis insait
long 4-pela mun tasol bihain long
em i bin op.

Insait long dispela taim sam-
ting olsem 8 500 dpositit i kamap,
ol dinau inap olsem K400,000 na
ol manmeri i sevim inap long
K660,000 pinis.

Dispela benk i kamap wantaim
sapot bilong "PNG Sustainable
Development" na wok bilong em
long helpim ol lain long "infomel
selta" o ol lain husat i gat ol liklik
bisnis olsem salim ais blok, buai
na ol gaden kaikai o i gat liklik
stua.


"Mipela i traim long kamapim
ol lo bilong wok bilong benk we
bai i no inap givim hat taim long
ol manmeri," Siaman bilong
Benk Brown Bai i tok.

"Ol sevis mipela i givim long
hia em ol kain we bai inap long
helpim ol kastoma bilong
mipela," em i tok.

Em i tok ol i gat ol progrem
long helpim ol pipel long sevim
moni long baim skul fi bilong ol
pikinini na tu long helpim ol long
kamapim liklik bisnis.

"Mipela i gat we long givim
moni i go na i gat taim long givim
i kam bek," Mista Bai i tok.

Sief Eksekutiv Opisa bilong
PNG Sustainable Development,



**Em nau... Siaman bilong benk Brown Bai i sanap
wantaim Peter Alai husat i amamas na holim ol kain kain
sevings em i ken yusim long dispela benk.**

Foto: ANDREW MOLEN

Robert Igara i tok planti manmeri
i save karim ol kaikai bilong
gaden, pis mit na ol arapela
samting bilong ol i go long maket
long salim, maski em i ren o san
tasol ol i nogat gutpela hap long
putim liklik mani bilong ol na
bungim i go antap olsem na taim
ol i holim long han em i save
pinis hariap na ol i save painim
mani ken long mekim ol samting
ol i laik mekim.

"Yu go long ol bikpela benk bai
ol i askim yu long ID kad, i no
olgeta manmeri long PNG i gat
ID kad," Mista Igara i tok.

Em i tok Sustainable
Development husat i sapotim
dispela benk em wok bilong ol
long helpim na sapotim develop-
men we bai i lukluk long helpim
ol pipel.

"Bikpela tingting bilong yumi

nau em long stretim laip bilong ol
pipel bilong yumi long sevim
moni bai ol i ken i gat inap mani
long yusim," Mista Igara i tok.

"Yumi kam kisim sevis na yumi
i mas helpim wok bilong benk.


"Yu ken kam kisim dinau tasol
bekim hariap, noken wetim nara-
pela krismas, em bai bagarapim
wok," em i tok.

Membra bilong Mosbi Saut ilek-
toret Dame Carol Kidu i soim
sapot bilong em na gavman long
dispela benk na em i singsaut
long ol pipol long hap long ol i
mas yusim dispela benk long
sevim mani bilong ol.

"Yu ken kamap wanpela
bikpela bisnisman o meri na yu
ken stat long hia olsem wanpela
liklik bisnis man o meri," Dame
Kidu i tok.

Cat® 'C' Series Hydraulic Excavators

305C, 307C,
308C, 311C,
312C, 314C,
315C, 318C,
320C, 322C,
325C, 330C



*Caterpillar® 'C' Series Hydraulic Excavators incorporates innovations
for improved performance and versatility.*

- **Engines and Hydraulics** - Cat® engines combine with proven hydraulics to give consistently high power and control in the field.
- **Structures** - Rugged Caterpillar® undercarriage design and proven structural manufacturing techniques assure outstanding durability in the toughest applications.
- **Operator Stations** - Operator work stations are quiet with ergonomic control placement and convenient adjustments, low lever and pedal effort, ergonomic seat design and highly efficient ventilation.
- **Serviceability** - Longer service intervals and easier maintenance results in better machine availability and lower owning and operating costs.

Hastings Deering



PORT MORESBY
Phone: 300 8300
Fax: 325 0141

LAE
Phone: 472 2355
Fax: 472 1477

TABUBIL
Phone: 548 9045
Fax: 548 9155

RABAU
Phone: 982 1244
Fax: 982 1129



Radio Australia
Tok Pisin News

Radio Australia
101.9 FM Port Moresby

Tok Pisin Service
6am - 7am : 6080, 7240 (kHz)
7pm - 9pm : 5885, 6020, 6210, 12500 (kHz)

RADIO TOK PISIN PROGRAM
TUNE IN : 101.9 FM

Radio Australia Tok Pisin Program - stat long mun Mas 2005

MANDE Moring
6AM Stesen Op - Nius na Karen Afeas
6:30AM Ol Hettain - Musik na Chat
6:55AM Hettain na Musik
7AM Stesen Pas
Nait
7PM Stesen Op
7:01PM Ol Hettain na Program Priviu
7:15PM Spots
7:30PM Nius na Karen Afeas
8PM Helt
8:15PM Musik
8:30PM NUIS
8:40PM Spots Riplei
8:55PM Musik
9PM Stesen Pas

TUNDE Moring
6AM Stesen Op - Nius na Karen Afeas
6:30AM Nius Hettain - Musik na Chat
6:55AM Hettain na Musik
7AM Stesen Pas
Nait
7PM Stesen Op
7:01PM Ol Hettain na Program Priviu
7:15PM Musik na Chit-Chat
7:30PM Nius na Karen Afeas
8PM Mama Graun
8:15PM Musik/Spots
8:30PM NUIS
8:40PM Helt Riplei
8:55PM Musik
9PM Stesen Pas

TRINDE Moring
6AM Stesen Op - Nius na Karen Afeas
6:30AM Ol Hettain - Musik na Chat
6:55AM Hettain na Musik
7AM Stesen Pas
Nait
7PM Stesen Op
7:01PM Ol Hettain na Program Priviu
7:15PM Musik na Chit-Chat
7:30PM Nius na Karen Afeas
8PM Focus
8:15PM Musik/Spots
8:30PM NUIS
8:40PM Mama Graun Riplei
8:55PM Musik
9PM Stesen Pas

FONDE Moring
6AM Stesen Op - Nius na Karen Afeas
6:30AM Ol Hettain - Musik na Chat
6:55AM Hettain na Musik
7AM Stesen Pas
Nait
7PM Stesen Op
7:01PM Ol Hettain na Program Priviu
7:15PM Musik na Chit-Chat
7:30PM Nius na Karen Afeas
8PM Youth
8:15PM Musik/Spots
8:30PM NUIS
8:40PM Focus Riplei
8:55PM Musik
9PM Stesen Pas

FRAIDE Moring
6AM Stesen Op - Nius na Karen Afeas
6:30AM Ol Hettain - Musik na Chat
6:55AM Hettain na Musik
7AM Stesen Pas
Nait
7PM Stesen Op
7:01PM Ol Hettain na Program Priviu
7:15PM Musik na Chit-Chat
7:30PM Nius na Karen Afeas
8PM Wantok
8:15PM Musik
8:30PM NUIS
8:40PM Youth Riplei
8:55PM Musik
9PM Stesen Pas

SARERE Moring
Solwev i pas long san na long nait i save kamap 2 minit pastaim long wanwan aua. Bihain i gat musik na promo i go inap long olgeta aua na lusim FM siknel.
Nait
7PM Stesen Op
7:01PM Ol Hettain na Program Priviu
7:15PM Musik na Chit-Chat
7:30PM Nius / Wantok Riplei
8PM Serah (Famili bilong Serah)
8:15PM Musik
8:30PM NUIS
8:40PM Musik na Chit-Chat
8:55PM Musik
9PM Stesen Pas

SANDE Moring
Solwev i pas long san na long nait i save kamap 2 minit pastaim long wanwan aua. Bihain i gat musik na promo i go inap long olgeta aua na lusim FM siknel.
Nait
7PM Stesen Op
7:01PM Ol Hettain na Program Priviu
7:15PM Musik na Chit-Chat
7:30PM Nius / Serah Riplei
8PM Riviu
8:30PM NUIS
8:40PM Musik na Chit-Chat
8:55PM Musik
9PM Stesen Pas

TOKSAVE, YU KEN HARIM RADIO AUSTRALIA TOK INGLIS LONG 24 AUA 7 DE LONG WAN WIK.

PASIFIK NA WOL NIUS

New Zealand polisman i go bek long Bogenvil

HETMAN blong wanpela Nu Silan polis tim i go bek pinis long Bogenvil provins long Papua Niugini bihain long ol i bin pulim ol aut wanpela wik i go pinis long wanem sekyuriti ino bin gutpela.

Inspekta Bazz Bailey i bin wanpela long 5-pela opisa we ol i bin karim long batus i go long Mosbi bihainim ol ripot olsem sampela lain i bin tok lukaut long kilim ol polisman bilong narapela kantri.

Ileksen bilong makim wanpela otonomes gavman bilong Bogenvil, samting em i makim bikpela samting long histori bilong PNG, nau i go het long Bogenvil.

Dispela ileksen i wanpela hap long wok bilong painim gutpela sindaun long Bogenvil na pinisim ol pait em i bin kamap bihainim strongpela laik blong dispela ailan long bruk lusim PNG.

Inspekta Bailly i tok ol i bin tok orait long em i go bek bihain long ol toktok wantaim ol PNG na Bogenvil atoriti.

Indonesia inap kamap memba bilong MSG: Indon Ambeseda

AMBASEDA bilong Indonesia long Vanuatu i tok em bai stret tasol long Indonesia long kamap wanpela memba bilong Melanesian Spearhead Group.

Ambeseda Imron Cotan i tok i gat 12 milien Melanesen pipel i stap insait long Indonesia, moa long olgeta Melanesia pipel i stap insait long ol Melanesen kantri long Pasifik.

Ambaseda Imron Cotan, husat i save stap long Canberra, Australia, i bin mekim dispela toktok taim em i mekim wanpela lukluk raun long Vanuatu bilong strongim ol wokbung namel long tupela kantri.

Vanuatu em i namba 5 bikpela eksport market - kantri we Indonesia i save salim ol kako samting long en na Mista Cotan i tok i gat planti moa rot i stap bilong mekim dispela tred wok i bikpela moa namel long tupela kantri na i askim ol bisnis long lukluk gut long ol dispela rot.

Australia na Solomons polis i wari long man i gat strongpela gan

POLIS i wok long painim aut moa long wanpela trabel long Solomon Ailan long wiken, i tok ol i wari nogut man husat i bin wokim dispela trabel i mas holim wanpela gan.

Dispela trabel i bin kamap long Sarere taim Australian na Solomon Ailan polisi bin wokim wanpela patrol long Manakwai viles long not Malaita. Wanpela man em polis i laik painim i bin sut long ol memba bilong dispela patrol, na polis i bin sut bek long em inap long em i ronawe i go long bus.

Nogat man i bin kisim bagarap long dispela trabel.

Johnson Siapu, Asisten Komisina i lukautim Teritorial Operesen i no laik mekim wanpela toktok sapos dispela man i memba bilong wanpela grup em i kolim em long "Malaitan Separatist Group."

Tasol em i tok em i samting bilong wari long lukim olsem, dispela man i mas holim wanpela strongpela gan.

PASIFIK BEAT

PNG Lo Sosaiti i bruk long lo bilong husat tru i papa

OL memba bilong PNG Lo Sosaiti i bruk long proposel o toktok long fosim ol Lo kampani i operet insait long kantri olsem ol PNG lain bai papa long 60 pesen mak.

Lo Kaunsel bilong Australia i go insait long dibeit o ol toktok ol i tromoim i go na i kam long dispela samting na i salim pas i go long gavman bilong PNG na Australia na i tok dispela i no gutpela bikos planti ovasis lain i laik kam insait wokim bisnis long PNG bai givap long kam.

Man i askim : Sean Dorney
Man i bekim: Kerenga Kua, Presiden bilong PNG Lo Sosaiti na John North, Presiden bilong Lo Kaunsel bilong Australia.

Dorney: Presiden bilong PNG Lo Sosaiti i tok dispela i no nupela samtings. Long 1990, taim Sir Michael Somare i stap long Oposisen i bin toktok long Praivet Membras Bil long daunim mak long ol ovasis lo kampani i operet long PNG. Tasol ol i no win.

Dispela lo ol i laik kamapim nau bai tokaut wanem ol o kampani em ol PNG lain i papa long em na ol lo kampani bilong ol ausait lain i ken lukautim tasol ol kriminel keis.

Kua: Long skelim mining,

"Nesanel" lo kampani em dispela we ol PNG lain stret i papa long 60 pesen long en.

Dorney: Lo Kaunsel bilong Australia i tok strong olsem bai dispela i no gutpela na bai bagarapim nem bilong em. Presiden bilong Kaunsel John North i tok sampela bikpela lo kampani bilong Australia bai lusim kantri long wanem ol i les long salim 60 pesen i go long ol PNG toya.

Em i raitim pas i go long tupela gavman (Australia na PNG) na askim ol long glasim na skelim na givim gutpela tingting long dispela samting na noken senisim lo long husat i papa long ol lo kampani.

NORTH: Nogat, mi hop bai dispela i no kamap. Dispela i go egens long olgeta samting we Lo Kaunsel i wok long traim long mekim wantaim ol neiba bilong mipela long Esia na Pasifik.

Na dispela em long opim moa lo kampani long tupela rijen na i no long pasim ol.

Olsen na mipela i salim pas i go long gavman bilong PNG na askim ol long givim gutpela tingting long dispela lo.

DORNEY: Presiden bilong PNG Lo Sosaiti Kerenga Kua i tok Kausel i bin bung aste bilong toktok long ol PNG loya i ken papa long 60 pesen bilong ol lo kampani plen.

KUA: Mi no save wanem mak ol i laik lukluk bek long en tasol mi save olsem dispela samting i go long CACC o Sentrel Ejensi Konsaltativ Komiti we i monitaim olgeta gavman pepa bipo i go long Kabinet na Palamen. CACC i toke m bai kisim tingting bilong PNG Lo Sosaiti.

DORNEY: Wanem tingting nau bilong PNG Lo Sosaiti?

KUA: Em i intresting tasol long wankain tu, samting we i kamapim planti tok pait. Lo Sosaiti i gat ol ausait na PNG loya i wok na stap long PNG i memba long em. Dispela samting i putim ol long situesen we i ken go nogut, tasol wokim long gutpela as tingting. Na Kaunsel i stap nau lon hatpela situesen - long traim harim tupela sait wantaim na traim lonf wokim wanem samting i gutpela long tupela sait wantaim.

Na wanem posisen Kaunsel bai kisim em mi no save yet.

Mi kam bek long Kaunsel mitng 20 minit i go pinis. Mipela i wanbel long makim wanpela komiti we wanpela PNG i gat gutpela luksave bai go pas long em. Na ol lo kampani we ol ausait lain i papa long em na ol asples lain i papa long ol bai kamap memba. Na mipela i redim pinis ol kwesten long kamapim ol Tems ov Referens o stia we komiti bai lukluk long ol.

DORNEY: LO Kaunsel bilong Australia i ting olsem dispela bai ino gutpela long PNG na bai i mekim planti lain i laik kam wokim bisnis long PNG i les long kam.

KUA: Yes, em i tru. Planti lain i tok olsem. Mipela i tok askim ol long putim ol yet long su bilong ol PNG lain na sapos ol i ken wokim wankain samting long ol yangpela pipel i go het.

Yu tromoim askim long mi olsem "wanem tingting bilong kaunsel?" Mi ting olsem tai mol i pinisim wok stadi na prisanim i go long kaunsel, kaunsel bai wokim disisen bilong em long em.

Na long nau, Kaunsel bai stadim dispela samting gut. Ol i makim pinis olpela Sief Jastis Sir Arnols Amet olsem Siaman bilong Komiti.

DORNEY: Wanem taim tru yu ting bai komiti i redi wantaim ripot

KUA: Em bai kisim sampela taim long nupela komiti i bungim ol tingting na olsem, mipela i askim komiti na i no Atoni Jenerel long skruim taim i go long tupela mun. Tasol mi no raitim pas i go long Atoni jenerel long dispela samting yet. Mi kam bek tasol long mitng na mi ting em bai harimyet nius long dispela samting, tasol mi hop em i no harim nius long dispela samting long midia. Em bai harim nius long dispela kwiktaim.



BIHAINIM TIM BLONG PNG LONG ARAFURA GAMES LONG RADIO AUSTRALIA.

STAT LONG SARERE 14 MAY, TOK PISIN SEVIS BAI RIPOT OLKETA DE IKAM LONG GAMES, TAIM JOHN PAPIK I BIHAINIM PNG TIM NA RIPOT LONG NIUS NA STRONG BLONG OL LONG PILAI.

Mande nait long 7.15 igo long 7.30 & 8.40 igo long
Tunde igo long Fraide nait long 8.15 igo long 8.30
Sarere May 22nd long 8.40 igo nap long 8.55 blong harim raun-ap blong Games

101.9 FM
Port Moresby

RAGBI LIG

PNGRFL SP KAP

Sarere 28/05/05
 3:00 Brian Bell Bulldogs vs Mabey & Johnsons Muruks- PRL

 Sande 28/05/05
 3:00 Monier Broncos vs Toyota Mioks- PRL
 3:00 Coca-Cola Lahanis vs Chemica Cowboys- Goroka
 3:00 LBC vs Agmark Gurias- Rab

POM Rabi Lig

Fraide 27 Mei, 2005

 PRL 1
 5:00 Puma vs Defence A

 Sarere 28 Mei, 2005
 PRL 1
 9:00 Souths vs Dobo Warriors U17
 10:00 West vs Paga A
 11:30 Magani vs DCA A
 1:00 Souths vs Dobo Warriors A
 3:00 Brian Bell Bulldogs vs Mabey J Muruks SPC

 PRL 2
 9:00 West vs Paga U17
 10:00 Magani vs DCA U17
 11:00 West vs Paga U19
 12:00 Magani vs DCA U19
 1:00 West vs Paga Res
 2:30 Magani vs DCA Res

PRL 3
 9:00 Puma vs Defence U17
 10:00 Souths vs Dobo Warriors U19
 11:00 Puma vs Defence U19
 12:00 Souths vs Dobo Warriors Res
 1:30 Puma vs Defence Res

Sande 29 Mei, 2005
 PRL 1
 9:00 Hawks vs Tarangau U17
 10:00 Brothers vs Waliya A
 11:30 Hawks vs Tarangau A
 1:00 Royals vs Kone Tigers A
 3:00 Monier Broncos vs Toyota Mioks SPC

PRL 2
 9:30 Royals vs Kone Tigers U17
 10:30 Brothers vs Waliya U17
 11:30 Hawks vs Tarangau U19
 12:30 Brothers vs Waliya Res

PRL 3
 9:30 Brothers vs Waliya U19
 10:30 Royals vs Kone Tigers U19
 11:30 Hawks vs Tarangau Res
 1:00 Royals vs Kone Tigers Res

SOKA

PMSA SOKA
 Sarere 28 Mei, 2005

 Bisini 1
 08:00 LBC Defence vs B/Kumuls U21

 09:30 Lus Prutz vs Femor D2
 10:30 LBC Defence vs Sunset W1
 11:50 Naniu vs Souths Utd W1
 13:10 Naniu vs Bavaroko D1
 14:20 PNG Gardener vs Guria WP
 16:00 LBC Defence vs B/Kumuls P

Bisini 2
 08:00 Cosmos vs University P/Res
 09:30 PS Rutz vs Rapatona U21
 10:30 Guria vs Mungkas D1
 11:50 Cosmos vs University U21
 13:10 Telikom vs WMI WP
 14:20 PS Rutz vs Rapatona Primia
 16:00 Cosmos vs University Primia

Sir John Guise Stadium - Oval 1
 08:00 UBOG vs Jaha D2
 09:20 Raitman vs Bomana PC D3
 10:30 PS Rutz vs Rapatona P/Res
 11:50 vs Verave D2
 13:05 Tarangau vs D2
 14:15 Guria vs Mungkas U21
 15:30 Kurti Andra vs Sunset P/Res
 16:45 Moobi vs Sobou D3

Sande 29 Mei, 2005
 Bisini 1
 08:00 Mirel Momase vs Souths Utd P/Res
 09:20 Mirel Momase vs Souths Utd U21
 10:30 vs Jaha W1
 11:50 Mungkas vs Mopi Soweto W1
 13:10 Cosmos vs Murat WP
 14:20 Dom Ela Utd vs Badili Utd D1
 16:00 Kurti Andra vs Sunset Primia

Bisini 2
 08:00 Kurti Andra vs Sunset U21
 09:20 Los Negros vs Sobou W1
 10:30 Rapatona vs PS Rutz WP
 11:50 Pacifica Utd vs Los Negros D1
 13:10 University vs Lamana GFN WP
 14:20 Murat vs Manambu D1
 16:00 Mirel Momase vs Souths Utd Primia

Sir John Guise Stadium - Oval 1
 08:00 Bavaroko vs Cellnet U21
 09:20 Sobou vs Manambu U21
 10:30 Telikom vs PNG Gardener D2

Sir John Guise Stadium - Oval 2
 Wash-Out Games

08:00 Femor vs Tarangau D2
 09:20 Telikom vs Orogen D2
 10:30 Jaha vs Verave D2
 11:50 PNG Gardener vs D2
 13:05 Maset vs D3
 14:15 Nomads vs D3
 15:30 KB Utd vs Mopi Soweto D3
 16:45 LBC Defence vs B/Kumuls P/Res

Mid week games
 Mande 30 Mei, 2005
 16:30 Los Negros vs Pom BusColl U21

Trinde 1, Jun 2005
 16:30 Badili Utd vs Markham Yarangs U21

Bye: Celinet (D1), Orogen (D2)

LAHI SOKA ASOSIESEN

Sarere 28 Mei, 2005
 SIK Stadium (Pul A na B)
 08:00 M/Bay Utd vs Rapatona U19
 09:15 M/Bay Utd vs Rapatona meri

 10:30 M/Bay Utd vs Rapatona P2
 11:45 M/Bay Utd vs Rapatona P1
 13:00 Bismark vs Bugandi U19
 14:15 Bismark vs Bugandi meri
 15:30 Bismark vs Bugandi P2
 16:45 Bismark vs Bugandi P1

Uni Oval 1 (Pul A na B)
 12:00 Sobou vs Balob U19
 13:00 Sobou vs Balob meri
 14:30 Sobou vs Balob P2
 16:00 Sobou vs Balob P1

Uni Ova 2 (Pul B)
 12:00 TTC Bullets vs Namaemo U19
 13:00 TTC Bullets vs Namaemo meri
 14:30 TTC Bullets vs Namaemo P2
 16:00 TTC Bullets vs Namaemo P1

Sande 29 Mei, 2005
 SIK Stadium
 08:00 Murat vs Sambure U19
 09:15 Murat vs Sambure meri
 10:30 Murat vs Sambure P2
 11:45 Murat vs Sambure P1
 13:00 PNG Power vs Bugandi U19
 14:15 PNG Power vs Bugandi meri
 15:30 PNG Power vs Bugandi P2
 16:45 PNG Power vs Bugandi P1

TTC Oval 1 (Pul A)
 10:30 Namaemo vs Bumayong U19
 11:45 Namaemo vs Bumayong meri
 13:00 Namaemo vs Bumayong P2
 14:45 Namaemo vs Bumayong

P1
 Uni Oval 1 (Pul A na B)
 12:00 Mungkas vs Guria U19
 13:00 Mungkas vs Guria meri
 14:30 Mungkas vs Guria P2
 16:00 Mungkas vs Guria P1

Uni Oval 2 (Pul B)
 12:00 Unitech vs Apotiko U19
 13:00 Unitech vs Apotiko meri
 14:30 Unitech vs Apotiko P2
 16:00 Unitech vs Apotiko P1

ORO VILLAGE SOKA ASOSIESEN

Sarere Mei 28, 2005
 2:00 Mambus vs Diwune MB (loser out)
 3:00 E/Kombu vs Diwune MA (loser out)
 4:00 Tamata vs Winner G1 MB (loser out)

Sande Mei 29, 2005
 8:00 Tamata vs Mambus W (loser out)
 9:00 Musa vs Kurusi MA (winner to G/Final)
 10:00 Loser G 2 vs Winner G2 MA

Grandfinal
 1:00 Saipex vs Winner G1 W
 2:00 Musa vs Winner G3 MB
 3:00 Winner G2 vs Winner G3 MA

BASTETBOL CBL

Sarere 28/05/05
 Kot 1
 8:30 Jazz vs Muruks U19B
 9:30 Jazz vs Muruks U19G
 10:30 Jazz vs Muruks RW
 12:00 Jazz vs Muruks RM
 1:30 Jazz vs Muruks AW
 3:00 Jazz vs Muruks AM

Kot 2
 8:30 Tamaraws vs Exodus U19B
 9:30 Tamaraws vs Exodus U19G
 10:30 Tamaraws vs Exodus RW
 12:00 Tamaraws vs Exodus RM
 1:30 Tamaraws vs Exodus AW
 3:00 Tamaraws vs Exodus AM

Sande 29/05/05
 Kot 1
 8:30 Souths vs Chariots U19B
 9:30 Souths vs Chariots U19G
 10:30 Souths vs Chariots RW
 12:00 Souths vs Chariots RM
 1:30 Souths vs Chariots AW
 3:00 Sotuks vs Chariots AM

Kot 2
 8:30 Birdwing vs Saints U19B
 9:30 Birdwing vs Saints U19G

10:30 Birdwing vs Saints RW
 12:00 Birdwing vs Saints RM
 1:30 Birdwing vs Saints AW
 3:00 Birdwing vs Saints AM

Bai: Titans

VOLIBOL

FAIRFAX
 Sarere 28/05/05

Kot 1 - Meri
 10:30 Kakidos vs Dolphins WAR
 09:30 Wet vs Telikom WAR
 10:30 Seeto Kui POM vs Fire Fox WAR
 11:30 Lagoons vs Yonkies WA
 12:30 Telikom vs Fire Fox WA
 1:30 Arnotts vs Dolphins WA
 2:30 Freeway Hox vs 14 Mixers WA


Kot 2 - meri
 08:30 Freeway Hox vs 14 Mixers WAR
 09:30 Yonkies vs Badili Hides WAR
 10:30 Arnotts vs Dolphins 1 WAR
 11:30 Trans Hi Way vs Ti Doria WAR
 12:30 Frenz vs Badili Hides WA
 1:30 Ti Doria vs Trans Hi Way WA

Kot 3 - man
 08:30 Telikom vs Freeway Hox MAR
 09:30 Frenz vs Wet MAR
 10:30 Kakidos vs Esi Loan Neibas MAR
 11:30 Wet vs Lagoons MA
 12:30 Telikom vs Kakidos MA
 2:30 Seeto Kui POM vs Esi Loan MA

Kot 4 - man
 08:30 Badili Hides vs 14 Mixers MAR
 09:30 Lagoons vs Dolphins MAR
 10:30 Moukele vs Ti Doria MAR
 11:30 Arnotts vs Fire Fox MAR
 12:30 Moukele vs Arnotts MA
 1:30 Ti Doria vs Fire Fox MA
 2:30 Freeway Hox vs 14 Mixers MA

Toksave


Sapos yu laik putim spot dro bilong yu long Wantok Niuspepa orait salim i kam long feks namba 325 2579, email word@global.net.pg or ringim Wantok Spot Des telepon namba 325 2500.



• Dai hat Peter Himpia i to "Blues yah". Em i laik bai ol bai mas win. Foto: ANDREW MOLEN



• King Kori tu i save salim ol fleg na i sapotim Maroons. Em tu i laik bai ol Maroon mas win. Pilaia em i laikim em em Carl Webb. Foto: ANDREW MOLEN



• Givim siksti... Defence pilaia i laik ronawe long ol pilaia bilong Royal long Pot Mosbi ragbi yunion pilai long Bava Pak. Royals win 31-22. Foto: ANDREW MOLEN



• Kalap strong! Wapela pilaia bilong Royals (I) na bilong Difence i resis long bal long lainaut long POM ragbi yunion A Gret pilai. Royals win 31-22.



• Ol pilaia bilong Lae Biscuit Mermaids i traim long giamanim gol difenda (GD) bilong Monier Paramana long Pot Mosbi netbol kompetisen long Rita Flynn Kot las Sarere. Paramana win 68-28.



• Brukim: Peter Gabriel bilong Pole Vavine i redi long mekimsave long bal em wan pilaia bilong em Siniva (6) i setim long em long paitim i go long hap bilong ol Scorpions long NCD volibal.



• Atus, lukaut long lek! Pilaia bilong Mosbi i no laki long kisim bal. Tasol bal i pas pinis long han bilong poro bilong em. Raunim tupela em ol tupela pilaia bilong University Bulldogs long Pot Mosbi osi rul resis.



• Kam kisim... Godfrey Dobbin bilong Cosmos i laik save sapos Sunset pilaia bai kisim bai long em long Pot Mosbi soka A Gret pilai long Bisini long las Sarere. Cosmos win 4-0.



• Pilaia bilong Tamaraws i hapim han long pasim pilaia bilong Birdwing long tromoi bal long Capitol Basketball long Hohola Kot. Ol pilai i go insait long namba 5 raun bilong pilai. Ol foto: ANDREW MOLEN



NRL NIUS


Cowboys mas pilai hat

6-pela pilaia Not Kwiinslen Cowboys i bin stap long Maroons tim we ol i pilai wantaim Niu Saut Wels tim long aste nait.

I nogat inap taim bilong ol long malolo long wanem long tumoro nait ol bai stap wantaim Coboy's na pilai wantaim Kenteburi Bulldogs.

6-pela ol pilaia em winga Matt Sing, tupela senta Ty Williams na Paul Bowman, hap bek Jonathan Thurston, huka Carl Webb na fulbek Matt Bowen.

Nau yet ol Cowboys i stap long namba foa ples wantaim 14 poin bihain long Broncos na Cronulla Sharks husat i go pas wantaim 18 na Manly Sea Eagles long 16 poin long NRL poin lata.



• Strongpela man... Braith Anasta faiveit bilong Bulldogs. OL FAIL POTO

Ol Bulldogs i stap long namba 12 ples wantaim 10 poin. Tasol Bulldogs i no tim nating. Ol i tim bilong pilai hat na wantaim klostu olgeta pilaia bilong ol i kisim malolo ol bai kamapim wanpela gutpela na strongpela pilai. Ol bai redi long pinisim win bilong ol Cowboys.

Ol i gat wanpela pilaia bilong ol em Andrew Ryan husat i stap long Niu Saut Wels Orijin tim. Olgeta pilaia bilong tim i stap tren yet wantaim tim na olsem ol i kisim tu gutpela malolo long pilai.

Cowboys mas pilai hat long stopim ol Bulldogs long tumoro nait.

Ful Cowboys tim: Matthew Bowen, Brenton Bowen, Ty Williams, Paul

Bowman, Matt Sing, Jonathan Thurston, Chris Sheppard, Paul Rauhihi (c), Aaron Payne, Shane Tronc, Steven Southern, Carl Webb na Luke O'Donnell.

Ol senis em Rod Jensen, David Faiumu, Justin Smith, Mitchell Sargent na Neil Sweeney.

Bulldogs skwat: fulbek Luke Patten, Hazem El Masri, Jamaal Lolesi, Cameron Phelps, Matthew Utai, Braith Anasta, Brent Sherwin, Charlie Tonga, Adam Perry, Roy Asotasi, Brad Morrin, Andrew Ryan na Tony Grimaldi.

Senis em Adam Brideson, Dallas McIlwain, Chris Armit na Ben Cziolsowski.



• Jonathan Thurston- pilaia em ol man i kirap nogut long stap long Orijin tim.



• Tupela Bowen brata Brenton (lep han) na Matthew.

Raun 12

Fraide, Mei 27 -
Bulldogs vs Cowboys. Yu ken lukim long EMTV long 8.30 long nait.

Sarere, Mei 28 -
Broncos vs Rabbitohs
Roosters vs Raiders
Sharks vs Eels

Sande, Mei 29 -
Penrith Panthers vs Manly Sea Eagles. Yu ken lukim dispela long EM TV long 4:00-6:00 avinun.

NZ Warriors vs West Tigers
Storms vs Dragons
Bai: Knights

NRL Poin Lata

Klab	P	W	D	L	B	P/D	Pts
1 Broncos	10	8	0	2	1	77	18
2 Sharks	10	8	0	2	1	68	18
3 Sea Eagles	10	7	0	3	1	53	16
4 Cowboys	10	6	0	4	1	14	14
5 Eels	10	6	0	4	1	7	14
6 Raiders	10	6	0	4	1	-4	14
7 Storm	10	5	0	5	1	111	12
8 Roosters	10	5	0	5	1	13	12
9 Dragons	11	6	0	5	0	0	12
10 Wests Tigers	10	5	0	5	1	-13	12
11 Warriors	10	4	0	6	1	22	10
12 Bulldogs	10	4	0	6	1	-9	10
13 Panthers	11	4	0	7	0	-14	8
14 Rabbitohs	10	2	0	8	1	-143	6
15 Knights	10	0	0	10	1	-182	2

* P: Pilai, W: Win, D: Dro, L: Lus, B: Bye, P/D: Poin Diferens, PTS: Poin

Wei sampela tim i stap long dispela wiken

Sarere 28/05/05
Broncos vs Rabbitohs:
Broncos- Karmichael Hunt, Scott Hodges, Shaun Berrigan, Leon Bott, Darren Lockyer, Brett Seymour, Shane Webcke, Barry Berrigan, Petero Civoniceva, Neville Costigan, Brad Thom, David Slagg.
Senis- Corey Parker, Casey McGuire, Dane

Carlaw, Darren Mapp, Sam Thaiday na Brent Tate.
Rabbitohs- Todd Polgase, Brad Watts, Shannon Hegarty, Lee Hookey, Garth Wood, John Sutton, Ben Walker, Peter Cusack, Trent Young, Scott Logan, David Faalogo, Luke Stuart, Shane Rigon.
Senis- Mark Minichello, Scott Geddes, Mick Moran na Mich Manuokafoa.

Sande 29/05/05
Sea Eagles vs Panthers:
Sea Eagles- Brett Stewart, Scott David, Terry Hill, Paul Stephenson, Chris Hicks, Michael Witt, Michael Monaghan, Jason King, Chad Randall, Brent Kite, Luke Williamson, Glen Stewart na Steve Menzies.
Senis- Kylie Leuluai, Shayne Dunley, Sam Harris,

Mark Bryant, Anthony Watmough na Ben Kennedy.
Panthers- Rhys Wesser, Luke Lewis, Danny Galea, Ben Pomeroy, Luke Rooney, Preston Campbell, Craig Gower, Joel Clinton, Luke Priddis, Ben Ross, Joe Galuvao, Frank Pritchard na Trent Waterhouse.
Senis- Garrett Crossman, Frank Puletua, Shane Rodney na Luke Swain.



• Blues, Blues... Niu Saut Wels sapota mekimsave long singaut long Blues i mas win. Ol i no kaunim sapos nek i drai.



• Kwiinslen Maroons kepten Darren Lockyer i tingting sapos em mas win.



• Niu Saut Wels Blues kepten Danny Buderus i kamapim strongpela pilai.

Top 10 poin skora

Pilaia	Tim	Poin
1. Hazem El Masri	Bulldogs	116
2. Luke Covell	Sharks	102
3. Brett Hodgson	Sharks	86
4. Michael Witt	Manly	82
5. Luke Burt	Parramatta	80
6. Josh Hannay	Cowboys	78
7. Preston Campbell	Rabbitohs	76
8. Clinton Schifcofske	Raiders	74
9. Darren Lockyer	Broncos	73
10. Matt Orford	Storms	64



• Bipo Niu Saut Wels Blues na nau wanpela komenteta bilong ol pilai pastaim long Stet ov Orijin pilai long aste nait i tok em i gutpela sapos Maroons i win long nait.

Yeweh go long Morocco

Andrew Molen i raitim

WANPELA sumatin bilong Goroka Gramma Skul, Andrew Yeweh i redi tasol long go long Marrakesh long Morocco long 2005 Wol Yut Sempionsip.

Yeweh i kisim dispela sans bihain long em i ron aninit long qualifaing taim bilong 800 mita resis long Lae long las Sande.

Bihain long Intenesenel Asosiesen ov Etletik Federesen (IAAF) i endosim o tok orait long stap bilong em long hap bai em i go bungim Toea Wisil husat i kwalifai pinis insait long tripela pilai

long dispela tonamen we bai kamap long July 14-17.

PNG Etletik Yunion seketeri Philip Rehder husat i bin stap na lukim dispela resis bilong Yeweh i tok Chris Bais na Joe Sipo i helpim gut tru Yeweh long redi long dispela resis.

Rehder i tok Yunion i stretim ol samting bilong tupela etlit long wokabaut bilong ol long Goroka i kam daun long Lae long wiken na tu long helpim Yeweh long resis bilong em long helpim em long kwalifai.

PNGAU i luksave long Wisil na Yeweh na tokim ol long lukluk na

makim dispela Wol Yut Sempionsip. Rehder i tok Yeweh i wok long skoaim ol ron bilong em aninit long taim bilong 2 minit na wan seken insait long 800 mita olsem na Yunion i bilip olsem em inap long ron aninit long kwalifaing taim we i stap olsem 1:59.0. long dispela yia.

Bihain long em i ronim wanpela gutpela taim bilong em long 1:59.8 long sempionsip long Malaysia las mun, em i putim nupela taim long 1:59.5 long Sande long kwalifai. Rehder i tok em i bin i gat tubel tingting long Yeweh long surukim skul bilong em yet long dispela yia

na i mekim PNGAU i kam insait na givim em wanpela skolasip.

Em i tok yunion i amamas tru long Goroka Gramma Skul long ol i givim wanpela spes long Gret 11 bilong Yeweh long prais aninit long prais tru bilong skul fi.

PNGAU nau i statim wok pinis long stretim wokabaut bilong tupela etlit long go long Morocco.

Rehder i tok Wisil bai i go bek long Brisbane liklik taim long trening ken wantaim Mae Koime long redi long Marrakesh na Yeweh bai lusim kantri narapela mun bipo tasol long tri wik skul holide we i kamap long rait taim.

Hap Hap Spot

Yama kamap Madang lig petron

Jeffery Lapa (DWU sumatin) i raitim

MADANG ragbi lig i makim memba bilong Usino-Bundi Peter Yama MP olsem petron bilong lig.

Madang ragbi lig presiden Max Kitao i tokaut long dispela makim bihain long wanpela miting bilong lig long dispela wik Mande.

Kitao i tok Yama long stap olsem petron i tok orait long askim bilong lig na olsem em i tok tu long sponsaisim gren fainol prais mani.

Em i tok Memba bai kamap long Ron Albert oval long dispela Sande long opiseli tok yesa long makim bilong em na long tokaut long wanem tingting em i gat long mekim long lig.

Na long harim olsem Yama i tok orait long dispela makim bilong em planti ol opiseli amamas long wok wantaim em long wanem ol i tok Memba i bipo ragbi lig pilala long Madang na olsem em i gutpela long lukim em i stap olsem wanpela opiseli bilong lig.

Long wankain taim Kitao i tok Madang distrik kot mejistret Kuri Tanga em Lig i makim em olsem memba bilong MRFL judiseri.

Long dispela Kitao i tok nau olsem i gat judiseri i komiti i stap pinis husat pilala, opiseli o sapota i laik mekim bikhet pasin long pilai bilong ol bai kisim bikpela mekim-save bilong lo.

Kitao i tok Tanga i no nupela man long stap long dispela kain komiti long wanem em i mekim wankain wok wantaim wanpela nesenele spotting bodi bipo.

Em askim ol pilala long pilai long trupela spirit bilong pilai na olsem ol i no ken bagarapim ol yet long ol rap pilai.

Nupela Madang soka opiseli

Paulus Tali i raitim

BEN Lange i nupela presiden bilong Madang Soka Asosiesen bihain ol eksekutyutiv i makim em long las wik.

Namba tu bilong em em Emmanuel Ezekiel na seketeri em Christopher Papiali.

Bihain long taim bilong ileksen Lange i tok em i nupela man olsem em i laikim sapot bilong olgeta memba long mekim gut wok.

Tasol long taim bilong ileksen bipo presiden Clement Korngate na tresera Pius Bokorum i no stap. Tasol tupela i amamas long ileksen bilong ol opiseli na i tok tupela bai wok wantaim ol.

Nau yet long Madang soka kompetisen bihain long raun 6 ol tim husat i stap long top faiv bihainim poin lata em Tiduk, Diwai, Yabob, Miks, Kula United na Wagsford.

Long divison bilong ol meri em Kula United, Marlins, Momase, Yabob, Miks na Agmark Aigob.

Long anda 19 divison em Yabob Miks, Kula United, Yabong Blues, Nabasa, New Town.

Ol pilai i go insait long raun 6 na planti ol sapota bai kamap long sapotim tim bilong ol long Laiwoden ovei.

Ol manki Nabasa bai kamapim planti gutpela pilai na olsem planti ol tim bai painim hat long winim ol. Ol kain tim olsem Yabong Blues na New Town mas was gut long ol stail manki bilong Nabasa.

Harlequins stopim ron bilong Piggies

Andrew Molen i raitim

UNIVERSITY Piggies i gat planti samting long mekim long dispela wiken long bekim lus bilong ol long ol primia bilong Pot Mosbi ragbi yunion kompetisen, Hebou Harlequins 15-10 long Sande long primia divison bilong ol.

Dispela win bilong Halequins i stopim ron bilong ol Piggies na givim fes lus bilong ol long kompetisen bilong dispela sisen.

Long hap taim Harlequins i stap daunbilong long Piggies 10-5 tasol ol i senisim gia bilong ol long seken hap na paia strong we i lukim ol i putim tupela trai long seken hap.

Dispela gem nau i lukim tupela tim wantaim i lusim wanwan gem bilong ol na foapela win.

Long narapela gem, Royals husat ol i stap

daunbilong long leda i putim wanpela strongpela gem long winim ol Difens. Royals aninit long nupela kosa bilong ol, Andy Agovaua i givim Difens 31-22.

Spitman bilong Royals, Abaya Madabe i kamapim wanpela stail gem we i lukim em i putim tripela trai long gem we em i kisim "Man-of-the-match."

Long gem bilong Piggies na Harlequins i lukim tupela olpela birua i kirapim paia namel long ol ken. Uni i skoa fes wantaim wanpela penolti kik i kam long Asi-Vele Tola na wanpela trai bilong No. 8, Kopi Marai husat i ron antapim Harlequins fulbek, Greg Wakore olsem wanpela buldosa.

Wanpela trai tasol bilong Harlies long fes hap i kam long lok bekro fowet Joe Koel.

Planti stop i kamap insait long gem tasol Harlies i mekim save long ol sans ol i kisim insait long 22 mita bilong ol Uni na dispela i lukim ol i putim tupela trai i kam long fes-faiv Jack Maraha na seken-faiv Jacob Jesse.

Ol ekspirien fowet bilong Harlies olsem Carl Hoot, Isidore Tiriman, Anthony Pangkatana, Jonathan Kairu, Koel na Cecil Davani i sanap pes-tu-pes wantaim ol fowet bilong Piggies we i lukim wanpela strongpela gem i kamap.

Willi Rikis, Marai, Leith Isaac, Steven Batia Jnr na Lua Wani i paia strong long fes hap tasol ol i no mekim bikpela nois long seken hap taim ol Harlies i kam bek strong. Ausait beks bilong Harlies, Vincent Kambuou, Gary Iga na Wakore i mekim strongpela difens long pasim Uni taim ol i pait i kam bek klostu long pinis bilong gem tasol ol kik bilong ol i krangki.

Ol sumatin mas tren hat: Nandex

KIKBOKSING long Papua Niugini i gat bikpela progrem bilong dispela yia na narapela yia tu i gat planti bikpela moa samting bai i kamap long dispela spot.

Dairekta bilong Wol Kikboksing Asosiesen long PNG na Pasifik na tu prefesenol kikboksa, Stanley Nandex i tokaut long dispela long dispela wik bihain long em i kam bek long Turkey we em i winim wanpela pait bilong em.

Namba wan samting we bai kamap em namba foa Hailans Rijinol Taitols long Goroka long Mei 4-5 long Nesenele Spots Institut.

"Moa long 200 paitman olgeta hap long kantri bai i kamap long dispela tonamen.

"Inap olsem 20 paitman bai i kam long wanwan provins. Simbu tasol bai salim bikpela namba tru olsem 45 kikboksa," Nandex i tok.

Em i tok dispela em i rijinol tasol em bai luk olsem nesenele tonamen bilong wanem planti paitmanmeri tru bai i kamap.


Bihain long dispela nesenele sempionsip long Pot Mosbi long Septemba 3 i go long 4 ol wina bilong Hailans rijinol taitols bai i pait.

"Wina bilong nesenele sempionsip bai i makim kantri na i go pait long wol sempionsip long Kanada long Novemba," Nandex i tok.

Em i tok tu olsem wanpela biknem muvi ekta, Paulo Tocha husat i save kamap long ol muvi wantaim Jean Claude Van Damme ba i kamap long lukim dispela sempionsip we em bai i mekim sampela toktok.

"Em bai lukim tu kantri na olgeta samting i orait bai em i go bek na toksave long Van Damme we em yet bai kam long PNG long 2006," Nandex i tok.

Long wankain taim em i tokaut olsem Benk ov PNG i sponsaim tonamen wantaim ol trofi na prais na Nesenele Spot Institut i givim ring na ples bilong pait.



Stanley "Headhunter" Nandex husat i givim wanpela kik nogut bilong em long wanpela birua paitman long Yurop i no long taim i go pinis. FAIL POTO

Em i tok ol nupela skul olsem Madang, Rabaul na Kimbe i soim bikpela laik na ol tu bai salim ol paitman bilong ol i kam long Goroka.

Nandex i kam bek las wik Fraide long Turkey we em i winim Wol Kombat Kap trofi long Wol Supa Wet sempion Ramazan Byzakaya insait long A1 tonamen.

Nandex i lukluk nau long promotim ol yangpela paitmanmeri bai ol tu i ken i gat sans long go kamap long kain level we em i stap long en

"Yupela i mas tren hat na soim save na strong bilong yupela long kain pilai olsem dispela Hailans rijinol taitols," Nandex i tok.



WANTOK SPOTS



• Pes 20
Lukim moa stori bilong
Stet ov Orijin/NRL



• Pes 30
Tupela strong-
pela tim bai
brukim bun

• Pes 31
Nandex laikim
gutpela trening

Maroons kamap

Paul Zuvani i raitim

RONG pas bilong Brett Kimmorley lukim ful bek na man nogut bilong Not Kwinnsen Cowboys na senta bilong Maroons Matthew Bowen i intaseptim bal na givim win long Maroons 24 NSW Blues 20.

Dispela em bihain long ol man i paul na bel sut long husat tru bai win bihain long tupela tim wantaim i dro 20-20 long 80 minit.

Tasol moa yet pilai i no inap go olsem sapos Jonathan Thurston i no kikim dispela fil gol long 10 mita trai lain bilong ol Niu Saut Wels.

Thurston em dispela pilaia em planti toktok i kamap long makim bilong em long wanem ol selekta i kisim em na lusim ful bek bilong Penrith Panthers Rys Wesser husat ol i tok i mas stap insait.

Thurston i kikim dispela fil gol long 79 minit stret long namba faiv takol bilong ol Kwinnsen.

Kik bilong Thurston i mekim Maroons i dro 20-20 na larim pilai i go painim wining trai. Long dispela Bowen i putim wining trai.

Long wanpela taim Kwinnsen i bin go pas 19-0.

Namba tu hap i bin strong tru bihain long ol Blues i kisim strongpela toktok long Ricky Stewart we ol i kam bek insait 0-13 na i lukim skoa i go antap long na abrusim mak bilong Maroons 20-19.

"Man of the Match" taitol i go long prop Steve Price.

Dispela pilai i bin kamap long Lang Pak long Brisbane long Australia bipo long klostu 60,000 manmeri husat i kamap long Stedum long lukim.

Planti manmeri long Australia na PNG i lukim tu long televison.

Long namba wan hap Maroons i bin kontrolim pilai na dispela i lukim ol Blues i difen planti taim.

Ol Blues i no bin gat sans long ronim bal. Long ol kika ol komenta olsem Phil Gould i tok Lockyer i mekim gutpela wok long givim bal long ol wanpelaia bilong em tasol hapsait pilaia Brett Kimmorley i no bin mekim olsem. Dispela i lukim ol Blues pilaia i no holim tumas bal. Em i wankain long kikim bal tu.

Namba wan poin bilong Maroons i kamap long 9-pela minit i go insait long pilai we i lukim huka Cameron Smith i putim tupela poin bihain long NSW i mekim asua long 10 mita trai lain bilong ol. Brett Kimmorley i bin kikim krangki bal we i pas na go bek na ful bek bilong em Anthony Minichiello i kisim bal tasol referi Paul Simpkins i tok i gat asua olsem na Maroons i kisim tupela poin.

Bihain long narapela 9-pela minit gen Blues kepten Danny Buderus i mekim krangki long 20 mita mak. Na Smith i kisim narapela



• Golden man... Matthew Bowen husat i intaseptim bal na putim golden gol long givim win long Kwinnsen Maroons 24-20.

Wantaim konvesen bilong Smith ol Maroons i go pas yet 10-0.

**ORIJIN
GEM 1**

Long 30 minit samting olsem klostu pait i bruk bihain long Danny Buderus i no takolim gut wanpela Maroon pilaia we i lukim Carl Webb i kam na stopim Buderus. Webb i mekim wankain liklik ken bihain long liklik taim bihain na referi Simpkins i tok iukaut long em long em i no nogut em i kisim mekimsave.

Bihain long dispela Trent Barrett i takolim krangki Tonie Carroll we i lukim penolti i go long ol Kwinnsen. Smith i kisim tupela moa poin na dispela i lukim Maroons i go pas yet 12-0.

Na Lockyer i kikim fil gol we i lukim skoa i sanap 13-0 long hap taim

Las trai bilong Maroons long namba tu hap i kam long seken ro Michael Crooker. Na golden poin trai i kam long Bowen.

Ol trai bilong Niu Saut Wels i kam long Luke Rooney, Mark Gasnier, Danny Buderus na Craig Fitzgibbon. Ol konvesen kik i kam long Fitzgibbon.

Namba tu State ov Orijin pilai bai kamap long Sidni long Jun 15.

